

書叢學科會社

編主勝秉劉 松炳何

亂 紛 之 界 世

著 朋 黎
譯 鈞 承 馮



行發館書印務商


書叢學科會社

編主麟秉劉 松炳何

世界之紛亂

Gustave Le Bon 著
馮承鈞 譯

商務印書館發行



3 0662 6882 6

世界之紛亂

目錄

緒言	世界之現狀	一
第一篇	政治之紛亂	五
第一章	意象之進化	五
第二章	心理錯誤之政治結果	九
第三章	教授輩之平和	一八
第四章	回教之覺醒	二三
第五章	歐洲之不解回教徒心理	二八
第六章	阿爾薩司問題	三五

第七章 現在財政狀況 何人給付戰費……………四五

第二篇 社會之紛亂……………五七

第一章 社會紀律與革命心理……………五七

第二章 革命願望之神秘成分……………六二

第三章 財產之社會化……………六七

第四章 各國社會黨之試驗……………七四

第三篇 財政之紛亂及富源……………八六

第一章 現在歐洲之窮乏……………八六

第二章 財富之新舊成分……………九一

第三章 兌換之表面的祕密……………九七

第四章	債務之隨時而變·····	一〇五
第五章	生計昂貴之原因·····	一〇八
第四篇	世界經濟之紛亂·····	一一七
第一章	領導世界之新勢力·····	一二七
第二章	由煤炭與煤油所發生的新勢力之社會作用·····	一二一
第三章	德國之經濟狀況·····	一二七
第四章	稅斂之心理成分·····	一三三
第五章	經濟學之根本原則·····	一三八
第五篇	羣衆新勢權·····	一四二
第一章	羣衆新勢權上之神秘幻想·····	一四二

第二章	基諾公會視若羣衆可能收效之例	一四六
第三章	議會大羣衆	一五一
第四章	羣衆之向種種專制方式之進化	一五五
第五章	對於國民協會之幻想	一六二
第六章	聲望之政治的作用	一六八
第六篇	民族心理之改造	一七四
第一章	美國人之教育觀念	一七四
第二章	法國之教育改革與德國大學	一八一
第三章	學校之精神教育	一八七
第四章	軍隊之創造精神習慣	一九二
第七篇	同盟與戰爭	二〇〇

第一章	同盟之價值·····	二〇〇
第二章	爲霸權與爲生存之鬭爭·····	二〇九
第三章	安寧問題·····	二一六
第四章	未來之戰爭與軍備解除之幻想·····	二二一

世界之紛亂

緒言 世界之現狀

近代文化於兩種形狀下表現之。其殊異。其遠戾。設置身別一行星之中遠瞰之。一似其屬於兩種完全不同世界者然。

其一世界爲科學與其應用之世界。科學所構之棟宇。發射調和與純潔真理之炫燿的光明。別一世界則爲政治生活與社會生活之黑暗範圍。其動搖不定之建設。受幻想、錯誤、怨恨、之籠罩。狂暴鬪爭復從而頻數破壞之。

此大文化各領域相遠之顯著。蓋因各領域構成之分子不循同一定律。並乏共同度量。社會生活受需要感情與夫遺傳的本能之支配。此種成分在年代累積之中。單獨指導人類之行

爲。

進化在此境界效力至微。鼓動吾輩祖先之感情。若野心、嫉妬、殘忍、怨恨者。仍舊未見其變更。

人類在科學表現沈悶長曆之諸時代中。於智慧上雖超越動物界甚遠。然與動物界之差別實微。吾人在生物界中與動物相等。在感情界中能超過動物者有限。惟在智慧界中。吾人之優勢始見廣大。藉有智慧。大陸賴以接近。思想轉移自此半球達彼半球。如光之速。

顧智慧雖在實驗室中表現無數發明。而在社會生活中之作用。迄於今茲。收效甚少。緣社會生活受衝動之統馭。不受理性之管轄。原始時代之感情與狂熱。在民族精神上仍保存其勢力。兼決定民族之行動也。

夫欲事變之可解。須注意感情神秘衝動與智慧勢力之差別。然後知具有高深智慧之人。何以承認幼稚信仰之理。彼受宗教或政治信仰之著名的幻覺。創造人夢囈之統馭者。何啻億萬人。今日共產派之幻想。足使廣大帝國遭其破壞。數國受其脅迫。蓋可例之。

理性將來在歷史進行中能否有其作用。吾人不知。設智慧於供給喋血日多之破壞方法以外。尚

有其他方法扶助感情。與神秘衝動之繼續指揮世界。行見吾人之諸大文化將與曩昔亞洲諸大帝國共其沈淪。勢力雖強。不足以挽救其頹運。而其最後遺跡。今尙掩沒於沙礫之中焉。

今日煽動民族生活諸社會問題之複雜。一部份蓋基於調和相背利益之困難。當和平之時。民族間。甚至同一民族之諸階級間。亦不免於紛歧。第生活之須要。終使相背利益得其均勢。調停。卽不然。半調停可以成立。

此種調停。常爲苟且偷安之調停。一經重大變動。如大戰之後。卽不能延續存在。由是均勢爲紛亂所代。舊日強制既已解除。感情信仰與夫相背利益。重再發生。暴烈相抗。

職是之故。世界自戰爭以還。淪入紛亂變遷之中。今尙未能自拔也。

諸民族與其主人妄以今已不適於用之舊方法解決完全簇新問題。則欲自拔也愈難。

產生戰爭之感情幻想與神秘幻想。降至平和之時。尙見其統馭之勢。所創造之黑暗。使歐洲沈淪於其中。今尙未見有一供指導之燈塔放射光明。

夫欲免除包圍將來之脅迫。應排除情嗜與幻想。研究各方樹立之問題。與其充佈之反應。是卽本

奮之目的。

此將來。大致操於吾人之手。夫既不類過去之固定。得以吾人之努力變更之。今日之可以恢復者。行將爲將來之不可恢復者。偶然之勢力。質言之。未明瞭之原因。在世界進行之中。雖甚重大。然不足以防礙民族之創造其命運云。

第一篇 政治之紛亂

第一章 意象之進化

意象在民族生活中之重大作用。余在余之諸撰述中言之已屢。今尙須喋喋不已者。因現時相背。意象之鬪爭。愈見證實。勢力衰微的宗教政治舊意象之外。今又見有妄圖替代的新意象之發生。民族之無共同感情。共同利益。共同信仰者。祇能成爲一盤散沙。不能凝聚。不能延續。不能強健。不能取史例以證之。

使蠻野抵於文明之統一。乃因同一意象之承認而成立。侵略之偶然。不足以代之。可能統一民族精神之意象。性質各別。羅馬之祀典。阿羅 (Allah) 回教上帝之稱。之崇拜。天堂之希望。等等皆其例也。一旦人心受其收攬。其爲活動方法。收效實同。有能影響人心之意象。民族

必昌。此意象衰微。民族則亡無日矣。羅馬之淪替。蓋始於羅馬人不敬其制度與其神道之日。各民族之意象。含有極堅定之成分。如祖國之愛者是。又含有隨各時代之需要、利益、精神習慣、而異之不定成分。

茲惟取法國以例之。千年以來。其意象之構成分子。常隨時代而變化。今尚在繼續變化之中。中世紀時。佔優勢者爲神學成分。但封建制。騎士道。十字軍。各附以特別面目。雖然。意象在天。而仍受天之指導也。

逮至文藝復興之時。觀念一變。古世重見憶及。思想限界爲之變移。天文學曾擴而張之。證明前此假定爲宇宙中心之地球。至是僅爲穹蒼無限中所遺之小星。神明意象固存。然已非惟一無兩者矣。斯時參加不少地上見解。科學藝術有時重於神學。

時歲推進。意象又更。國王之勢權。昔爲教皇封君所限者。終成專制。十七世紀時。君主政體。權制獨斷。諸範圍中咸受統一秩序、紀律之統馭。昔日銷費於政治鬭爭之努力。至是乃轉向文學藝術。使之燦爛光明達於高度。

閱年又久。意象又新。十七世紀專制主義之後。繼以十八世紀之評論精神。凡事皆重受疑問。權勢原則遂衰。曠昔世界主人勢力所從出之聲望。遂以喪失。代舊日指導階級若王朝、貴族、教侶、而取得一切權力者。則爲別一階級。其宣佈之原則。尤以平等爲甚。週行歐洲。而使之變爲戰場者。垂二十年。

願過去之在人心。消滅甚緩。舊日觀念不久復興。過去之意象。與新產之意象。軋轢遂起。復辟與革命。互相興替者。垂有百年。

自是舊意象之僅存者。逐漸消滅。比者擾亂世界之大禍。復將其衰弱聲望摧殘之。顯然不能指導國民生活之神道。已成幾近遺忘之幽靈。最舊之君主政制。亦被證其毫無能力。而爲民衆暴怒所推翻。羣衆意象。至是又見變化。

失望之民族。現皆希圖自保。而欲以無產界之獨裁。代替神道與君主之專制。

此新意象之成立。不幸在科學進步改造世界。而世界進步惟恃英傑之日。於無產界未見有其利也。昔日俄國有無英傑之智慧能力。尙不成爲問題。今日若無英傑。則使之墮於委靡深淵。

現代困難之一種。即在尙未發見能使人類多數贊同之意象。

此種必要的意象。現在制勝的民主政體尙在尋求之中。而尙未能發見其所提出之意象。無一能招集相當信徒而受崇奉者。

處此普遍紛亂之日。社會黨之意象。雖欲將民族之指揮。試爲壟斷。願其不屬於心理與政治之根本定律。雖經嘗試。卽與意志所不能破之藩籬相抵觸。則其不能取舊意象而代可知矣。

昔日希臘別阿西 (Beotia) 國泰白 (Thäbes) 城道上。有一巖洞。內有神物。示人隱謎。猜知者生。不知者亡。

此種民話。可以喻民族歷史困難時代所採之兩途。卽猜知抑滅亡是已。第民族存亡所繫諸大問題之難猜。無有逾於今日者也。

新意象雖尙未抵於建設之日。但其結構之成分。暨其必應排除之成分。不難確定。本書之數頁。卽在說明此種確定也。

第二章 心理錯誤之政治結果

未來事變之預測未能。與現代事變之觀察不確。戰爭時與平時常見有之。

戰爭諸期中。常見有未能預測之事。德國未能預料有英國之加入。亦未預料有義國之加入。尤未預料有美國之加入。法國亦未預料有布加利亞國與俄國之退出。並未預料有其他事變。

英國之鑑識。亦未見其銳敏。余在他處曾言其外交部長於停戰三星期之前。絕未慮有德國之士氣喪失。而在一演說中。謂戰爭爲期尙遠也。

預料事變之難。卽預料最近事變之難。可以索解。但耗巨費遣專員於諸國。專任調查報告。而其當局之人尙不知諸國之事。則不可解。

調查員之盲於心者。必因其所見者事屬特別。而未能了解事之一般。

除去使數州遭遇戰禍之心理重大錯誤。余於此處未暇言及外。自停戰以還。尙有若干錯誤。所負之結果。亦甚可怖也。

第一錯誤。卽未助成德意志帝國中諸邦之分解。當德國敗後。而此分解已自動開始矣。別一錯誤。則在助成奧國之分解。乃爲歐洲平和計。此事力應避免也。

又有一錯誤。重要雖較次。然其利害亦不輕。卽阻止德國工業將戰時所積存之商貨輸入法國一事是也。

茲取原於此種錯誤之結果審之。

第一事之結果重大。助成德國之分解。俾其成爲若干政治分離之國家。一如其一八七〇年前之舊狀。其關係世界之安寧極重。余在和約未成以前已屢言之。

當時爲之極易。因德國戰後卽自動分爲若干獨立民國也。

此種分離並不出於人爲。乃統一則反出於人爲。緣德國爲諸不同的種族所集合。據協約國所實貴之國民原則。各種各應有其獨立權也。

賴有普魯士之鐵腕。與五十年軍營學校之訓育。始能將彼此不甚親善數百年分立之地域合而爲一。

惟因有此便利。故得維持其統一。一旦此種便利消滅。帝國自應瓦解。是亦戰後之所經也。

助成此種分解。而賦與若干新國以較優的議和條件。則可使其已成之自動分解固定。

乃諸協約國未明此理。必臆以爲取之於整然不分的德國者。必較之取於分爲若干國者爲多。

今則爲時太晚矣。德國當局已利用和會之無限的躊躇。而艱難困苦恢復其統一。

今其統一業已完成矣。按德國之新憲法。全國似分爲若干自由平等國家。此特爲其表面也。所有立法。皆屬帝國。諸聯邦在實際上自立不及前此遠甚。祇成爲帝國之諸省。其不獨立與法國諸省之對中央無以異也。

德國新統一制之惟一變化。即在普魯士昔日所執之霸權。今不屬之而已。

助成奧國紛解之政治錯誤。尤爲重大。奧國固爲一種蠹蝕帝國。然曾有其遺習。有其組織。總而言之。有一須經若干世紀始能建設之結構也。

若能稍減幻想。略增聰慧。保存奧大利帝國之必要。卽顯著而易明。

乃將奧國分爲若干小國。既乏資力。又無後望。甫經構成。卽彼此互相衝突。歐洲今已見其害矣。後

日之害。殆無窮也。

美國卽有鑒於此種國家殘破之餘。重再引起歐洲大亂。而不承認國民協會。(舊譯國際聯盟誤)免在不能開化的巴爾幹民族爭鬪之中。強迫美國干涉。

奧國之分解。將有其他更爲重大之結果。其一結果。則使德國併入舊日奧大利帝國所餘之地。九兆至十兆德國人所居之所。而擴展其疆域。該地居民自感其衰弱。自不免歸向德國。請求合併。諸協約國固會反對其合併。但不能永遠反對也。蓋德意志種之奧國人。爲要求合併。曾引據國民原則。質言之。引據協約國高唱的民族自處之權。以子之矛攻子之盾。吾不知將何以應之。

史乘中所常見錯誤觀念之害。於此又增一則。自以可能代替均勢之國民原則。在理性方面。固不失爲公正。然若從人類受感情嗜好信仰之指導者甚多。受理性之指導者極少之處言之。適成爲極大之錯誤。

今有諸國。省與省間。村與村間。甚至一村之中。其居民種族不同。語言不同。宗教不同。爲數百年之怨恨所分離。惟有互相屠殺之意象。試問此幻想的原則如何實行耶。

前述第三錯誤。即用種種可能方法阻止德國戰時積聚之出產。於議和後輸入法國一事是已。亦一助成生活昂貴最要之錯誤也。

此種禁令當然不本於和會之決議。而出於吾人之政府。

要知爲此錯誤者。並無二國。美國與英國較有謀慮。大開門戶。一任德國出產輸入。利其廉價。廣事聚積。由是其國物價因以減輕。

寧與兌換有利益之國貿易。爲一種極明白單簡之經濟概念。不能解此之政治家。尙未思及有其人。

吾人禁止輸入之幻想的理由。或吾人禁止輸入關稅之幻想的理由。適足以加惠於若干無能的製造家。而使之出產法國需要品十分之一而已。

民衆爲取悅於若干工業家計。乃增其價三四倍購貨於英美商人。而英美商人復以極廉之價購之於德國。然吾人曷不選購之於德國歟。

右述之心理錯誤。僅指議和時之錯誤而言。自斯以後。歐洲政治家之錯誤。尙復甚多也。

其間有一重大錯誤。幾危及歐洲之安寧。乃由主持英國國運之總長。對於波蘭所持之態度有以成之。

此君欲懷柔俄國共產黨。不惜勸告波蘭。承認俄國提出之似是而非的議和條件。尤注意於武裝解除一歎。是無異使波蘭受侵略。歐洲被侵寇屠殺也。

此君爲對於俄國共產黨表示其善意起見。不惜反對一切公法。而禁止由當紀 (Dantzig) 城輪運軍火入波蘭。並取得比國對於安維司 (Antvers) 城之同一禁令。

此項禁令之結果。立引起中立國極劇烈之憤懣。不必言法國也。茲錄日耐維日報 (Le Journal de Genève) 之文如下。以見公論之一般。

因茲二種敵對波蘭行爲。使仰慕英國之人。非常警惕。今日仰慕者曰。

英國今日能安處於其島內者。不僅恃有英國人之血。且賴有法比義波諸國人之血。法國比國波蘭國今尚在前敵第一防線也。

英國或爲守其忠義遺習。抑爲保其最明顯之利益以爲可任其協約諸國於防制俄國共產黨

西侵之鬪爭中。銷耗其力。而能不盡其全力以爲援助歟。

決定英國政治家政治傾向之商業利益。顯而易見。特其所未見者。其對於波蘭行爲所能發生之結果耳。

設波蘭聽從英國勸告。拋棄鬪爭。與被土耳其虐待之回教相聯合之俄國共產黨。必較今日更爲危險。蓋波蘭既已屈服。共產的俄國與德國聯盟。決無可疑。

幸而吾輩政府對於大勢之見解。與英國所見者異。此不特爲吾人之幸。或尤爲英人之幸。

赤軍已迫波蘭都門。波蘭雖似瀕危。吾人之國務總理毅然援助之。不特接濟軍火。且派福士（Foch）大將軍之參謀長前往指揮軍隊。賴有其力。望風退走。莫有鬪志之波蘭軍隊。爭效死力。祇須幾種戰路。遂使轉敗爲勝。

其效果乃立時發生。波蘭獲救。德國絕望。俄國共產主義退走。而亞洲亦藉以少受威脅。

夫欲達此目的。祇須見解正確。行動迅速。不意吾輩當局之能力。竟成異常。此所應大加稱許者也。歐洲政治家尙未能脫離適應已經消滅的需要之觀念。至民族互屬之近代觀念。與夫侵略無益。

之證明。毫不足以影響外交家之行為。此等仍信破壞他國之商業足以富裕本國。而一國之意象乃在用侵略擴大疆域。

此種陳腐觀念。在不以吾人陳見與祖傳的嗜好活動之民族視之。似覺可恥。

巴西某報於下引之文表示其驚異。可以見新大陸之觀念矣。

舊大陸之一切民族。不論爲何種民族。概有一種世界與生活之舊觀念。彼等何所欲。不外乎擴奪。其在戰爭目的中何所見。不外乎多獲之機會。是即古代觀念。亦即使人常常感覺之多數世紀的陳跡。若大智之人。若羣衆。甚至觀念混淆僅恃階級自私鼓動慾望之社會黨與工人。皆不免焉。

歐洲政治家有時操現時之語言。然其行為仍用舊時之觀念。英國一面高唱國民原則。一面擄取或欲取埃及、波斯、德國屬地。米瓊波達米亞（Mesopotamia）等地。在昔日帝國殘破之上所建之諸小民國。亦有其諸大原則。然亦欲利其鄰國之失而自擴張其疆域也。

夫欲將來歐洲和平之成立。應使由心理錯誤所造之混亂。不再統馭人心。願欲向民族證其幻想

之害。有時應費時若干年之久。

指導軍隊司令政治家之學理。既爲戰爭所擾亂。其特以爲嚮導者。祇有一種不定的經驗方法。國務總理某君在法國國會已將此種心理狀態表明。據云。

吾人作戰議和。皆恃經驗。因無法。至若經濟學理。此處無人懷之。

夫一切科學發端之時。固不能不用經驗。但科學進步須別求概律於經驗之中。使之預測現象之進行。而不再用經驗。

例如物體自由在空中降落。欲知降落時之速度。與同時所經之空間。無人需要經驗是已。

物理定律極其確定。苟有似乎不能檢定之處。卽確知必有一擾亂原因之闖入。而此擾亂原因之大小。可能定也。譬如天文家勒維利耶 (Leverrier) 檢定其星不復嚴守引力定律。卽知其運行必爲不識的行星所擾。乃從其觀察之擾亂。演繹發生擾亂之星之方位。不久卽可發見其方位是已。

心理學與經濟學之服從定律。一如所有自然現象。願此種定律。吾人知之甚鮮。而已知者復受不

少擾亂。所以最確之定律。雖有不少經驗供援據者。而不免於受人之懷疑。歐洲當局處戰爭與平和之時。未曾據有若何行爲定則。顯而易見。彼等雖將若干經濟定律心理定律遺忘。然不足以妨礙此種定律之存在。因其無識。所以常受其害。

第三章 教授輩之平和

除前述之心理錯誤外。尙須附以主持和約編訂之幻想。其重要本章專述之。

史乘中人權勢能與當時行抵歐洲口授議和條件之威爾遜（Wilson）總統相等者。頗難多選。當其權勢爛漫之時。此新大陸代表所具之聲望。爲昔日神道帝王所難跂及。

聆其神異的預約。一似一種新光明行將普照宇宙。甫離可怖地獄而畏重再沈淪之民族。似見有永遠和平之曙光。似有一種博愛時代。代表殘殺破壞時代。

此種偉大希望。不能持久也。未久。實際卽予證明艱苦編訂之條約。惟有促使歐洲淪於紛亂。而東方復罹於不可避免的戰爭之效果而已。分割諸舊君國而建立之諸小國。未久幾盡侵入其鄰封。諸

大國經數月之久。無能以其干涉息其狂怒者。

其使諸大希望失敗之原因。最活動者。即爲不明原始時代以來指揮民族生活之若干根本心理定律一事。

威爾遜總統昔似獨爲分割歐洲強人承受其不合常識的議和條件之人。今日吾人乃知主持者不惟彼一人也。

據朝報 (Le Matin) 所載美國大使伊耳克司 (Elihu) 漏洩之言。始知和約諸條款。實出一種教授小團體之手筆。

當威爾遜總統命浩司 (House) 上校選擇代表之時。曾提出條件曰。

「余祇須大學教授。」

上校曾告之以美國有名大使。有大工業家。在大地上爲第一等人材。亦爲熟知歐洲情形之政治家。願無益也。

總統仍云。「余祇須教授。」

由是觀之。繁殖諸委員會者。乃爲一種教授團體。此輩俯視文字。而不俯念人心。搜討抽象的大原則。而實於事實。當時之平和。洵爲伊耳克司大使所稱「教授輩之平和」。此事更可證明充塞學識之理論家。不明實際之甚。且能缺乏常識而有害焉。

和約在實際上包含兩個截然不同的部份。

(一)大致分割奧大利土耳其之地。創建新國。

(二)組織國民協會。用以維持永久平和。

關於分割奧大利土耳其。其創建新國之事。即可用經驗證明一種失望之價值。此節余前已言之。其最初效果。則使破壞擾亂。與戰爭在此諸國之內。久事盤據。由此可見。命令改造千百年歷史之幻念。分割諸舊帝國爲若干自立省國。而不問其生存之可能。洵屬一種狂妄事業。此種新國。既爲相背利益與種族怨恨所分歧。復無經濟定性。勢必衝突。無可疑矣。今日微小的奧大利國。卽爲指使和會諸主人分解極舊帝國之極大政治幻想之產物。

奧國既抵此種困境。設其自認非與德國合併不能自存。試問諸協約國將有何能耶。編訂和約人

至是始知其誤。而分解有益少害之舊奧國。實爲輕舉妄動矣。

自以爲能用一張紙改造千年歷史漸次構成之歐洲。人之躁妄。有逾此者歟。

美國大使莫耳井紹 (Morganthau) 近述和會製造諸小國之狀況有云。

今日中歐之狀況。尙堪言耶。此處則有如粉碎之小國。無實力。無工業。無軍隊。凡百皆須創設。類多希圖擴展其疆域。而不問其概能管理。概能調查與否。彼處則有一七千萬人密結之大國。自知紀律之價值。兼知統馭世界祇須反掌之勢。既未忘其希望。亦未忘其遺恨也。

英國既得堅固的實際以易其默許。故遵重威爾遜總統之幻想。緣其既得廣大土地。使之成爲大戰之真正獲利國。對於與己無涉之和約部份。當然無所用其反抗。

惟有法國感受威爾遜派理想家之要求。而此要求尤難讓步者。蓋人以爲其依據於純粹理性也。威爾遜總統與其大學工隊之顯著的錯誤。卽在確信此理性在民族運命上之無上權力。然全部歷史應昭示彼等曰。人羣之真正嚮導。乃爲感情嗜好。而理性鮮有作用也。

政治。石言之指導人類之藝術所需要之方法。與教授畫所用者大殊。其根據則在感情。與感情互

爲影響。而不與理性同感化。余敢不憚一再言之。

國民協會之組織雖在和約之外。然與和約極有關係。蓋其目的即在維持其平和。

乃其開始。即遭顯著的失敗。美國上議院對於威爾遜總統之創作。即拒絕不與合作。

美國當局固爲理想家。但有時亦能洞見實際。教授之演講。概不足以動之。威爾遜之後任者曾略述其拒絕之理由云。

吾人承認之惟一盟約。即爲吾人自覺之盟約。寧取此途。而不願有成文契約。使爲吾輩行動自由之臥榻。并將吾輩權利讓渡於一種外國聯盟之手。無一世界會議。無一軍事聯盟。能強使此國子弟作戰。惟爲美國。並爲其名譽之防護。始能將其性命作無上之犧牲。是蓋有一權利之神聖不可侵犯性。而吾人從不以之委託何人。

國民協會。吾人後別有說。此會建設於違背一切心理原則的論據之上。適足以辯護美國意見之是。而證明其無用與無能。須有分量極濃之幻想。始能想像一大國如美國者。自願服從一種無聲望無實力的外國小團體之命令。此與承認歐洲有一最高政府。而其命令可以管理世界者。又何

殊焉。

第四章 回教之覺醒

前此數章所述之錯誤。尙未罄也。更有其他尙應審查者在。數百年來。英國政策之目的。始終在損抑其敵。而謀英國統治之擴張。初蒙其害者爲西班牙國。法國復繼其後。茲二國者。皆自以爲須對抗其發展者也。英國歷據印度加拿大埃及等地。德國爲其最後之競爭國。既已崩潰。乃將其所有屬地撥歸己有。

此處不在說明性格之優良。與保護持久。成效之原理。特應注意者。英國政治家專重功利。鄙薄理想。而以其行爲適合於時間之須要。有時固不免於誤。然不惜變更作爲。而矯正其誤。雖有損其自負心。及因變移所致之批評。皆所不計也。

近有一關係東方將來極其重要之例。可以證明英國政策之能受急遽深沈的變更。

英國在米瑣波達米亞苦戰之後。見七萬人之軍隊。不足以制服土人之抵抗。忽然放棄其遠征。此

次遠征耗費之巨。收獲毫無。與吾人之敘西亞 (Syria) 遠征同也。英國既將軍隊撤回。乃以彰然反對吾人經吾人逐出大馬 (Damascus) 城之土王費薩爾 (Faysal) 代其任。

此種解決方法之表面目的。已在英國下議院之演說中言之。據云。

建設一回教國家。以報達 (Bagdad) 古城爲其首都。使阿刺伯民族昔日光榮重見 (猶言重興大食國也)。

位置公然敵視吾人之人於吾人之敘利亞邊境。其非對待法國之友好策略。顯而易見。願功利先於友誼。法國政府雖曾提出意見。未蒙容納也。

以莊嚴之儀飾位此新王於報達。英王復加以特別優待。函致新王。熱烈祝賀。

此種不加矯飾之併吞。將世界富於煤油之一地。列入戰後英國外交獲得品之內。

以工程師代替英國軍人。而爲英國經營其地。

米瑣波達米亞之新王。不特君臨報達。且統治古代尼尼維 (Nineve) 與巴比倫 (Babylone) 之舊址。質言之。統治與英國面積相等而曩昔以富饒著名之地。

脫英國之保護政策。能完全統馭東方。此種顯耀策略之結果。極其重大。不僅限於商業利得而已也。其最顯著者。即在保障英國聯接波斯印度之陸道。若其能將孔士坦丁堡 (Constantinople) 直接或用希臘人間接征服。英國人在東方之統治。行將完成。而其霸權將漸次重壓於世界上。由是觀之。英國矯正其在東方所爲之若干過失。極其敏捷。但今尙有其不可挽救之心理錯誤。致使其東方勢權長遠墮失者在也。

在米瑣波達米亞扶助回教徒。在巴勒斯坦 (Palestine) 扶助猶太人。在土耳其扶助希臘人。而維持其種種相反的願望。固不失爲一種馬甲維里 (Machiavel) 義大利弗洛朗司之著作家兼史學家。一四六九至一五二七年時人。式之政策。然決不爲馬甲維里所贊成。蓋攻擊神道或其代表。常爲浮躁輕率之舉。此弗洛朗司 (Florence) 名人早已知之矣。

英國人妄欲分解土耳其國。而在孔士坦丁堡將一切回教徒共認爲代表上帝之教皇之蘇丹 (Sultan) 權力消滅。蓋完全忘記有此原則也。

其結果乃立時表現。西自土耳其海峽 (Bosphore) 東抵恆河 (Gange) 回回教衆羣起反抗。

英國政治家不明回教影響人心勢力之偉大。彰彰明也。茲將其起源與其發展。略事說明。似亦不無小補云。

歷史中之新神道。爲數固夥。然其命運。常與見其產生之民族政權共消滅。

回教之命運則反是。不特延存於廣大的大食帝國傾覆之後。而其信徒且不斷的増加。西起麻洛哥（Macedon）。東抵中國。信仰回教者。都有二百五十兆人。計在印度者有七十兆。在中國者有三十兆。在土耳其者有二十兆。在埃及者有十兆。其散在他國者。尙未計焉。

英國人所欲重興。并爲選立新王之阿刺伯帝國之創造。乃歷史中一種極其神異之事。神異之極。致使大著作家如勒囊（Rouan）法國之哲學家兼史學家一八二三至一八九二年時人）者。不解發源於回教的文化之新異。并反駁之。

此種阿刺伯帝國之創造。彼深信理性統馭歷史。而不問發生大事之神秘勢力之人。永難解之。茲爲簡單說明如下。

當紀元七世紀之初。麥加（La Meaque）城有一駝夫。名穆罕默德（Mahomet）。約年四十歲。

時。曾於幻覺之中。見天使迦布列 (Gabriel) 授以將來混亂世界的宗教之教理。

當時之阿剌伯人之信仰。爲曖昧不明的多神教。設有一種新教極其簡單。惟言有一上帝。而穆罕默德爲預言人。則其易於奉行。不難知之。但其傳布之速。而其信徒何以能創立較亞歷山大帝國更大之國。則較難索解。

羅馬人自信以爲永據敘利亞者。乃被驅逐於境外。復見以熱烈信仰結合之遊牧部落。於數載之間。征服波斯、埃及、非洲北方、與印度一部。其驚愕之大。從可知矣。

如此構成之帝國。延存垂有數百年。而當西歐尙處野蠻之時。乃有一燦爛光明嶄新文化之發生。則非諸亞洲侵略家如阿梯拉 (Attila) 輩之曇花一現的建設。所可同日語也。

阿剌伯人於極短之時間。創作無數新奇建物。人雖俗眼。一見即可辨識。

阿剌伯帝國過大。自不免於分解。所以後來分爲若干小國。勢力遂微。終爲蒙古突厥所滅。

顯回教之信仰與文化。極爲堅強。所有征服舊日阿剌伯諸國之種族。常不免於採用被征服人之宗教藝術。此所以印度雖爲蒙古征服。仍繼續建設回教建物也。

阿刺伯人之宗教。不特延存於其政權消滅以後。其勢且漸強盛。而繼續發展。其信徒之信心極堅。致使各人爲傳播人。而傳播其信仰。

回教之政治大勢力。即在給予不同的種族以思想之共同。而此思想之共同。常爲聯絡異種人民。最有效果的方法之一種。

現在之事變。可以證明此種聯絡之勢力。吾人已見可畏的英國在東方不能不爲讓步也。

當英國當局夢想驅逐回教徒於土耳其國外之時。尙不知此回教之勢力。嗣後見反抗者不惟土耳其人。而爲全世界之回教徒。始乃了解其勢。

英國人應欲管領孔士坦丁堡。設置一以主人自居之委員。後乃發現其幻想之大。其尤足使其了解者。戰敗而幾無軍器之土耳其人。敢拒簽他人強其承認之和約。而驅逐希臘人於司米倫(Smyrne)之外一事。今日回教復強。能與歐洲相頡頏矣。

第五章 歐洲之不解回教徒心理

前此所述回教之覺醒。曾使歐洲大驚異。回教徒之心理。大致不爲人所了解。茲特說明其大概。游人之至東方者。常受其惑。余幼年歷其地時。亦爲所誘。曾撰有「阿刺伯人之文化」一書。以誌經行。

此書雖經讀者之請。余迄未允許重刊。因補訂之工作多。今日無暇爲之也。余於此處附帶言及者。乃證明本書之撰者。並非不諳東方問題之人。

至爲昔日大食人後裔之今代的回教徒。余在戰前。因余之數種撰述之翻譯。有時曾與之發生關係。距戰事發生未久之前。土耳其國首相兼外交部長賽德哈林 (Said Halim paoha) 君。曾命其駐巴黎大使延余赴孔士坦丁堡。講演政治哲學。

惜余病體衰弱。未能應其請。當時余頗深信游說土耳其守其中立。其事非不可能。余友俄國駐巴黎大使伊可孚耳司基 (Isivolaky) 君之意。亦如是也。據英國某部長在國會之說云。即在戰亂開始之時。設有一膽大海軍將官。隨戈本 (Goeben) 布勒司勞 (Breitlan) 二艦。深入孔士坦丁堡。即足了之。此正一人之價值代表巨款金錢之時。緣土耳其如守中立。可使戰爭縮短二年也。英

國昔日之尼爾遜 (Nelson) 卽其一人。百年之中有幾人歟。

古諺有云。「自知難。」知人尤難。在一定情況中。確定與吾人信仰與經過不同之種族之心理更難。是亦今日政治家所極缺乏之知識也。

十年以來經過之事。可實是說。

德國人之所以敗者。乃因其當局無一人知其行爲足以引起比英美三國之可能的反動。若其思想敏銳。則不難逆知其結果。

洛桑 (Lausanne) 公會又予吾人以完全不解民族心理之一新例。

此種不解。洵可詫異。蓋英法兩國從其屬地觀之。可謂大回教國家。與回教徒之交際頻數。似應使之認識其人。

乃第一次及第二次洛桑公會。竟不識之。其不解之極。一似沙爾勒 (Charlemagne) 大帝 (七四二至八一四年人) 之諸侯。與近代法學校之教授同會議者然。由其不解。即可逆睹其毫無成績。故數小時可以討論完竣者。討論數月。尙不足以了之。

諸公會中固無人道及半月（土耳其國徽）與十字（基督教徽）者。但其實爲構成秘密心理的兩種徽章之鬭爭。

英國部長魯意佐治 (Lloyd George) 者。一熱烈的長老會之信徒 (Presbyterian)。因其未解回夢。致使不列顛 (Britannique) 帝國喪失波斯、米瑣波達米亞、埃及諸地。並使印度感受威脅。此君臆想向半月取報復舉動。德憑希臘人進向孔士坦丁堡。而欲驅土耳其人於歐洲之外。乃終受不弱於彼之神祕信心的抵抗。英國之殖民勢力。因之全部動搖。則此君者。實爲禍之首也。

夫統一如同散沙的人羣利益與感情之方法不多。爲數祇有三種。卽首領一人之意志。被遵守之法律。一種極強健之信仰。三者而已。

由一首領之意志。產生一切亞洲大帝國。蒙古帝國。卽其一例。首領與其繼承人之能力。延續若干年。帝國卽可延續若干年。

其以宗教爲根據而建設之帝國。勢力更強。設其教典存在。仍繼續有其統一之作用。

此種宗教勢力之強度。且能統一異種。而予以產生同一意志之共同思想。其事雖屬罕見。然亦有

之。

民法與教法。在西方完全有別。而可蘭經（*Quran*）之信徒。則將此二者合而爲一。

在回教徒之眼中。所有勢力。咸出阿羅。不論其效力若何。應尊重之。因此效力本於阿羅之意也。

土耳其人能驅逐異教人於司米倫之外者。顯係阿羅庇其信徒。此種庇護。在洛桑公會中尤爲顯明。因歐洲代表不能抵抗回教代表也。

諸協約國在重要諸點上。皆事退讓。若其能解回教徒之心理。乃知其惟受武力之屈服。始明在根本問題上。有協同表示一種歐洲共同意志之必要。則今日朝不保夕之東方平和。或可永久保之。回教徒要求之正當。固有不能否認者。其文化亦不弱於巴爾幹民族。如塞爾維亞布加利亞之文化。雖有英國之貪心。不能妨其爲首都孔士坦丁堡之主人。反之。彼等亦無否認其債務之權。尤要者。不能否認借諸法國數秭（千兆爲秭）之債務。

洛桑之土耳其代表。在此點上。一如在其他諸點上。要求皆超過一切限度。其語調常類戰勝者對於戰敗者之語調。

藉有西方代表之可憫的心理。歐洲在東方之聲望。遂爲長期之消滅。要知聲望常爲民族勢力最堅強之基礎也。

土耳其人之託詞。除前述之宗教理由外。則爲英國之待遇極不公平。而欲利用希臘人驅之於歐洲與孔士坦丁堡之外。此事實未能否認者也。

至英人所恃驅逐之理由。則爲習用的土耳其人殺戮基督教民之一藉詞。但亦有人謂設英國人枉訴殺戮之人數。祇須十分之一不虛。東方早已無一基督教民矣。

按其真相。所有巴爾幹半島之人。不論其種族信仰爲何。概爲大嗜殺戮之人。此意余早已向維尼質諾司 (Venizelos) 君言之。殺其敵人。蓋爲巴爾幹半島中所用修辭學唯一無二之比喻。

自英國政策使隸屬土國諸省獨立以來。此法尤見發展。布加利亞人、塞爾維亞人、希臘人等。一旦脫去土耳其的平和羈束以後。卽暴烈相爭。夫人皆知之矣。

協約國在洛桑之示弱。恐將更有不幸之結果。茲舉吾國駐彼利亞某良將之語如下。以實吾說。

軍事政治方面。余以爲本年必有變動。欲與土耳其人訂約。須使其先感人力之較強。緣其惟知

有強權也。乃在洛桑公會使之自視爲戰勝之人。故其結果毫不讓步。而妄以爲世界對之戰慄。阿歷山德萊特 (Alexandrette) 安條支史 (Antioche) 阿勒卜 (Alep) 諸地。雖由最後法土協定。認爲敘利亞之領域。而爲阿刺伯人之居地。乃昂哥拉 (Angora 土國新都) 之人竟公然要求之。土耳其人雖居少數。竟欲試取其地。行將見同一事變。發生於西里西亞 (Ottica) 地方。不用明白宣戰。卽以土國德國軍官統率之土國正式軍隊。矯裝之團體。自稱反對法國管領之叛民。孤立哨所。劫奪輜重列車。斷絕道路與鐵道之交通。將見其數日增。且有大戰。使吾人應付一種艱苦的別動戰爭。而使土耳其人達其敘利亞人厭棄法人。法人厭棄敘利亞之目的。在哲學家觀之。此種回教徒之新態度。頗饒教訓。尤可證明管理世界之神祕勢力。尙有繼續活動開化的歐洲。自信已無宗教鬭爭矣。願鬭爭之烈。恐無逾今日者也。

新文化不特將對抗回教。且須對抗成爲新宗教之社會主義。與共產主義。平和與寧息。爲時尚遠也。

第六章 阿爾薩司問題

吾人列舉之心理錯誤。尙未告終。茲就其有害於阿爾薩司 (Alsace) 者言之。戰爭之難點。卽爲阿爾薩司之占有一事。其事已成一種徽號。一種旗章。德國苟能保之。其霸權可以確立。

由世界爭議所引起諸問題之討論頻煩者。莫逾阿爾薩司問題。

德國之主張。則以阿爾薩司爲德國種族所居之德國土地。卽或不然。其受日耳曼化。爲時已久。則據協約國所常引據之國民原則。阿爾薩司應列入日耳曼帝國之版圖。

設此問題祇有此原則可引。似乎極其簡單。設阿爾薩司爲德國種族所居之德國土地。或日耳曼化土地。德國之主張似自有其理由。反之。若經科學證明 (一) 阿爾薩司久爲色爾特 (Celts) 種所據。 (二) 雖經種種侵略。迄於法國保護之日。尙能維持其獨立與其制度。而不受日耳曼之永遠的壓迫。則德國之主張無其理由矣。

此種根本事實。在屬於阿爾薩司之撰述中。尙辨別未清。追源其故。蓋因感情之作用太重。余曾囑史學名家巴梯福 (Bastion) 君用現代方法爲余主辦之科學哲理叢書撰一考訂阿爾薩司之起源與進化之書。本章蓋取材於其所撰之「阿爾薩司古代共和國」之中也。

茲將下二問題依次審之。(一)阿爾薩司居民是否屬於德國人種。(二)設非德國人種。其在世紀中是否已受日耳曼化。

以顏色頭形分別人種。非難之說極少。謂白人黑人或黃人各爲異種。必無一人非難之。謂圓形腦蓋人種與長形腦蓋人種毫無關聯。亦無一人非難之。

德人極重視此種特徵。卽因其腦蓋形長。故自命爲統治世界之高等人種。

乃據德國著名人類學家之調查。取二千年來墳園中阿爾薩司人之腦蓋尋究之。阿爾薩司人實爲宇宙腦蓋最圓之人種。

觀其歷代圓頭性之不變。可以證明阿爾薩司人種從未因雜交而變化。巴葉 (Bayar) 博士卽因其此種特徵之不變。而演繹謂「其與外人之雜交。應爲婚姻法律或勢力較法律爲強之成見

所嚴禁。」

阿爾薩司雖在隸屬日耳曼帝國之後。仍保其人種之純潔。長形腦蓋。爲數僅有百分之二而已。現代阿爾薩司人腦蓋之圓。尤勝其祖。其腦形與下布勒通 (Bas-Bretons) 人無殊。其心理的憑據。亦可印證其解剖的憑據。阿爾薩司人性格中含有不少色爾特種之性格。如愛自由與惡外人之例是也。

如上所述。可以斷言阿爾薩司人種爲歐洲最純一的人種之一種。今日人種能保存其解剖的與心理的性格。而不受外來勢力之感化者。爲數甚少。此其一種也。

由此觀之。阿爾薩司人姑據德國學者之考證。不屬於德國人種。而爲一與日耳曼居民毫無血統關係之人種。

顯其人雖爲特別人種。容或可以日耳曼化。如德國人主張之說也。

此事可以歷史決之。

阿爾薩司襟 (Vosges) 山帶 (Rhine) 河。爲險峻難入之地。久於茲矣。萊茵河泉流衆多。水勢峻急。

津渡甚少。合以富日諸山。地勢險要。可禦外侵。豁谷甚少。南北惟有貝福 (Belfort) 薩芬 (Saverne) 二關可通。通行之艱。甚於繞道。

此種地勢爲阿爾薩司人久保其獨立。維持其種族之純一。并延續其政治社會制度之要因之一。阿爾薩司別有一保存其個性之原因。其出產之富饒。可以自足。而不賴其鄰之助。習於農事。愛國心不逾各城市之外。不傾向於一種政治中心。職是之故。分爲若干獨立城市。如司特拉司堡 (Strasbourg) 卽其模型之一。

其解剖性格與其心理性格之延續。可以反證日耳曼史學家之阿爾薩司出於條頓 (Teutons) 種特利波克 (Tribouques) 族之說。考昔日凱撒 (Caesar) 羅馬名將紀元前一〇一至四四年時人 (達西特 (Teutis) 史學家五二至一一〇年時人) 之撰述。可以知之。阿爾薩司蓋爲色爾特種之謝賈 (Séquanes) 族久居之地。

由是觀之。原始民族居留阿爾薩司者。連續存在。雖有諸異種之侵略。從未變更其性格也。考阿爾薩司之全史。皆表現其排除外勢之努力。

羅馬佔領時代。尊重其獨立。未曾變更其制度。與其自由。故羅馬統治時代。與十七八世紀之法國統治時代。爲阿爾薩司人幸運最佳之時。

蠻族之大侵入。曾爲避免其險阻。或取巴耳(Bale)貝福諸道。或假途比國。阿爾薩司受害甚微。克洛維司(Clovis)王四八五年之勝績。將其地併入。亦未損其毫末。其地與羅馬屬之郭盧(Gaulle)共其命運。迄於十一世紀時。其對於法國表示之好感。與其對於日耳曼表示之嫌惡。蓋相等也。

及至沙爾勒大帝之繼承人時代。日耳曼人謀奪阿爾薩司之時。其間教訓實多。可以考見阿爾薩司人反抗日耳曼勢力之事。

八四三年之費爾丹(Verdun)條約。未將其地割讓於德人。而爲建立一中間國家。以沙爾勒之孫洛泰爾(Lothaire)王其地。至八五五年。日耳曼王路易(Louis le Germanique)始將阿爾薩司併入德國。

嗣後百五十年間。阿爾薩司與法國皆不承認此種舉。阿爾薩司人屢乞助於法國。當時法國諸

王正力禦諾曼 (Normands) 人之不暇。雖數數奪回阿爾薩司。終乃不免棄之。九七九年時。阿爾薩司可以視為確定隸屬日耳曼之時。自是以後。爭軋屢起。其地確併。然未服從。後來歷史可以證之。

由日耳曼諸帝之競爭。其地大受其害。阿爾薩司人遂建堡寨以自保。嗣後興盛。至十三世紀時。竟成爲若干獨立小國。當時諸帝爲削其諸侯之勢計。頗贊助其發展。并制定之爲「帝城」直隸帝權。

此種遠泛的隸屬。遂使諸國成爲實際獨立國家。各自表決其憲法。仿諸羅馬組織。要權操之副董。其任務則在屏除日耳曼之干涉。

各城自由統治。各爲執行王權之一小民國。各鑄貨幣。各自立法。與帝國之關係。僅存其名而已。諸國徵募軍隊。派遣使臣。訂結盟約。而無須皇帝之許可。乃有時且仿瑞士諸邦。聯合以禦外侵。一三五四年時。日耳曼帝沙爾勒四世批准十城聯合。使阿爾薩司統一。惟在名義上受日耳曼之保護。

阿爾薩司常用拒納賦稅。不許未經承認之主君入諸城。或互相聯合諸法。表示其獨立。一四九二年時。不與馬克西米連 (Maximilien) 帝合攻法國。其一例也。

諸國民政。極爲發達。常驅逐貴族。或於表決時命之自稱市民。是亦不受若何政治社會壓制之獨立性格也。

外國僑民。卽爲工人。亦非阿爾薩司人所樂接待者。後至工業發達之時。乃編之爲一種特別階級。俾納一種特稅。中世紀之阿爾薩司城市之不染外來勢力。與古代希臘之城市無以異也。

宗教改革運動。與阿爾薩司之氣味尤其相投。然其與德國主君之延長的鬭爭。亦即肇端於此。自羅馬時代以來。阿爾薩司人輒表示好感於法國。故日耳曼諸帝常責其親法。至是復又傾向法國。

當利史留 (de Richelieu) 執政時代。由好感一變而爲聯盟。

德人厚誣法國。謂其有強奪斯地之事。但在事實上。法國諸王從無合併此地之心。乃阿爾薩司諸共和國陸續自願請求法國之保護也。

當法國保護阿爾薩司數城之時。阿爾薩司全土。除司特拉司堡一地之外。咸請路易十三世保護。利史留始而未應其請。終因其請求之頻。乃許之。

法國雖用保護制。仍許其地保其獨立。阿爾薩司諸城各保有其信仰自由。與其制度。概未加以變更。惟於諸城屯駐少數防軍而已。

衛司特發里 (Westphalia) 和議成立。三十年戰爭告終。法國之暫時保護。遂成爲確定的併入。一六四八年時。德國除司特拉司堡外。將阿爾薩司全土主權。割讓於法國國王。

阿爾薩司脫離日耳曼專制之後。固亦有時表示其畏懼法國王政專制之意。然爲時未久。意乃釋然。其地仍保有其自由。尤以信仰爲著。其地舊教徒雖居半數以上。路易十四世從未思以撤消囊特 (Nantes) 詔令之舉。強制推行之。

賦稅既未增加。法國關征。亦未將其地劃入。國王之代表惟統一其司法理財行政。而使其獲有平等秩序安寧而已。其地遂日見興盛。前此因戰爭人口損少三分之一者。至是乃倍增焉。

路易十四世後諸王。仍採同一自由政策。

阿爾薩司人心日漸濡染法國文化。與昔日濡染羅馬文化之情形無殊。吾輩之觀念行爲。導之進化。逐漸歸併入偉大之母國。至十八世紀末年時。德人如戈特（Goethe）德國詩人。一七四九至一八三二年人。輩。已承認阿爾薩司完全寓於法國矣。

大革命起。遂將其特立主義鎔化入熱烈的國民愛國主義之中。觀夫一七九二年阿爾薩司志願兵之奮起。與久囿於地方政策中之司特拉司堡首唱爲國民新願望徽號之國歌。可以證之。

迄於一八七一年時。阿爾薩司遂無特別歷史。其地爲忠於法國之一省。其史書卽爲法國之史書。一八七一年之後。德國在其地專制自爲者。垂五十年。其居民在其新主人統治之下。苟能享有溫和。余又何言。

乃其壓制之甚。致使二十五萬法國人棄之他適。而代以三十萬德國人。迄不能與其地居民相混。阿爾薩司人歡慶再歸法國之熱忱。夫人知之矣。夫德國制之遭嫌惡者。不因其制度之惡。其間且有若干良制。乃因其實行人員之殘忍粗暴。德國人之不能了解異種性格。卽德人亦自知之。故常遭諸種之嫌惡。雖其經濟活動。有利於被統治之種族。亦不免也。

德人之統治未見壓迫者。僅爲阿爾薩司人所重視之宗教問題。德人希望利用教師之力。感化人民。乃將教師之薪給加多。并尊重與羅馬有關係之宗教條約。

蓋歷史已示彼等。不應抵觸民族宗教信仰之教訓矣。

勝利的法國。初未慎重將事。

當議和之事。被任解決阿爾薩司羅蘭宗教待遇之委員會。應派一公正無私之人主持之。乃以對於宗教毫不通融著名之祕密會 (franc-maçon) 長某爲之長。

阿爾薩司之舊教徒。對於此種派員之選擇。當然不勝憤恚。而其所錄此祕密會員演說之詞。尤可確然見其意之所趨。

阿爾薩司人所力持者。其子弟受有宗教的教課。而由教員導之入教堂也。乃此固執不變之委員。謂應「解除學校之信仰。人心之幻想與僞言。」「無上帝亦無主人。」所持標語。如斯而已。

此種毫不通融之觀念。爲激進派可畏的精神之表現。此種精神在政治上。一如在宗教上。前此已使法國蒙有重大損失矣。

激進黨人自以持有純潔真理。一旦當權。即強人從之。其在祕密會之神堂中所奉之神道。爲惟一無二之眞神。不能再有其他。既然自持有此光明的確信。故不容他人懷疑。而視斬斷錯誤之根株。爲一種義務。由是對於他種信仰。表示殘猛。毫不通融。

乃於試行數月之後。始知激進心理不能適用於阿爾薩司。

惜乎爲時稍晚。應於訂立和約之日。使阿爾薩司人自治其地。而不能受激進派心理之侵也。

余以爲無解說其理之必要。惟知阿爾薩司人欲仍爲阿爾薩人。欲他人尊重其信仰其學校。與其習慣。可矣。

若吾人欲阿爾薩司之不念德人。法國惟應派遣完全脫離激進精神之官吏。

第七章 現在財政狀況 何人給付戰費

現代世界之紛亂。不特源於心理錯誤。亦有基於若干經濟類法律類之幻想者在也。按權利與公道。乃人類之創作。天然不知有之。即因其不知有此。故其進步可能履行。

天然定律作用之整嚴。有如機械齒輪。當其嚴厲遠抗吾人感情之時。吾人屢屢提起抗議。願無益也。

夫時代之服從經濟定律者。無逾今日。而民族之反抗此種定律者。亦無逾今日。

賠償問題。即爲此種衝突之濫觴。按照吾人之權利公道觀念。德人應賠償其損害。乃據支配民族現在互屬之經濟定律。不特完全賠償之絕不可能。而且其連帶之費用。似由敗者擔負者。不惟由勝者擔負。尙須由與戰事無關之中立諸國擔負之。

此說不難簡單說明如下。

首應附帶說明者。下說乃就德國現狀而言。不合於停戰時之前狀也。

聞昔日德代表某。聆悉福士大將所提停戰條件之後。卽怯然以德國應付賠款若干爲問。大將則以關於此節未接政府訓令答之。

今乃知德國當時恐其軍隊之降服。與協約軍隊之入柏林。已預備給付鉅款。此款或取之於其資產未受損害之工業家。或取之於外國公債。此公債極易發行。德國軍隊雖敗。而其商業信貸未嘗

動搖也。故於議和時。德國提出其數爲百秊。

事過境遷。德人乃思避免給付方法。大事發行紙幣。將其銀行鈔票之價值。幾近完全消滅。而使所有給付。不能實行。

吾人之財政部長拉司特利 (de Lasteyrie) 君在一演說中節述現狀如下云。

四年之間。德國惟求遷延時間。離間諸協約國。從無給付之意。

當其聲言不能給付吾人之時。乃有以秊計之經費。發展其經濟設備。重建其商船。修築其鐵道。運河。裝飾其城市。

去年終提出給付延期數年之請時。對於協約國。亦未提供若何抵當。設吾人妄然許之。則吾國受其實禍矣。謂德國能有其法於數年之間避免給付。而至其復興之日許再給付。人雖愚昧。決不信有此事也。

設德國之計畫能告成功。吾二國之狀況爲何如耶。德國因馬克之破產。將其內債拋棄。因賠償之破產。將其外債消滅。夫既解除壓迫。前此諸交戰國之戰事債務。則將處於一種無比的經濟

狀況之中。由其無憐憫的競爭。將使多數國家之外國貿易破產。而在全世界中引起一種可畏的休業大恐慌。

當是時也。法國負擔其債務。自任賠償之重荷。其公債將有數百種。工商農業受賦稅之重壓。行將不能復振。斯爲權利歟。斯爲公道歟。

此種實際。在今日固極顯明。在曩昔亦不能預料。但在和約編訂之時。主持吾人命運之外交家。無一人見及停戰之時。資力極充足易於發行公債之德國。於數年之後。將避免按年分擔額之給付。而此按年給付方法。乃出之於愚昧外交家之臆想。謂使一民族於四十年間。每年給付巨額。有斯理乎。

須經四年之久。十四次公會之多。此輩外交家始了解德國之政策。英國且從而贊助此項政策。蓋英國不願以投之英國商權之德國金錢。轉投之於法國人之手也。

法國幻想之疾既廖。乃決定佔領盧爾（Ruhr）區域。但歐洲之經濟狀況。已迥非昔比矣。此種佔領。或可予法國以安寧。謂能多予賠償。其誰信之。

蓋因事之變遷。雖有協約國之可能執行的壓迫。其取得賠償之僥倖。仍甚少也。

夫欲證明此理。應先將若干國之財政狀況略事說明。

首應知者。賠償問題非構成歐洲經濟擾亂之惟一原因。如英人所持之說也。即使德人給付其債務。吾人之預算。亦不能如一般人之信仰。復其舊日均衡。

上議院議員別郎熱 (Beranger) 君。於一九二二年十一月五日在上議院演說中。謂吾人之債務總數（公債三三七秭、賠償一三二秭等等）共有四七五秭。又云。

若均衡此債權額與債務額。即使德人執行其債務。諸外國政府以其欠款償付吾人。法國之債務額。尙有四七五減一二九。等如三四六秭。時價的紙弗郎之多。

吾人今日與未來之財政狀況。又如何耶。估計吾人負債之總額確數固難。第今日吾人之財政狀況。未見其光耀也。

今人為諱其不祥的鉅額起見。乃將支出預算分爲通常預算、非常預算、與所謂可能收回的預算三種。

合計其總數。每年支出約共有四十四秊。乃賦稅入額尙不及此數之半。不敷之鉅。可以見已。

吾人支出逐年之不敷。必促然增加吾人負債之數。

吾人支出之細數。據財政部長於一九二三年四月之所開。公債積欠之經費。較之一九一三年時已加十倍。由一秊三五兆。增至十三秊四零六兆。此款在一九二二年度中。已超過支出總額半數以外。「預算增加之要因。即在此項不能感觸的成分之內。」

軍費在一九一九年度爲十八秊一八五兆。一九二零年度減爲七秊六四八兆。一九二一年度爲六秊三一二兆。一九二二年度爲五秊三四一兆。

民事官署之支出。一九二零年度爲十一秊三七七兆者。至一九二二年度尙有七秊三二八兆。如是諸數。可以證明即或德國全付其分年償付額。吾人逐年預算不敷之數。仍爲非常之多也。

「德國將來給付。」一種標語。有時爲最無用的支出之藉詞。久之始知其爲一種妄想。

即使德國全付欠債。吾人之預算不敷尙巨。前已言之。勢必別求補救之法也。

吾人天然富源開發之增加。與吾人支出之減少。爲本問題之惟一可能的解決方法。

願欲使此意印於一切人心以前。暫時祇有窮策以供應付。賴有無金貨擔保的銀行鈔票印刷之便利。支出常見增加。而諸部長對於逕向不可挽救的財政破產之進行。抵抗之力亦甚微弱。英國之一九二三年預算得以均衡。尙餘數種者。賴其政府健強。使議會遵其意思。緊縮支出之所致也。法國迄今尙未見有仿倣之人。

英國雖見興盛。然尙未免壓迫歐洲的經濟紛亂之窘苦。英國所銷耗之食物。與其工業必需之原料。幾盡來自國外。必以其製造品之輸出。償其購物之價。蓋無論給付方法爲何。終須以其他貨物供交易。始能取得一種貨物也。

此種製造品。爲英國之真正貨幣。第須有購買人。始有其使用價值。乃英國已將其最良顧客之德國喪失。故其不恤用種種方法。恢復其舊日顧客之經濟原狀。雖有損法國。亦在所不計焉。

特在未達其目的以前。須覓求其他購買人。乃在外國市場之上。又見有賣價較廉之競爭人與之相爭。勢非減其賣價不可。第欲減其賣價。勢必減其工資。尤須減其鑛工工資。

此種須要。已挑動損失甚巨之鑛工罷工者三月。若對罷工工人退讓。卽無異強使英國商業破產。

祇此一例。已足證明若干經濟定律之勢力。與對抗此種定律之不可能。民族之互相憎惡。從無如今日之甚者也。設人意足使人類滅亡。歐洲必成荒野。

須至一般意見承認人類互助之利。較重於互殺之日。憤恨始可消滅。

當戰前之時。工商業之進化。已使歐洲之經濟領域整然一致。當局之人。尚矜矜然不知有此現象也。歐洲各國為諸國之出產者。或其銷場。關係甚重。歐洲一國受害。他國未有不受害者。

此意今日人盡知之。即德國人亦盡知之。乃德人在戰時之立說大異。不顧民族之互屬。而在比國法國破壞常與德國競爭之工廠鑛業。據比國前外交部長貝延司 (Bayens) 之報告。德國所派之比國總督比辛 (von Bissing) 竭力破壞比國全部工業。「為日耳曼之競爭人掠奪吾輩工廠之器械。并將金屬架材破壞無餘。」

人所臆想使德國償付之一切方法。皆不免止於下述之矛盾式的結果。即法國人與外國人終為德國償付債務是已。

德國雖無貨幣。可以其製造品購其所需之食物與原料。並如是創造財源。

德國以其輸出之超過額。必能償其債務。但其結果必致出產過剩。其害必如下引英國某部長之言。

若德國於將來四五十年間。能清償其債務。即可由此成爲世界一切市場之主人。成爲空前的最大輸出國家。幾成爲全球惟一無二的輸出國家。若美國於此後四五十年間。盡收欠款。將同時見其輸出貿易之衰弱。將見其居民喪失其最要藝術。與工業之大部份。將見其國民經濟全部破裂。爲債務國之德國。將表現一種有害健康之活動。爲債權國之美國。亦將表現一種有害健康之停頓。

世界所沈淪的經濟錯誤紛亂中。徐徐表現之真相。蓋如斯已。

若德國以其貨物付給法國。償其債務。債務既重。貨物必多。吾國一旦據有如是德國出品之超過額。吾國之工業家勢必減少或消除其製造。由是達於普及的貧困與休業。由此觀之。貨物之償付。必使法國收之於彼。失之於此也。

夫欲免此顯著之害。乃決定在德國輸出品爲協約國徵收百分十二之附加稅。此舉當然表示輸

出品之賣價加增百分之十二。所有德國出品之購買人。不論其國籍爲何。應給超乎舊價百分之十二之價。則償付賠款一部者。非德國人。實爲諸國之購買人。彰彰明矣。

人又提出一種建議。此議亦未見佳。即強使德國之大工業家將其股份讓出若干。例如三分之一是也。願此種股份既有其所有人。德國政府勢必償付其人。則其結果。與前例無殊。製造品之價。因以增加。償付德國債務者。仍爲外國銷費人也。

此意甚明。民衆與當局。初皆未能知之。今乃始獲其解。外國輿論對此則表示明瞭。茲節錄美國某大報之文以證之。

百分十二稅之附加。使接受德國貨物諸國。繳納一種保護貿易關稅。是爲對於德國一切輸出品。抵此者向美國銷費人徵收之稅。當德國徵收此稅之時。並不繳納於美國國庫。如吾國稅務之所爲。乃繳之於諸協約國之國庫。此稅之效果。則使物價漲高。輸出減少。

前此種種說明。雖使人感受不快。然亦有其供思考之功用。可以爲國民協會非戰之論據。較之會議屢屢所發揮之空泛的人道議論。輕重不相侔也。

吾人前述之反響。實未能加以非難。民族互屬日見其甚。敗者之賠款。勢須由他人繳納也。

此種經濟進化所創之須要。昔人不知有之。昔日諸大民族用侵略而致富。羅馬時代取諸敗者之經費。即爲預算中之要款。

據費萊洛 (Ferrero。義大利之史學家) 之考證。第二次浦尼迦 (Punique) 戰爭之後。迦爾達日 (Carthage) 償羅馬人戰費五十五兆弗郎。此數在當時爲極鉅也。又據卜林 (Pline。羅馬文學家六二至一二〇年人) 之記述。保羅伊米爾 (Paulé Emilio) 戰勝馬其丹 (Macedoine) 王帛耳色 (Parsee) 時。科以賠款五十七兆。當時之敗者。全喪其所有之物。馬耳色魯 (Marcellus) 之取西拉古薩 (Syracuse) 城。罄其所藏寶物。亦一證也。

此種半神話的英雄時代之結局。固爲時未遠。然其結局已成定局。諸民族今固不免於戰爭。或如德國爭奪霸權而戰。或如土耳其國保存居地而戰。然從此不能再損敗者以益勝者矣。

若國民協會徵求其會所之門額題詞。余甚願以「近代一切戰爭皆使勝者敗者同受損害」一語獻之。若以此語過簡。不妨益以下述之詞曰。一「民族作戰之費。從此由一切民族負之。則其直

接利害。即在互相聯合以拒新爭。」

屢誡人類互愛。民族從未實行此語。若告以「在自己利害中互助。」此種格言一旦印於人心。必能變化世界云。

第二篇 社會之紛亂

第一章 社會紀律與革命心理

自人類聚爲流徙無定部落之鑲石時代始。迄於現代大文化時代。紀律。實言之。若干規則之服從。構成社會存在之必要的基礎。文化愈高。規則愈繁。而其遵守愈爲必要。

近代之人。受法律保障之甚。致忘其利。而常見其礙。比國大法家皮迦爾(Edmont Picard)在其名著「法之常例」一書之中。證明強制爲一切社會生活根基之時。引證叔本浩衛(Schopenhauer)德國哲學家一七八八至一八六〇年人)說明不守法律之社會之語有云。

國家以個人權利。委之於一種高出個人權利無限之一權力之手。而強之尊重他人權利。遂將幾爲衆人所有之無限的私心。多數人之奸惡。若干人之殘忍。隱藏於黑暗之內。人皆受強制之

拘束。是故有一欺人之外表。但國家之保護權力有時不行。或致無效。由是人類難飽之貪慾，詐僞、奸惡、狡獪、見焉。

紀律在人性之本能的衝動。與社會的須要之間。創造一種均勢。夫欲其成立。首重嚴格制裁。但編入法典之法文。須在印入人心之後。始取得其勢力也。

用強制強人遵守之外紀律。由是一變而為不自覺的內紀律。而遺傳復使之成爲一種習慣。至是制裁始成無用。人心乃定。但今在諸民族中。尙未定也。

社會紀律構成極緩。有時略微不定。一旦遇有大災。卽易動搖。由是避免法律強制之國民。惟以其衝動爲嚮導。而有類於隨波逐流之無舵舟船。

若見民族由取得紀律而躋於文明。由喪失紀律而返於蠻野。卽可見其根本的重要。

古代雅典公民之終歸奴服者。由於無紀律也。羅馬之抵於衰微者。除以軍人廢立之暫時的皇帝之意志外。無他法律也。蠻族侵入。至是乃告勝利。

主里揚 (Camille Julian) 君所撰「祖國如何滅亡」一書。亦說明獨立之郭盧 (Gauls) 滅

亡之道。亦如是已。據云。無人遵守法律。法庭財政。與夫一切爲社會規則之成分。時見破壞。所以凱撤略取其地不難。

今日全歐亦在經行無紀律的危難時期之中也。長此久延。卽不免於衰亂。昔日遵守之舊原則。已喪其勢。而能代之者。尙未構成。

夫叛徒爲數固不甚多。第不守紀律者之數。現已無限。家庭一如學校。工場一如工廠。父師僱主之權。日見衰微。抗不服從之勢。日見擴張。在在威見首領不能使人服從之趨勢。

今日不特無紀律而已。更輔以若干精神離解的徵候。其重要徵候。則爲對於種種強制之嫌惡。法律與政府之威望之繼續削減。優秀之普及的怨恨。不論爲資產之優秀。抑爲智慧之優秀也。社會各級連帶性之缺乏。與階級鬭爭。昔日自由博愛舊意象之輕視。提倡破壞已成立的任何社會秩序之極端主義之進步。以專制的羣衆權力。代替一切舊有政體。

如是徵候。尤以本於輕視法律之嫌惡強制。與不守紀律二事。終不免於革命心理與其不可分離的伴侶。若暴行與怨恨之發展云。

如前所述。革命心理顯然表現一種心理狀態。較甚於一種主義。

叛徒之一種特性。卽在其適應已成立的秩序之不可能。其推翻之必要。大致卽基於此種無能。

此輩敵視一切組織。一旦其黨制勝。且敵視本黨之當局。如是現象。在歷史諸革命中曾表現之。山嶽黨 (Montagnards 法國革命時之急進黨) 常常攻擊紀隆丹黨 (Girondins 法國革命時之右黨) 也。

革命心理似具有一種不羈精神。其實不然。按真正不羈精神。必須智慧與判斷力之發展。乃革命派無之。表面雖似不願服從。其實感有受指導之必要。極易服從其領導人之意思。職是之故。吾國極端黨之最激進者。服從莫斯科共產大教主之命令。馴伏未敢或違也。

在事實上。多數人寧願服從。不願不羈。革命心理毫未消滅。此種需要。叛徒乃爲一種極願服從之人。特常圖更換其主人而已。

當一國適應完全均勢之時。普及的紀律。妨礙不能適應者之革命心理。用精神濡染而爲發展。惟至亂時。心理抵抗力衰。革命微菌始足爲害。

所有革命無益有害之說明。毫無效力也。因革命心理構成一種心理狀態。而不成爲主義。余不憚再三言之。主義惟能用以爲心理狀態憑依之藉詞。主義雖勝。心理狀態仍存也。

革命心理在多數民族中發展之日。卽爲國家權勢衰弱之際。其當局隨從一種不定的意見。退讓日多。指揮日少。

諸革命黨派之首領。如工會黨與統一社會黨之類。亦不見其指揮比較優良。吾人曾見罷工。如鐵路工人罷工之類。發動於其當局意思之外。夫旣不能指導運動。而又欲示其未爲其黨所棄。乃從而附和之。

夫革命宣傳在今能徵集其多數信徒於諸國者。並不因其提倡之說。實因人類之普及的無紀律。惟有英傑。惟能制服此種脅迫推翻文化之無紀律的風潮。夫欲其達其目的。須使其性格超乎其智慧平線之上。

願吾人之大學。常味斯理。盎格魯薩克遜 (Anglo-Saxons 英美等國) 諸大學從未忘之。要知使人數在生活中制勝之紀律與品性。不本於智慧。惟本於性格也。

第二章 革命願望之神祕成分

若尋究擾動世界的革命說之起源。即見其種種形式。如共產主義。社會主義。工會主義。無產界獨裁說。等等之後。有一共同的神祕幻想。與夫若干相類的感情。

神祕幻想之起源。後別有說。至其效果。則在工人自信。既在指導國家與工業企業之上。更較市民爲有能力。應如俄國之例。取市民之地位而代之。

至用以爲新主義憑藉之感情。在諸首領中。則爲奪取有利的權力之熱烈的野心。在尋常信徒中。則爲一切優秀之嫉恨。

此種優秀之恨。在俄國可以引喻也。當其革命之初。已明白表見之。夫學者之消隱。今即見其社會重要。乃俄國虐待之屠戮之。如同資本家。當俄國共產黨攻下巴枯 (Baku) 城之後。以舊日司關一人爲大學校長。並以不識文字之研究室役者與手工輔之。相類之事。不勝枚舉。

概括言之。得謂歐洲表示之一切平民願望。大致代表一種反抗天然固執創造之智慧財產不等。

之鬭爭。

其說凝縮之標語。爲「無產界之獨裁。」此語頗迎合工界之虛榮心。而成爲工界大衆之福音。其用工會與罷工所取得之權力。自視若爲一種無上權力。其他諸權。對之似應屈服。則在未來社會之中。獨爲帝王者。手工而已。

各國平民獨裁試驗之無效。與夫共產主義試驗之未成。致未能使此種主義之信徒。完全皈依。由此證明所致之驚愕。具見平民信心之機關。識者尙鮮。則簡單說明其起源。似不無功用也。

初審之。新主義似惟以極有形之貪慾爲憑藉。蓋其表面。似爲創此階級益彼階級。

此種共產黨用作令典之教義與福音。固以有形利益爲依據。但其主要勢力。實源於神祕成分。而與有史以來統馭民族心理之神祕成分相類。

今日雖有哲學之種種進步。思想之不羈。仍不失爲一種幻想的假定。夫領導人類者。不僅爲需要感情嗜欲。必須有一從來不可缺少之信仰。指揮其希望與夢想。

古代神祕主義。仍保持其全力。特變更其形式耳。社會黨之信仰。今漸替代宗教之幻想。所本之心

理既同。故傳佈之方法無殊。神祕主義。質言之。高上勢力之超乎天然的權力之賦與。構成歷史上優勢的原動力之一。余在他書已詳言之矣。

余在他書之說明。乃爲解說若干大事。如法國革命。與末次大戰起原之類。茲亦未便贅言。惟須憶及者。觀神祕勢力之統馭人心。始可解歷代容納最空幻的信仰之事。

此種信仰全部爲人所容納。未常加以討論。在構成信心之神祕。一旦於後述之懲惡成分指揮之下。侵入悟解。即完全統馭信者之思想。而指導其行爲。其個人利益爲之消滅。並預備委身殉道。

信徒既確信具有真理。即感有傳佈之必要。而對於誹謗之徒。深恨不忘。

一種信仰之解釋。當然隨信者之心理而殊。信仰成立未久。即不免有支派異端之紛起。但不足以動搖信徒之信心。此之視彼。惟視爲敵方惡意之證明耳。

閱朝報記者記述近日里耳 (Lille) 之工會大會開會之文。可以想像主義大致相類。惟意見小有差別。諸信徒間互表之感情。

在怒的會場。未能筆述之狀況。有類風捲怒濤。洶湧澎湃。今尙憶而未忘也。今尙見其瞋目切齒。

劍拔弩張。謾罵詆訶之形。今尙聞其戰者鼓譟。傷者呻吟。口冒鎗擊之聲。有生以來。余未見有忿恨之排泄能如是也。

激怒如此者。惟各主義之極端派能之。此等人皆募集於遺傳變性者。心神衰弱者。易於刺激者。諸人之中。其暴行甚大。而其個性亦易動搖。常感有主人指導之需要。

此種遺傳變性人。爲極端派中之最危險者。當匈牙利國受共產黨統治之日。其獨裁者白拉昆 (Bela Kun) 之主要屬員。皆募之於染有惡疾的猶太人之中。可以證已。新信仰足以使之殘害最優秀的公民。使之有一報復前此所受其被害人凌辱之最良的藉詞。

神祕信仰雖極妄誕。一旦成立。即可誘致無數貪慾難填的野心家。與夫無所事事的半解學者。此輩以其最難主張之主義。不難建設理想完善的社會制度。

當文化不甚複雜之時。神祕幻想爲害尙輕。古之埃及制度。基於鱷魚或狗頭神之崇拜。不難適合於一種最簡單的地方文化。綠當時之生活難題尙小。而外國交際幾等若無也。

今也則不然。賴有工業之進步。與民族之交際。文化已極複雜。夫欲保存此種建設。須有高等技術

的能力。至夢囈者任意的幻想。惟能使之發生破壞與殺戮而已。

神祕信心之需要。卽爲信仰萌芽之田園。但此信仰如何成立。如何傳佈耶。

錯誤一如真理。從未以理性的證明。固定於人心。唯用勿需討論之斷言的形式。全部容納之。

信仰構成之機能。余在他書已詳爲說明。茲僅言其構成於四種根本心理成分之下而已。茲四成分。卽斷言、申言、聲望、滲染是也。

余未將理性列入者。因其在信仰之起源上。影響甚微。

斷言與申言。爲慳慳之最強的原動力。斷言創作意見。申言固定之。而使之成爲信仰。質言之。使之成爲不能動搖尙屬堅定之意見。

申言影響樸質之人。且亦影響非樸質之人。其勢力洵不可思議。賴有其影響。最顯著之錯誤。可成爲最光明之真理。

所可幸者。能變錯誤爲信仰之心理方法。亦可使真理成爲信仰。惜衛護社會堤防之人。屢屢忘之。夫既無他法可用。則欲使民族生活所憑藉之經濟真理。社會真理。變爲信仰。傳佈此類真理之門

徒。應採用可以影響民衆心理之德蘊的惟一方法。對於錯誤之暴烈的斷言申言。應以真理之最暴烈的斷言申言抗之。尤要者。以標語對抗標語。

義大利之國民結合主義 (fascismo)。能建堤防以禦將使工業生活沈沒與政府自承不能抵抗之共產潮流者。即用同類方法也。

今有若干社會。使人追憶曩者羅馬廢棄保障其興盛之神道與制度之衰微時期。羅馬一任無教化之蠻族毀其文化。而此蠻族除其人數與其貪慾之暴烈外。實無他勢力也。

諸大文化一旦不自維護。即行消滅。昔日消滅爲數已多之文化。大致受其維護人冷淡柔弱之累。歷史不常再演。但支配歷史之定律。永劫不滅也。

第三章 財產之社會化

擾亂世界諸經濟錯誤之中。有社會黨之幻想焉。其表現之形式。固各有不同。然皆可以同一標語概之。即「財產社會化」一語是已。

神道之聲望在世界進化之中。固有墮落。但神祕標語從未喪其勢力。指導人類者皆賴之。標語勿論爲宗教的。政治的。抑社會的。其活動方法皆同。而其起源無殊。其勢力不屬其中包含之。毫末真理。惟在羣衆所賦之神祕權力。

今日社會將受此財產社會化新標語之大擾亂也。據其傳道門徒之說。此標語將於人類中創造一種完善的平等。連同一種宇宙的幸福。

此種神祕的預約。迅然傳佈於諸國之工界。既將俄國經濟生活破壞。其勢似將危及全歐。惟美洲逆知其在國民與盛上爲害。曾毅然拒之。

法國鐵路工人於五月一日爲總罷工之試驗者。卽專爲取得其臆想的鐵路國有。此次罷工與前次諸罷工異。其目的不在加增工資。惟欲強使鐵路國有。可以證已。

余敢謂罷工人千人之中。決難覓得一人。能悉國有一字意之所在。並解說其將來之作用。余且敢言。罷工人之能解說國有者。爲數必少。爲說各殊。至大多數人所知國有之意。僅在將來鐵路爲彼等謀利而經營耳。

就事實言。罷工之人隨其領導人者。即因其爲領導人。並不求所接命令目的之解。吾人應憶及者。歷史中之最暴烈的宗教鬭爭。即在分離其首領的神學問題中。未能了解的諸人間之鬭爭。羣衆心理之定律。極易解說此種現象也。

鐵路國有正式辯護人所持之空泛的說明。惟以無證據的斷言爲根據。茲節錄其最良的辯護人之說如下。

資本家之利得。與羣衆之利得相對抗。各項工業。尤以鐵路工業應爲羣衆所有。不由國家。而由羣衆管理。其自治機關則爲代表羣衆者集合之會議。別設一中央會議。決定工資。與人員之選擇暨進級等事。

由上一說。可見此種社會化。不外以鐵路人員所組織之公司代替現在公司。

願欲鐵路人員在此代替之中。能有所獲。必應使其具有高於主持現在極其複雜的鐵路事務之工程師。與專門人員之能力。

現在管理人。極有能力之人也。其工作不在使若干資本家之獲利。有如社會黨人之斷言。乃在分

配徵資於據有路線之無數小股東而已。設用路線之社會化。將此種股東權利完全剝奪。恐能加增人員現有工資者。爲數極微。

就實際言。此種運動之主張人。在其可能的結果上。未始不知不能容有幻想。特欲用公司之社會化。而自收其利耳。至其提倡破產的罷工者。惟冀取主人之地位而代之也。

資本家利益與羣衆利益果相背歟。能謂勞動在現代社會中不普利衆人而偏利若干人歟。

在實際上其情形適與相反。極大多數勞動家實受英傑能力之賜。自近代工業進化以來。常常如是。夫創造有利之進步者。非尋常勞動家也。

又況手工勞動與職業能力並非出產與財富之重要成分。企業發明。與組織之知識。冒險之勇氣。與判斷。實構成極重要之元素也。

民族之資本。蓋由此種能力所構成。俄國農礦富源極廣。人民極衆。而利出於土乃甚微者。即因其常無能力。

苟輕信一國之資本。純爲鑛產、土地、居宅、股票、貨幣。則爲一種有害的幻想。此種資本本身。實無價

值。國無能力。終必衰弱。

今者因罷工之多。工人之意不善。吾人資本之經營已甚惡劣。每次有一新罷工。即使國家窮乏愈甚。生活愈高。將來愈不安定。其能自慰者。惟社會黨人。然歷代先受其害者。常爲極端派。此輩又烏從知之耶。

社會黨與工會黨爲共同怨恨所聯合。對於上述極明瞭之富源。惟以其斷言對抗之。汕 (Seine) 州社會黨聯合會發布之宣言有云。

自幼年蘇維埃 (Soviets) 社會黨共和國產生以來。一切國家即有兩種勢力相抗。

其一方爲無產界。

其一方爲市民。

勞動在在反對寄生主義。

應使寄生主義敗亡。

此說之粗鄙。自無庸辯。但世界之屢受擾亂者。即因斯類主張。

德國在其極端黨勢力之下。曾試行社會化。乃未久即知其非。

德意志日報 (Deutsche Tageszeitung) 云。吾人近受經濟紊亂之脅迫。此經濟紊亂。有類政治紊亂。而其異點則在其結果爲害更較重大。工界將來了解其錯誤時。爲時恐已晚矣。不特將德國之將來破壞。並將其生活之源樞爲消滅。且將今日以前人所承認最寶貴之財產如組織者毀棄之。

社會階級利在調合。乃其關係反極其緊張。嫉妬與怨恨。復從而分裂之。其分歧大致由於社會黨之挑撥。此輩爲取得政權計。不斷鼓動工界之感情。而提出其極無條理之要求。不論何種罷工。皆援助之。以其爲進向無產界獨裁之一過程。視資本社會如同一種妖物。必爲無產界滅之。

所發生之破產。自與此種政客毫無關係。惟藉口建設無產界之獨裁。而夢想建設其自己之獨裁而已。

設試驗館予民族以教訓。俄國社會化之嘗試。可以視爲明確之例矣。

鐵路與鑛產。於數月之間社會化。其紊亂之極。雖強使工人每日工作十二小時。諸獨裁者不免以金錢徵求其所無之能力於國外。

願信仰之一不可思議的特性。即在防制信徒瞥見違背其信仰之事實。故社會黨員可以引證者。僅有艾爾里克（Erich）一人。此君歸自俄國。見統一社會黨漸傾向俄國之共產主義。乃辭黨員之職。此議員之辭職書中有云。

統一社會黨不特無排斥俄國共產主義過激與罪過之勇氣。反以之為榜樣。而使法國工界崇拜之。

俄國市民因破產矣。但國民工業亦隨之消沈。使俄國無產界大受其害。而使德國工業大得其利。德國工業正在代替俄國工業也。俄國昔日供給大部份歐洲之食。今其共產主義乃使之發生饑饉凶歉。共產黨獨裁之所謂方法。以昔之最惡的檢察之恐怖。並察汗主義（Terrorism）衡之。昔不及今遠矣。個人自由一概廢止。每日以百數計之工人學者。為所僱之匈牙利與中國之兵所屠殺。事前未予審判。乃其惟一罪惡。則在其思想不同共產黨。

末次選舉以五萬票投之共黨薩杜耳 (Sardot) 可見共產主義在法國工界之進步。若在現在或將來脅迫文化之鬭爭中。國家退讓。則除讓位於無產界之首領外無他法。今不幸不能盼望政府之努力。輿論之勢力將必大有作爲。當鐵路人員罷工之時。公衆見亂後因個人野心拋棄一般利益。憤慨之極。致外省之給養品商人。若雜貨商麪包商。甚至酒商。憤與罷工之人斷絕交易。

此種衝突之最後結果。今尙未能預知。吾人所能確定者。國民常爲其英傑所領導。但下級分子之暫時勝利。如俄國匈國之例。得發生不可恢復的破產。

工界之領導人以爲「盛夜」將臨。設其夢想實行。將臨者實非盛夜。特爲永夜耳。

第四章 各國社會黨之試驗

試驗在教義上完全不能影響信徒心理。此輩之幻想爲不能變更的。

至試驗在政治與社會信仰上。對於信徒亦無效力。但對於信仰未定的懷疑之徒。尙得有其作用。

現代之特徵。卽社會所根據的舊原則之分解。由戰爭發生之種種擾亂。又連續分解之。並在民衆心理中。引起若干簇新願望。

現在之指導觀念。判爲兩種絕對背馳之傾向。一方爲需要霸權之國民主義。一方爲臆想宇宙博愛成立之國際主義。

愛國心卽爲國民主義形式之一種。諸國當局視之爲一種歷史的須要。蓋其證明祖國之崇拜。長使國民健強。而其薄弱。則表示國民衰微也。

國際主義大致由工界主張之。傾向適與前者相反。排斥愛國觀念。不問民族心理與利益之差別。而欲將諸國民溶合之。

將來純粹理性統治世界。爲時或者極遠。迨至斯時。右說固不失爲完善之說。蓋除使諸國工界博愛之空泛的感情而外。吾人曾見世界工業之進化。引導諸國民止於一種日見其甚之互屬。其互助之必要。重於互滅也。

顯此須要之在今日。尙爲未能活動之真理。因其與爲民族行動現在惟一嚮導之感情與嗜欲相

抵觸也。

由是現代政府處於此種抵觸之間矣。贊成代表將來之國際主義歟。則無異使民族解除武備也。抑發展國民主義歟。則由防衛脅迫攻擊的必要武裝之耗費甚巨。

此種相背的觀念之衝突。致使諸政治家不能注意未識之將來。而採取隨時應付政策。羣衆既對於其首領缺乏信用。惟服從其原始的本能。而本能自社會舊日堤防潰決之後。常再發生。

偶像既倒。而出身票決之當選人。又一味奴從。遂使羣衆自信世界應屬彼等。今日羣衆所遵守之惟一法律。僅爲勢力。

當鑛工罷工幾使英國破產之時。英國某報曾謂僱主與工人代表之契約。一旦工人代表見其有利。則本此羣衆勢力創造其權利之根本原則。時常違背之。其一證也。

此項權利。亦能創造工業進化必需之能力歟。近來諸平民政府之試驗。可以答復此問也。

社會黨之一切斷言。俱已爲人所非駁。雖有非駁。而不能妨礙其作用。則必須使試驗爲社會黨之試驗方可。此種試驗。近日各國已確有之。其結果已爲人所熟知。茲僅略爲引證而已。

除諸國所試行之全部社會主義不計外。今有數國服從議會之社會黨傾向已久。法國其一國也。此種傾向。常一面與本於人類心理結構之障礙相抵觸。又一面與本於近代經濟須要之障礙相抵觸。幻想之說與百折不撓的天然定律衝突之代價。已甚巨矣。

各國議會社會黨影響之主要的結果。則以多數工業改屬羣衆政府管理。質言之。改用普及的國家主義。試驗何止百次。耗費成效皆同。

至其效果在諸國中與在一切工業中相類者。卽因羣衆之管理。適足破壞人類活動之最強的心理機能。如個人利益。責任意義。設計精神。堅決意志。總而言之。一切改造文化的進步之諸發動力。是已。

社會黨傾向之效果。可以預測其最後勝利之效果。諸觀測家雖已預言社會主義完全勝利之害。但無全部實行可供檢查。此種預言之價值。似可非難矣。

第今日此種實行。已由數國試爲之。所得之效果。處處皆同。

設試驗僅限於俄國。或能主張一半開化民族中之試驗。未能絕對證明。須有高等文化國民之試

驗。始能證實。乃社會主義近在德匈義諸國。已見暫時勝利矣。其表示之實際關係。應甚重要也。敗後之德國。即處於擾亂與摸索時代之中。戰爭既已表示其權勢所本的原則之害。當然別求他種原則。

社會主義乃爲補救軍治的君政所釀諸害。而自呈獻。德國遂試行之。

數月之間。社會主義諸式。皆見實行。自連同其蘇維埃。其掠奪與其屠殺之俄國共產主義。迄於姑息式的社會主義。皆已見之。諸主義今之留存者。幾種標語而已。

當德國瓦解之時。先之以一種暴烈的革命。與統治帝國諸聯邦之數世紀的王朝之急遽的推翻。當此第一期。極端黨操其勝券。同巴爾塔克 (Spartakists) 派之共黨。統治者垂有數月。掠奪屠殺。並臨之以恐怖。繼之以無產界之獨裁。質言之無產界數領導人之獨裁。

仿俄國之蘇維埃。設置工人會於各地。當然繼之以完全混亂如俄國。

德國某大報曾記載此社會黨統治時之情形。略曰。

德國之國民遺產。經四年戰爭而未傷殘者。概受革命之危害。若稅斂。若沒收。已將資本移出國

外。雖用任何警察方法。不能制止之。其不能遷徙之不動產。工廠。與其機械。則以賤價售之外人。英國人在盧爾鎮區中收買鑛田。紐約之國民市立銀行 (National City Bank) 則設分行於柏林。及其他諸德國大城市之內。

此時代未能持久。因其共黨之獨裁。一如俄國。不久即表示其無能也。

別又有一心理的理由。妨礙其久延。此項理由。非社會黨之所能解。可概括於一定律之中。

不論強使民族採用。或其暫時容納之制度爲何。不久即隨此民族之心理而變化。

如此變化。在文化諸成分中見之。宗教、語言、藝術、一概包括在內也。昔余撰有一書。說明此種根本

定律。政治與歷史皆受其支配 (原註即民族進化之心理定律一書)。

德國社會主義即於其勢力之下迅速變化。

姑取俄國共產主義之基礎若工人會制度之例。可以見已。

德國新憲法有一條文。制設工人會。用以防護勞動家之經濟利益者也。政府提出經濟法案。必先諮詢之。

俄國工人會之組織。與此極殊也。姑就理論言。應以千數計之小工人會指導地方利益。

顧此種組織。礙難實行也。一切蘇維埃。各自視爲獨立機關。一地方蘇維埃之意思。不久卽爲其他蘇維埃之意思所牽制。

俄國之蘇維埃制度。實爲原始社會最下等之過程。今惟在野蠻部落中見之。

德國解除其俄國共產主義與蘇維埃之後。尙須抵抗社會之若干試驗。如國家之沒收與管理私人財產。與出產工廠是也。

德國政府反對社會黨計畫之爭。至公衆悟解社會化之觀念。基於心理錯誤。而其實行足使國家經濟破產之日始息。

德國當局爲迎合僅存的社會黨作戰者心理起見。在演說中。尙維持社會化之原則。但其所欲社會化者。祇爲國家專利可有收入之工業。例如法國煙草之類是已。

至若其他工業。德國一般輿論。已見於下引德國某報之中。

若社會主義取得煤鐵。卽同時取得一切工業。而自由競爭與個人能力必皆隨之而廢。則吾人

應時時注意者。國家營業不由競爭。所費多。而排斥輸出。反之。私人活動與個人利益。代表強健不滅之勢力。而此勢力於其最深之泉源中。湧出天然寶藏。並予民族以財富與尊嚴。

故德國當局中最烈之社會黨。亦自承認工業與輸出商業。應在一切社會化之外。而任其完全自由。

願試驗共產主義者。不僅俄德。尙有匈牙利也。匈國所用之方法。亦與他處相同。無非屠殺學者。掠奪銀行與私人業產。強使舊日富人操作一種手藝。私人居宅咸受徵發。惟留一房於舊日業主。餘房皆供工人之用。

匈國共產主義之社會組織。皆仿俄國。其巔有一獨裁者。命令徵發。督率考掠。其結果當然與俄國無殊。一切工廠陸續關閉。困窮徬及全國。

當時所賴以生活者。前朝所儲之產物。銷耗既罄。瓦解隨之。當時匈牙利民族極盼羅馬尼亞國之干涉。不知何故。協約諸國久不贊同。設早有干涉。其共產制延存之時。必更短促。故一旦數圍軍隊。近迫都門。共產制卽行崩潰也。

英國似爲歐洲諸國中最能抵抗革命潮流之國。但共黨賴有其宣傳巨款。亦見有若干進步也。滲染最甚者。似爲鑛工。其脅迫已屢見之。今乃要求鑛產社會化矣。其意猶言所有煤炭賣出之利得。全屬彼等。而出產費用。則歸國家擔負。

更有若干英國極端派。又進一步強迫英國首相。承認俄國蘇維埃政府。制止法國援助爲俄國軍隊所脅迫之波蘭。英國政府在此事件中之態度。惟能作是解也。極端黨之主張在英國已引起激烈之反抗。時報 (Times) 曾云。「英國民族之痛恨種種暴政。從來未渝此心。英之不能容勞動羣衆之公安委員會。亦與其不能容達憲君主相同。」

此事固應爲人所盼。但在實際上。無人知其究竟也。夫心理之傳染固得制止。但其尙存之時。應受其害。

今日之事甚明瞭者。則爲英國工會欲使工界羣衆服從莫斯科共產政府一事。遵守舊慣的興崇拜自由的英國。至於此極。此昔人之所未能預料者也。

法國尙爲善於抵抗社會黨過激舉動之國。但其主義仍在繼續發展。

戰前之社會黨。阻止吾人之武裝。至使德人自信能爲無危險之進攻。其妨害吾人不爲不甚矣。終乃無條件贊成共產之說。

社會黨爲恢復其聲望起見。種植可畏的幻想。於羣衆心理之中。

不幸能知結合者。不爲下等勢力之代表。第英傑之思想雖強。似不適於行爲。由是亦不適於自衛。但爲解免一國社會黨之害。惟須若干意志堅強之人。不在多也。義大利國已有一最顯著之例矣。諸國之受社會主義之侵入者。莫不受其擾亂。義大利之受害亦同。

數月之間。義大利之社會黨。已自信能確定成功。奪據數城之自治公所。驅逐業主於工廠之外。並依制勝的社會主義之一般方法。施其掠奪屠殺。政府對之戰慄。對於要求。逐漸退讓。

暴烈之過激。未久引起一種反動。國民結合黨。新黨也。大致由舊日戰士所組成。乃出而反抗社會主義。鬭爭之時甚短。終使共產主義完全失敗。

夫國民結合主義能告成功者。卽因其首領爲今日當局中所最缺少的果敢之人。

此首領牟鎖里尼 (Musolini) 君。具有高於書本教育所賦之兩種品性。卽性格與判斷是已。

此獨裁者因行政機關之複雜有害於近代社會之存在。乃將其簡易省略之。利益之受壓迫者。自不免於團結抵抗。此君或者終不免失敗。但其留存之專業極有益也。

其大功即在破除今日不少國家負累甚重而社會黨極烈擁護之經濟國家主義。

其主張已在羅馬招集之國際商會代表前言之。茲節錄其演說之詞如下。

義大利新政府所採用之經濟原則。極其單簡。余以爲國家應放棄其經濟職務。尤應放棄具有專利性質之職務。國家執行此種職務。常常表示其無能。余以爲自任從速解除人民戰後恐慌之政府。應以極大的活動自由。予之私人設計。並放棄一切干涉。與妨礙之立法。此種立法固能迎合左派議員之暴民主義。惟據經驗之證明。適足絕對防害利益與經濟之發展。

予不信在工業農業商業銀行運輸中勢力之全部。得以資本主義全名名之者。近於衰微。如若干社會極端主義理論家樂持之說。吾人久見之經驗。亦歷史中最大之經驗。現已明白證實。所有忽略自由設計與個人活動之經濟制度。必在極短期限之中。爲可悲的破產。但自由設計並不妨礙團體之調協。而尤利於個人利益之正當防衛云。

余轉錄此文者。因其表示余主張已久之明瞭真理。言簡而意正也。所應爲歐洲慶者。有此果敢之人。毅然實行耳。設其事業成功。將協助吾輩文化。免除社會主義最後破壞之害云。

第三篇 財政之紛亂及富源

第一章 現在歐洲之窮乏

諸國之當局。尤以英國當局爲甚。不斷的要求歐洲之經濟復興。

前爲發見此復興之祕密。曾招集公會十餘次。其結果皆愴然無效。此種公會之實際教唆人英國部長魯意佐治君。在其不可以數計之演說中。從未將其復興標語表明。惟執然請求法國將德國所負戰爭賠款。用種種延期減少。甚至取銷之。

此君機敏慎重。而不提出任何復興標語。彼固知此種標語無存也。

蓋其要求之復興。隸於一種極其單簡的。但大致未識的經濟須要之適合。

若將歐洲諸國窮乏。與其所致擾亂之原因尋究之。此種須要之勢力。顯而易見。

一 財富之資源

現在一切政治家喋喋不已之歐洲復興方案。意味究安在耶。僅表示民族在出產與銷費間成立之一定關係缺乏。即不能生活歟。

就現代之世界狀況言。一國之財富。大致視其土地與工廠所出產物之分量。出產超乎銷費。則與外國交易其土地不出生活所需之必要物品。

使出產抵於輸出可能的價格。尙未足也。更應覓求購買人。是爲本問題之主要成分。若一國製造物品超過其可能銷售之限度。其工廠勢必限制出產。工人勢必因之休業。是即英國之狀況。故其尋求顧客。至於俄國。

此種商業交易之必要。更可證明民族互屬之程度。並證明諸國之處現在世界窮乏之中者。藉口於保障其國民工業。以關稅自保之謬。此舉適足引起終使受保障的工業停滯之報復。

右述之富源。可以解說若干國民。例如奧國之淪於困苦之理。設若一公斤之麵包。前在維也納值半佛郎者。今值六千佛郎。此事不僅謂奧國銀行鈔票之信用極微。且證明奧國勞動家之出產能

力極低於銷費之須要。則國民協會妄以借款可以改良此種狀況之見解。誠爲大謬矣。竊以惟一有效救濟之法。應賦與奧國當局以充分權力。使之大事減少吞蝕國家收入幾近全數之官僚。復次以適當之工資。引導勞動家增加其出產。夫借款之完全無效。不難逆睹。雖屢言之。願無益也。

由前所述。一民族之無貨幣者。但能於其土地與工廠之中出產其生計必須之物品。並製造可供交易之商貨者。較之據有金銀貯藏。而出產不足商貨之民族。大爲富有。金銀貯藏若不更新。則消耗甚速。西班牙人昔日盡取美洲金銀。自信富有。而不免於窮乏者。乃其例已。

反之。德國爲喪失金銀之民族。但賴有出產。經濟狀況仍不失其隆盛。

此種用出產與交易創造財富之方法。今與種種人造的障礙相抵觸。而此種障礙常可畏也。

第一障礙。則在世界中購買人數之大減。奧國俄國之購買人已失。此外諸國人亦減少其購買。復次因各國貨幣購買力之跌落。使商貨跌至可售價值之輸出甚難。法義二國可以例之。

由是購取法國價值一百佛郎之原料於英美。須給三百佛郎之價。出產之元價大增。出售遂難。加

之購買人因貨幣購買力之不定。不敢大事屯聚。或締結定期商約。

由此觀之。諸民族因上述之擾亂。淪於生存艱難狀態之中。復有其他狀況。從而糾紛之。

今日生活於其土地出產之農業民族。與生活於其商貨交易之工業民族。情形大殊。

法國大致爲農業國。嚴格言之。賴其土地以生。英國若交通斷絕。祇能生活一月。法國交通斷絕。其地可供給十月之食。

此種極其差別之生計狀況。可以少解英國政策。英國絕對必須求出產於國外。願商貨惟能用商貨給付。勢必處處求其購買人。

二 富之虛源

戰爭以還。各國出產少。而出售難。爲生存計。勢必採用種種方法。首重者。即爲強迫流通的銀行鈔票之發行。

此法初行之。常見有效。故採用之國不少。

以紙構成之貨幣。除民衆對於發行當局之信用外。顯然無他價值。據經驗之證明。發行鈔票愈增。

償還期限愈晚。信用愈薄。

就原則言。紙幣之價值。質言之。其購買力。應逐漸減少。而達於零。設此價值能常在零數之上。價雖極微。紙幣發行人得以之與外國良幣爲無限之交易。蓋所費者祇其印刷之價。以千佛郎之鈔。易一佛郎之銀。尙不失爲有利也。

具有製造鈔票理想之能力之國家。雖鈔價近於零數。得以其劣幣。取得宇宙全數之金。

此種假定。當然不能實行。經驗已予證明。革命時代發行土地債券。其價跌落。終使完全失其價值。是亦俄與波蘭等國之例。

德國紙馬克之跌價。與他國之例不同。並不因銷費超乎出產。乃因當局欲紙幣喪失價值。俾其戰爭賠款不能給付。其紙幣雖見跌落。但從未跌至於零。

在實際上。紙幣賦與發行人。以無價值之紙幣交易良幣或商貨之暫時的能力。但此種運用。不能持久。設其延長。發行國將無能行使之貨幣。如俄國之例。除直接以出產易出產外。無他通商方法。重用以物易物之古制矣。

試進而研究之。始知獨用構成真正通商方法之以物易物制者。不僅古代惟然也。當一國經過暫時恐慌。必須替代金幣或所缺貨幣之時。紙幣固有其益。則此紙幣祇成爲一種償還無期之借款。若其數增加。償還期遠。必失其價值。余前已言之矣。由此觀之。國家從來不應忘懷者。強迫流通之銀行鈔票。構成一種隨時間而消耗之貨幣。其價值常進向於零也。

第二章 財富之新舊成分

一種尋常農業。一種遲緩不定之商業。古代財富之要源。恃此而已。當時並承認侵略其鄰國。爲民族致富之良法。

今日侵略功利舊說。已漸爲民族漸進的互屬之說所動搖。多數事實業已證明民族之交易其出產。更較有利於互相吞滅。經驗亦曾證明夫欲共一國開闢商業銷場者。無所用其侵略。德國與美國爲極有利之貿易。是其證已。

此種證明雖極明瞭。尙屬余所稱之非活動的真理。蓋因其明瞭程度。尙未使其能統馭感情的與神秘的衝動。如嫉妬、怨恨、霸權之需要等等。足使民族爲狂妄的冒險之衝動也。

但四年之戰爭與破壞。賦與昔日非活動的真理以若干權力。其尤可緩者。侵略戰爭不能使一人致富。因吾人甫離之戰爭。已使勝者敗者共同破產矣。

諸民族現正罄其全力補償其損失。給付其債務。並復興其已失的資本。

第其將來之富。出於何源耶。

此種富源。性質不一。皆受節略如下一標語中之一根本原則之支配。

「個人或民族之財產。大部分隸於其准備的資本流通之速率。」

此種標語。與機械學中支配勞動量之公式相近。其由速度平方所發生者。等如實體之半。夫人之所知也。

此實體。在經濟學中則爲准備之資本。速度則爲流通之速率。

開始之資本。不慮其微。若其流通迅速。極微之資本。在量之上。超過流通速度甚緩之大資本甚快。

此處仍與機械學相類也。一小體之彈丸。但具有一大速度。其傷害較烈於重逾百倍。但速度極微之金體。近代全部彈道學。即由此原則之適用而變更。並連帶變更工業矣。

上述之原則。導入一種財富之新說。

古代國之財寶。爲金銀貨幣之積聚。閉藏於金庫之中。動用之時極罕。

及有近代之進化。財寶完全離其金庫。構成一種動體。其量視其流通速率而變。一如前之所述。茲再進而確定其意。假有某商人以一千佛郎之資本。購買若干商貨。重售之。獲利百分之十。若在一星期之中。操贏十次。則星期之末。資本倍加。商人繼續經營。不久即較富於有五萬佛郎不動資本。而取息極微之人。

由此單簡的計算。又可知商工利得之重要。不屬於每次經營之操贏。而屬於經營之頻數。

復次又可知利贏愈頻。愈能減少。利贏之減少。更促進資本之流通。蓋其足使大多數購買人購其商貨也。

由此觀之。買者賣者。皆受資本流通速率之利。百貨大商場之代替賣少賣貴之小商店者。即本此

原則也。

由前引諸例。可將上述之標語。改如下文曰。「資本流通速度之加增。等如此資本之加增。」此一標語漸漸支配近代工業世界。其實行之方法又如何耶。

可以促進資本流通速度之成分。戰前之美人德人。早已研究甚詳。職是之故。其經濟發展超乎吾人之上。

速度在出產與此出產售賣中之須要既明。出產工具改善。與運輸方法發展之重要。立可見已。

工商強烈化之種種成分。質言之。出產速率與出產物售賣之種種成分。余在此處無暇徧審。但有一成分。須附帶言及者。即農作收穫之增加一事是已。因其重要。在脅迫世界之饑饉時期中見之。法國戰前之農作收穫。與其工業出產並劣。麥田每公頃。僅獲十二公石。乃德國地不及我。賴有肥料之利用。收成倍之。

不論關於農業工業。吾人技術教育之不足。構成低劣原因之一。此項教育。應即完全改善也。手工與機械收穫之差別。視使用者之技術知識而異。工程師羅哇萊 (Loiret) 君。在經濟發展

雜誌中。撰一頗饒興味之文。曾引舉若干顯著之例。

著者曾舉泰勞 (Taylor 美國工程師一八五六至一九一五年人) 氏之舊例。賴有無用動作之有方法的排除。工人一人可於一貨車之中。裝載溶鐵四十七噸。至無方法的工人。同時僅能裝載十二噸而已。

著者次引電料工廠之例。工廠用較良的方法者。收穫不止加倍。其他更有減其元價百分之四十。可使工資加增者。若妄以爲增加工資而不同時增加收穫。則徒能增其元價。製造家必受工具較良之敵廠所競爭。而其貨物將不能出售矣。

著者又以爲煤炭之有方法的使用。得減其銷費百分之三十。又引一九零五年烈日 (L. G. Ross) 賽會場所組織之火夫競賽。謂同一機械同一燃料。收穫之差別。在競爭人第一名與第末名之間。可達百分之五十。

改良工人與其首領技術訓練之須要。乃見其重。手工日見其少。工價日見其貴。則減少元價。有其必要也。

吾人債務大部分既爲外債。惟能以吾人農工出產之超過給付也。

前此諸說明。已表示由錢財工廠或收穫所構成之有形資本。若由余將以「心理能力之係數」爲名之一定係數增加之。得以大長。余前所說出產速度成分。卽附屬於此。由是觀之。民族之財富。尤屬於學界工界商界之英傑。在將來尤重於過去。與社會黨之平等夢想。尤相違也。

處社會黨勢力下之國。國家主義之發展。仍繼續妨害個人之設計如故。較之美國國家活動減至最小限度。人民設計增至最大限度者。實不可同日語矣。

吾人於此章中。祇能說明速度在價值創造中之作用。

研究其在現在世界進化中之勢力。不難證明吾人之文化將愈受此成分之支配。其使末世紀之有異於以前數千年之歷史者。大致卽此成分。

自謝瑣司特里司 (Seostris) 紀元前十三四世紀之埃及王迄於凱撒。迄於路易十四。迄於拿破崙。出產物之製造。人類之交通。並其智識之交通。極其遲緩。

由創造速度的煤炭之發明。使迅速之運輸。偉大製造之工廠。成爲可能。民族之生活與其思想。由是變化。

近代生活懸於煤之出產。若此源一端。生活立時停頓。鑛工之延長的罷工。已足危及英國之一切經濟的與社會的進化。煤在有形無形生活中之重要。本章別有專章述之。

勿論今日所重視之成分爲何。科學之努力皆在促進其速度。人得謂速度之作用。即在增加人生之長度。但須承認下述之箴言。生活之時間不屬於時日之數。而屬於此種時日所聚感覺之雜。】

第二章 兌換之表面的祕密

一五二五年歿於巴維 (Paris) 之法國大將拉巴里司 (de La Palice) 貴爵。以勇敢名之戰士也。不知何故。後世奉之爲真理所本的惟一哲學之始祖。(按法諺有拉巴里司真理之語。猶言其爲尋常真理也。) 人類對於此種真理。從未非之。亦鮮有爲之感有互相殺戮之需要者。所謂拉巴里司真理。常常構成吾輩知識之最重要的結論。謂科學大進步。即在改造其初不定之

假說。而爲拉巴里司之真理。質言之。明白的真理。非過言也。曩昔余曾說明熱力學有一重要原則。經諸物理學家困苦研究垂五十年者。得以下一拉巴里司真理概之。卽「川流不溯其源」一語是已。

其在不少科學中亦然。最近某名將會謂唯一有裨於戰爭之真理。卽爲拉巴里司之真理。有若干外表嚴肅。卷秩浩繁之科學。如經濟學之類。情形亦同。其中包含不少拉巴里司之真理。例如供求之基本原則。卽最微賤之庖人。亦知其所構於市場之蛋價。因蛋少而增加。

經濟學中其他學說之大部分。若將註解家所聚積的迷離不明之註解排除。其單簡亦無異此。前述之小引。特爲讀者了解今日擾亂民族財政之一問題而預備。此問題卽爲兌換問題。問題雖極單簡。顧其積聚錯誤之多。竟成爲一種假擬由不可解的神祕勢力。或由機敏的投機人之隱密意思。所支配之秘密現象。

設有一受拉巴里司真理薰陶之哲學家。不願曖昧。而解說兌換問題。如何能告成功耶。用一種簡明之審察。亦無須乎求助於任何經濟學者之說明。卽易見兌換之損失。別言之。貨幣購

買力之減少。視對於有此貨幣的國家信用之程度而異。若在瑞士或英國購取法國價值一百佛郎之物。吾人應付三百佛郎。易詞言之。佛郎所以喪失其購買力三分之二者。即因其在吾人給付資力中之信用。已大減少。

由是觀之。兌換代表一種出產家對於購其貨物之國家。表示信用之心理的寒暖計。

由前說可見經濟學者喋喋不已。各國曾經嘗試之「固定兌換」標語。爲一種誕妄不經之說。固定兌換。無異固定一種測量儀器。如晴雨計之類也。

然則能使以兌換變動爲表現之信用變動之原因安在耶。設有人謂有一私人。有一工業家。或有一國之支出。長久超過其收入。在彼信託中之信用。將必迅然減少。是亦一拉巴里司之真理也。

若債務人爲償其債務。不免於增加借款。信用必更減少。

若爲此事者乃爲國家。其借款則用種種形式。略略隱其性質。其常用者。乃爲紙幣。乃爲強迫使用償還無期之銀行鈔票。

此種鈔票當然屬於借款。除持票人對於借貸國家表示信用外。無他保障。若此國增加鈔票（此

種現象名曰鈔票跌落。信用則逐漸減少。終必幾等若無。與俄波蘭等國。即曾抵此鈔票末日。紙幣之完全喪失價值。即代表初具之信用完全消滅也。

由兌換構成之信用的寒暖計。極易感動。所以法國下議院預算不敷之宣言過於悲觀。鈔價忽然跌落。

諸投機人利用此種情況而謀利。其事誠無可疑。但其影響常為有限的。暫時的。在信用曲線中所引起之動搖。不變更其步法也。

「德國將來給付。」吾人今即感受此不幸的標語之累。致使受害諸國為無用之耗費。德國利用其紙幣跌落。使紙馬克完全喪失價值。避免付給。此意拉巴里司或能知之。顧吾輩之外交家。未能預測也。

一切兌換跌落之原因。皆歸結於信用低減之多少。諸原因中得引舉者。尚有貿易權衡不平。質言之。輸入與輸出比較之不平是已。

巴西國即供給一絕妙之例。此國當戰爭之時。在歐洲之輸出進步甚快。而其輸入日見減少。歐洲

既需要貨物甚多。而又毫無售出。金錢遂輻輳於巴西。其兌換乃迅然提高。

戰爭終了。歐洲已無需再購貨物於巴西。乃巴西爲重整其舊罄之存貨。不能不在外國爲大宗之購入。其輸入則大超過於其輸出。而其兌換不久跌落。陸續跌落。至於出產加增可以抵償其輸入之日。幸此國聰明。不增關稅。用以反對輸入。一反不少民族之所爲。

當紙幣價值之信用完全喪失。而此貨幣之發行國無金無銀之日。能謂其已無貨幣歟。

非然也。余常謂金銀代表一種貨物。與其他貨物無殊。而可以不少貨物替代也。各種貨物轉運固不及金銀之易。但其購買力仍不失有其效力。

則一種可以流通之貨物。例如一袋小麥。或一袋煤炭。代表一種貨幣。一如二十佛郎之金幣矣。因其可以供一定分量的他種貨物之交易也。

夫富饒民族。卽爲據有供交易的貨物超過額之民族。窮民族卽據有未足。必須借貸之民族。彼遂不以貨物給付其售賣人。而在事實上。以代表一種貨物之不定之預約予之。

一國據有供交易之貨物愈多。需要金銀之處愈少。此國爲便利貨物之交易計。使用金銀鈔票期

票支票等等。皆無礙也。在以貨物易貨物之交易中。購買人直接或間接以貨物易貨物。無需信用。在實際上。雖未使用金銀。而不失爲付現也。

各國當其貿易權衡尙未均平之時。質言之。當其未能以其輸出給付其輸入之時。紙幣購買力之變遷。發生極大之糾紛。

貨幣維持其價值之國。所受此優勢之窘。亦不下於他國所受紙幣喪失價值之害。當吾人於兌換損失之後。給付貨價三倍於英美價值之多。與此種國家三倍其賣價。無以異也。

此種價格之人爲的提高。當然使其售賣困難。外國多數工廠不免停閉。

願貨幣未跌價之民族。雖不易售其產物。乃大有利於輸入。蓋因兌換之關係。惟給付購品半價或三分一價也。是以近來英國大購糖於法國。而其價低於英國遠甚。外國亦能用三分一之代價。購取不動產與重要工廠於法德二國。

同一貨幣之購買力。在各國中變遷之反響。不僅及於商業。且亦及於民族間之交際。假有一法國人旅行義大利與瑞士者。居於日費二十佛郎旅館之中。因兌換之關係。處相等之旅館。在義大利

則日給十佛郎。在瑞士則日給六十佛郎。因同一理由。法國購物值二十佛郎者。在義大利不值十佛郎。在瑞士英美則值六十佛郎。

前說結論之一。則在一切貨幣跌價之國家。利於輸出。而不利於輸入。反之。貨幣未跌之國家。利於輸入。而不利於輸出。

不幸此輸出輸入二事之爲用。互相補助。不能孤立。民族惟限於輸出或輸入者。不久必衰也。職是之故。多數國家輸入輸出失其平衡者。財政紛亂必普及也。此國因其貨物價值。由兌換之損失。漲價三倍。致未能充分輸出。彼國亦因此價值之增高。未能輸入。

然則如是情況如何終止耶。有若干經濟學者。復於馬克固定或紙幣跌落之利益上。發爲種種枝節之說。更使此種情況迷離不明。但余以爲略一思之。卽不難發見貨物僅與貨物交易。一旦供交易之貨物之分量充足。可使出產與銷費恢復平衡之時。貨幣問題卽失其重要。是時之紙幣。祇成爲一種協議的符號。與支票或收據同也。茲不難例以明之。假定余發交一定分量之鐵於某外國商人。而此外國之商人以按照世界市價相等分量之麥給付。則毫無兌換之可言矣。

紙幣與其連帶之兌換變化。並不始於現時。法國革命時代。已有其土地債券。其歷史人盡知之矣。英國亦已在其反對拿破崙戰爭之中使用紙幣。英國銀行鈔票之強迫通行。始於一七九七年二月。止於一八二一年五月。垂有二十四年之久。英人如是取得擊破拿破崙權力之必要的資力。其鈔票之喪失金幣價值。從未超過百分之二十五。一八一七年之相差額。僅有百分之二而已。

美國在南北戰爭之中。亦會使用紙幣。於一八六二迄一八七九年間強迫流通。其始數年。喪失金價百分之五十。戰爭終了。即迅速漲起。在取銷強迫流通之前。已早復元矣。

然則英美人用何方法恢復其紙幣全價耶。乃惟恃其商業之隆盛。使信用恢復。別無他法也。

此例可以證明今日重累生活價格之兌換相差。與歐洲之經濟復興。有密切之關係。此復興可歸結爲兩點。(一)出產止於可使商貨輸出之賣價。(二)姑就法國言。增加構成高於一切貨幣之農業出產。民族既能均其收入支出。財政紛亂立可終止。

四年之間。爲發見他種方法。陸續招集之十四次公會。毫未見有成績。其中所費之雄辯甚多。科學甚少。理性尤微云。

第四章 債務之隨時而變

現代諸民族所受幻想諸害。德國債務之巨數。亦其一種。

此項債務之確數。頗難定之。因其得依給付方法所延之期限。而大變其總額也。茲用幾種計算。表示其相差之巨。

最後決定之德國債額。爲一百三十二秊。茲爲便於明瞭計。姑認爲百秊。年息五釐。而祇就其給付之時期。求其可變之數。

假定德國每年給付一秊。而計算其債務之概數如何增加。

有一極著名之公式。業已表示一百秊之債額。滿十年則增爲一五零秊三一。二兆。滿二十年。則增爲二三二秊二六四兆。滿三十年。則增爲三六五秊七五五兆。滿四十年。則增爲五八三秊二零零兆。滿五十年。則增爲九三七秊三九二兆。

由此觀之。一種債務經五十年。幾乎增加十倍。將增至一種聚世界之庫藏而不能償付之數。

現假定德國欲攤還其百秊之五釐債務。則每年應給付五秊四七七兆。

若假定此債無息。五十年間每年祇付二秊。即可償清。

德國所請之種種延期。皆不外乎免去複利。大減其債務之實價。按一秊之「實在」價值。若將其給付延期十一年。則祇有五八四兆六七九千佛郎。延期二十年。其實價則降為三七七兆。延期五十年。僅存八七兆而已。若延至四百年。一秊之實價。將落至三佛郎。

此一秊債務減為三佛郎之例。可見時間在財政上之作用。賴其作用。可將一數大為減少。抑為無限加增。已有人計算基督時一佛郎連同複利之存款。今日價值可與代表大於地球之金球相等。賴有此時間之作用。所以人得取得一種不動產。而其價值大超過於取得人之現在財力者。每年攤還之數微。但其期限延長。一種債務不久即可償清。吾人土地信貸制度。即基於此種原理。

人類之生命既短。若欲債務從速攤還。故每年攤額比較為多。顯羣衆之生命。就理論言。為期無限。每年攤額為數可少。職是之故。國家能借大款。而易清償。其總數立時清償固不可能。惟以給付分攤於極長之時間可矣。

由上述之數。可見在理論上德國延期給付所聚債額之重。是欲不見取得如是款額之不可能。須具有一種分量極大之幻想。

原債額已定爲一三二秊。吾人在計算中曾減爲百秊。

顧在估計之初。德國債額爲數甚巨。後因英國政府之壓迫。減輕數次。

法國對於英國之憤概。卽因此德國債額之減輕。初在布倫 (Boulougne)。定爲二五九秊馬克。次於一九二年在巴黎公會。減爲二二六秊。分四十二年償付。繼又在倫敦。減爲一三二秊。終爲按年攤還。

英國政治家力持減少而激動其協約諸國之怒。不爲無誤也。諸國未始不知此種數目之幻。絕未有假定六十兆人民之國家。於半世紀間。能每年給付一極大貢獻於戰勝之國者也。下引英國前首相艾司揆 (Asquith) 之說。實具確切不移之理。

願想今日在巴黎圍桌而坐之一小團體。不論其知識與其政治能力若何。謂其能於給付問題上。逆知二十三十或四十年之事。則其人之輕信與缺乏想像力可知。而於現代之政治家。亦未

見其有榮也。

至德國給付在歐洲諸國之影響如何。茲亦勿庸尋究。蓋德國曾用貨幣跌落之法。使其銀行鈔票價值近於零數。而避免給付。且吾人在別一章中。已將戰費實由何種民族負擔說明矣。

第五章 生計昂貴之原因

據民衆之想像。凡事皆本於一種原因。不問其虛實。祇須原因單簡。現象之複雜的聯絡。非羣衆之所能詳。而由羣衆感情所領導之立法者。亦未能知之。

單簡觀念驅使羣衆爲最大的難題。求最簡的解決方法。貨價房價加增歟。在表面上救濟之法。似莫易於定一官價也。不少試驗業已證明其所達之目的。適與其所期相反。願試驗列入民族懲惡成分之時極罕也。

夫欲一單簡觀念使人聽從。祇須其帶有希望。單簡觀念不問其謬誤與否。在輿論統馭的國家之中。取得勢力甚快。政府未能制御。由是柔弱拙

劣。而屢變其措施。

一種生計問題之節略的研究。可證上述單簡觀念之爲害。

生計昂貴在民衆與若干稍具智識之人視之。原因簡單。例如中間人之貪心是已。此項懲憑之深入人心。有時且強使政府懲罰商人。勞動聯合會并命令總罷工。

願此種思想簡單之人解決極易之問題。實極紛糾。可以下述之諸要因斷之。

出產家需要之影響。戰時工資之提高。與商業之利得。將不少銷費者之購買能力加增。出產則反減少。按據不可消滅的供求律。商人利其顧客資力之增長。必定提高貨價。

茲舉一極明之例以證之。假定某海島之星期市場。爲禁止輸入的關稅所保護者。每週僅到百兔。而有購買人二百人。

前述之不可抗的供求律。必增供方百兔之價。而排去資力不足的求方之百人。

茲百人受此排去之窘。憤而罷工。要求僱主增加工資。俾其亦能人購一兔。

諸人既得其要求之工資。乃至下次市場。謀得所欲之兔。願每市祇有百兔。常應排去百人。其價愈

增。而至百人能購所欲之兔時始止。不論求兔者之工資高度爲何。此結果永不異也。

迨諸購買人競爭之後。兔價遂以奇昂。民衆大恚。乃請求政府干涉。

政府不甚明瞭供求律。乃定一賣兔之最高價格。

其結果立時可見。且適反其所期。一旦官價公布。百兔即不見於肆。而深藏於商店之密室。因有受罰之危險。故賣價更高。

此寓言綜合戰爭開始以後屢見。無慮萬千。而未能教訓一人之事。非臆想也。近日關於房租等事之法律。可以表現吾人之立法者不解若干經濟現象。

八時工作法律 當出產不足適應加增之時。社會黨乃使議會表決法律。禁止僱用工人每日逾八小時以上。其最直接的效果。則大增物價。富裕酒商。

此種有害的法律。尙有其他效果也。鐵道船舶勢須倍增人員。大長運價。加增之甚。將見吾人之海上商業。完全爲外國競爭所消滅。由是八時工作法。遂不適用於航務。

國家主義之進步與行政紊亂 國家主義之發展。與其附帶的官僚糾紛。勢須大事耗費。增加新

稅。物價由是愈增。

國家略有措施。必須各獨立部局無數人員之參與。而此輩從來未能協合也。據下議院之報告。比哲爾特 (Bizerte) 空船出航。而岸上麥積如山。任其朽腐。追源其故。則因命令船舶開行之官吏。與命令裝載之官吏毫無聯絡也。據布爾董 (Bourdon) 君云。

行爲不一致。機關不整理。部署參差混雜。齟齬牽制。在上者因不乏意欲作爲之人。顧處於無聯絡的組織之中。與共競的局署相對。無能爲己。訓令在階級層次之下而變更。朝令夕改。意見不同的官署。復從而反駁之。通令重疊。互相矛盾。致不值關係人一讀。組織秘密。吾人尙須尋求云。其事雖顯。方法仍然不變。國家主義必使國家破產。一切國家今尙未知自免也。

上議院議員查畢 (Gaston Japy) 君關於此事。引證綦詳。僅觀其所引諸數。已足以資證明。

一九二二年國有鐵道不敷額爲四三零兆。國有航業則費去三零零兆。煙草專利。國庫所入。少於英國煙草稅三倍。而英國官廳未曾製造煙草也。

紙幣跌落與工資提高。強迫流通的鈔票之源。前已言之。其發行之過度。必致發生本書所述之

種種結果。此處僅言其影響及於生計昂貴一事而已。

紙幣跌落之第一效果。則使官俸、鐵路月薪、與工資大增。

出產既已不足。必須限其消費。乃今反使之增加消費。

紙幣跌落愈甚。吾人鈔票在外國之信用愈減。佛郎今在英美瑞士僅值其價三分之一矣（按今

惟值四分之一）。

生計昂貴之結果。生計昂貴之結果甚多。未遑列舉。有若干結果。如出生率之減少。影響尙遠。此

外若大多數製造品品質之減削。則影響眉睫。

今日新富人之外。尙有不少由舊日市民殘餘構成之新窮人。夫良好物品元價既高。買者實力有

限。勢必將賣價低減。顧欲跌價。勢必將物之品質大爲減削。不論其爲衣服。抑爲什物。由品質之減。

致使輸出甚難。

救濟生計昂貴諸建議之價值。觀夫救濟生計昂貴諸法之無效。具見若干根本經濟定律不爲

人所知。要知彼支配事物展舒之定律。並制禦立法者之意志。其例日見有之。

試用以救濟生計昂貴之立法。要可概爲三事。一。加增工資。二。限定貨價。三。嚴懲投機者與商人。此種救濟生計昂貴方法。惟能使生計愈昂而已。其理不難解之。

關於加增工資一事。余前已說明工資額不論其提高至若何程度。惟能有加增貨價之結果。此說已爲經驗證實。勿庸贅言也。

不明事理的立法者所常用之官定貨價一法。亦與前一事之影響無殊。祇能增長貨價。從未減之。若立法者受經驗之指導。而不爲盲於目的輿論所督促。必鑑及昔日國約政府亦曾試行官定貨價。終歸於公然承認其錯誤也。

第三種方法。質言之。嚴懲賣貨太貴之商人一事。妄謬亦不下於前法。蓋其與永有的供求律相抵觸。而定物價者爲此律。而非立法者之意。前已舉其例矣。

就事實言。所有在戰時戰後想像懲治奸商之法律。從未減少物價一錢。商人爲表面奉行法令計。按官價售出少量之貨。買者久候店門。購得極微。大部分貨物。則密售之於給價較高之顧客。至若新法律。如官定房價法律之類。惟使房租日增之時。建造房屋更稀而已。提倡此種方法者之

睿昧。誠所未解。必待至無人願建房屋之時。始將辦法取消。

前述諸救濟生計昂貴方法。既無效用。茲惟尋求較為有效之別法。

其法可採者有三。卽一消費者之合作會社。二關稅之取消。三出產之加增是已。

前二法立時有效。然其效微。第三法收效遠。然其效大。且爲惟一可恃之法。此理易明。不需多所發揮也。

合作會社勿庸多言。因其在法國之成績常未見佳。就理論言。此法能使戰後之公衆獲得出產者所售之價與消費者所給之價。兩價間半價之利。願欲合作事業之實行。必須具有連帶精神與組織精神。不幸法國無之。

由禁制關稅之取消所致之輸入便利。其能減少物價。較前一法爲優。但諸大出產家之勢。影響國會甚巨。吾人受過度的保護貿易制之害。爲時殆尙久也。

吾輩當局有時似畏德國物品之侵入。而爲一種經濟幻想所惑。乃英美義國之人則否。稍一思之。卽不難發見德國人若能製造賤價之良貨。雖有種種想像的隄防。亦不能阻其行銷於吾人之市。

場。英比瑞士等國利其兌換時價。賤購貨物。復大增其價。售之吾人。而吾人勢須與之交易。除建一中國長城連帶破產外。別無他法可以免也。

無抵償的輸出之輸入。祇能爲一種臨時的運用。蓋貨物實用貨物給付也。信貸固許用紙替換。實言之。用預約替換。但此法不能持久。無輸出之輸入。僅爲一種借款。而民族不能永恃借貸以自存也。

是欲恢復各人之損失。給付吾人之債務。並減輕物價。惟有上述諸法中之一法。卽大增出產。尤以農業出產爲重。並使能爲低價之輸出而已。

標語易定。特欲表示其重要。並說明其實行之困難。非一巨冊不爲功。

法國雖爲農國。其農業經營未善。尙須以巨款購入麥糖果實馬鈴薯等物。

吾人諸屬地經營亦不見佳。戰前之商業。操諸外人之手。日耐維日報近述吾人殖民帝國之大。及吾人之不能利用有云。「取法國屬地之利者。實爲外人。法國人放棄貿易半數於外人。在突尼西一地。放棄者逾四分之三。在越南半島惟占入口二分之一。出口五分之一。」

此事與同類之事。應當言之。屢言之。不斷言之。吾人之將來。蓋屬於善於指導之固執的辛勤。欲保障將來之隆盛。非將勞動良加指導不可。怠惰、無能、與黨派相爭。是即不知適合新需要的民族所沈淪之衰微云。

第四篇 世界經濟之紛亂

第一章 領導世界之新勢力

原始理由既未能知。物理勢力之本性自不可解。若欲定其義。祇能言其爲動因而已。使人活動的動機之本性。其不可解亦如物理勢力。應仿學者之謹慎。而僅用勢力之名。以名吾人活動之種種原因。

此種勢力。得爲內裏勢力。質言之。出於吾人自身之勢力。若生物勢力。感情勢力。神祕勢力。與智慧勢力是已。亦得爲與吾人。不相涉之勢力。若環境與經濟勢力是已。

生物勢力若饑餓者。在全部前史之中。幾乎單獨支配人類生活。人類除飲食生殖之外。無他可能的意象。

經時代積聚之後。生活較易。社會芻形遂以產生。游牧部落之後。繼之以村莊城市。終以邦國。惟至斯時。始能建設諸大文化。其型。視指導之勢力而殊。

生物之需要。與若干感情成分。若野心之類。產生軍型之文化。例如羅馬與亞洲諸大帝國之文化是已。

若智慧勢力佔有優勢。則成希臘文化。與其思想藝術之珍奇。若佔優勢者爲神祕勢力。則爲中世紀與其大教堂。暨其強烈的宗教生活。

由此觀之。地球表面所發展之諸大文化。各有不同之動機。但皆具有一種共同性質。即皆受具有無上權力之不同的神道之影響是已。

神道固爲人類感情、需要、夢想、畏懼、與希望之綜合。但久已視爲唯一可能指導世界者。並供給人類不解的可畏事物之解釋者也。

羣衆不分大小。從未能免此種神祕勢力之統馭。其作用之大。致使最重要之文化。若佛陀文化。基督教文化。回回文化。皆以其神道爲名。

信仰之神秘的需要。似爲一種人性不可抗之成分。無一理性可能動搖之。當有個性的神道消滅之時。卽爲無個性的神道所代。如信徒賦與舊日神道同等權力之教義與標語是已。信仰之處今日。其濃度實無異乎迷信最甚之時。惟略變其形式耳。

新式信仰。若社會主義。幽靈主義。共產主義等等。皆有與舊日信仰相類之心理基礎。今亦有其傳道門徒。亦有其殉教之人。神秘主義之根本作用。余在他書言之已詳。茲不贅述。

在民族一部分之進化中。專事指導之生物勢力、感情勢力、與神秘勢力之外。復有智慧勢力。其發生較晚。而其作用已大。已將一切人生狀態變更。不幸其在感情嗜好與信仰上之影響尙微。此智慧不特未將分離民族與各民族諸階級間之怨恨。加以制限。且使分離人類之鬭爭。愈加兇殘。上述之種種勢力。皆有下一共同性質。卽其屬於吾人本身。得由基於吾人需要與信仰之意志。多少變更之是已。

但據吾人在卷首之所述。近代又見有新勢力之發生。卽經濟勢力是已。意志與信仰皆不能影響之。

所以人類在歷史中歷受無數幻想。若宗教幻想。政治幻想。與社會幻想之後。抵於一種經濟勢力制服一切幻想之新時期。

此種勢力。當民族昔爲不可越過的距離所隔絕之時。作用甚少。今日其權勢已重。致使民族之運命受其支配。強迫民族拋棄孤立。而於其間創造一種日見其甚並將怨恨制服之互屬。

歐洲戰後之經濟衰微。卽爲此種互屬最著之例。

英國自失其德國顧客之後。已見其輸出減少半數。致使數百萬工人窘苦休業。現尙不知所以自拔之道。

吾人在本書之中。常言及經濟勢力之作用者。因其勢力日見其大。現正與領導昔日世界之勢力相爭。彼無遠見的立法者。幻想之信徒。固然仍將擾亂民族之生活。但其勢力轉瞬卽過。未來世界將以新經濟勢力爲主人。而此種勢力卽發生於昔日未及預料已會變化民族生活之有形勢力也。其作用下章述之。

第二章 由煤炭與煤油所發生的新勢力之社會作用

新動力之作用。上溯不逾拿破崙時代。則惟近代始知有之也。今其作用極其重大。苟無此種作用。文化卽不可解。

近代國勢漸以煤炭或煤油之富爲度量。設若缺乏此種勢力。卽不免始而受據有此勢力者之經濟監督。終而受其政治監督。

若舉其機械出產之數。並與昔日用人力獸力發展之數相比較。近代諸大動力之作用尤爲顯明。用此處無暇解說之計算。可知戰前德國每年所產之煤炭一百九十兆噸。計其機械工作。可等於九百五十兆工人之工作。「煤炭工」有一極大優點。其三佛郎之製造工作。可抵一千五百佛郎之人工。

茲尙須附帶言及者。五千礦工。在一年間可採一百萬噸煤炭。可抵五百萬工人之工作。增加一國之煤富。無異大增其居民。多煤炭少居民。較優於少煤炭多居民者也。

尤應知者。煤炭亦爲居民之真正創造物。羅耐(Ge. Lannay)教授曾說明英國之諸大城市。賴有附近之煤產。人口大增。格拉司高(Glasgow)一八零一年時僅有居民八萬。今有八十萬矣。同時之希非爾(Shelfield)。昔爲封建市鎮。今有人口三十八萬。一七零零年之利物浦(Liverpool)。居民五千。今已達七十五萬。此種新增人口。代表變化的煤炭。設有一地遭災害。將其人口所出並恃以爲生之煤炭銷毀。居民勢必淪爲餓殍。

祇略矚人身之四圍。即可見近代文化基於煤炭。與其相類的產物。如煤油者。使用之廣。脫此種產物消滅。人皆可見鐵路停止。但欲表示吸收煤炭之多者。不屬鐵路機關車。則非用統計莫能明。鐵路在煤炭銷費全數之中。僅用百分之十八。而包括冶金之工業。則費百分之四十七。家用百分之十九。煤汽工廠百分之七。

當戰爭之時。煤炭與煤油之作用甚大。無之。吾人卽無鎗礮。無彈藥。而美國人亦不能逾重洋而參戰。

煤炭在現代中爲諸民族不可少之物。無煤炭之國。如義大利者。似不免淪爲多有煤炭之國。如英

國者之附庸。

購煤以供其工業需要之國。受售煤國之重大壓迫。夫人皆知之矣。

所以當司巴公會之時。英國利用其異常的輸出稅。以售於本國人四十先令一噸之煤。強使法國給價一百先令。賴有美國煤炭之競爭。始免其居奇之害。此事可證同盟一有經濟利益當前。即可無足輕重。

由煤炭之富饒。致使若干民族具有統御之作用。閱德國之工商史。亦可證之。德國自一八八零年以來。能大發展者。大致由其鑛產之大過剩有以成之。

出產煤炭愈多。製造愈進。製造一多。則應增加其輸出。並隨之創設新銷場。當一九一三年時。其輸出已達十三秭之鉅數。

由是處處不免與英國競爭相抵觸。德國希望將其打倒。乃建設一強大海軍。並預備終致爆烈之戰爭。由是觀之。德國之煤富。亦屬擾亂世界戰爭間接原因之一矣。

預卜諸民族之經濟的將來。使之進似。祇知其煤炭之出產可矣。美國每年採煤約六百兆噸。英國

三百兆噸（亦德國戰前所產之數）。法國四十兆噸。較其銷費尙不足二十兆噸。西班牙幾處世界工業之最下級。惟產四兆噸半而已。

余前此所述諸事。可以證明決定諸民族工業權勢之煤富。並決定其政治地位。一國必須購所需之煤於外國。而用重費運輸者。必不能爲廉價之製造。因之亦不能輸出。則應在需要動力不多之出產。如時計、技術品、時裝品等業上。集中其努力。尤應改良其生存必須之農業。

拉丁民族工業能力較劣。則當努力於農業與奢侈品之製造。此種需要。卽爲余前已說明其勢力之經濟定律之結果。

科學之新發明。將來或有一日發現別一動力之源。以代煤炭。余用十餘年實驗室之尋究。業已證明一種物質。例如一片銅質。乃爲一種大力之貯藏。此力余曾定名曰內原子力（見余所撰之物質進化一書）。吾人今日祇能取用其一極小部分。但將來若能容易分解物質。世界之面目卽變。一種動力無限之源。實言之。一種無限富源。既爲人類所設備。今日之政治問題與社會問題。將不重再提出矣。

願等待此種容或甚遠之實現。應與現代共存也。試將吾人所有僅存之煤。節省使用。並尋求補助吾人出產之方法。

關於煤炭之使用。須要進步之處尙多。蓋由其燃燒所發生之熱。有百分之九十已完全喪失也。

今日代替煤炭之方法極少。祇有煤油與瀑布可以相抵。

煤油代替煤炭。大有便益。蓋一公斤之煤油。供給一一六零零之熱度（加路里）。至若一公斤之煤炭。僅給萬度而已。英國諸新戰艦。今皆專用煤油以爲燃料。

煤油運輸之便。與使用之便。優於煤炭。故其使用日漸推廣。大戰之時。爲用甚大。有軍將數人曾言。賴有煤油。迅速運輸彈藥與軍隊。始能將費爾丹要塞保存。

前之所述。可以解說煤油在英國政策中之極大作用。其在東方作戰者。蓋爲奪取新油源也。今日英國占有歐亞非三洲。與墨西哥一部分之多數油礦。

但油源消耗甚速。現已有人預料完全涸盡之日。已不甚遠。美國已計算其地中之煤油。祇可供十八年之用。在在尋求煤油。即見英國當前。已曾斷言英國欲制止美國海上之發展。是亦一未來衝

突之恫喝也。

煤炭與煤油之代用品。尙有「白煤」。質言之。湖沼、急流、冰河、於重力影響之下。從高降下所供給之動力。

有若干統計家斷言吾人一切瀑布之使用。可發生二十兆噸煤炭之對量。是亦戰前每年不敷之數也。

吾人今日使用者僅有兩兆。如欲使用所餘之十八兆。耗費甚大。估其投資之利息。或超過購煤於外國之價值。

尙須附帶言及者。白煤在數州之中。有一種特別社會作用。白煤不能運送。惟能於其出產附近之地。用作發電之需。以細線導之。此電可以活動小發動機。其小巧較之燒煤之大機充塞場所者。不可同日語。所以出產白煤之地。小電汽發動機使用於家室極易。遂拋棄工場。返而爲家宅勞動。一種社會進化。由斯濫觴矣。

第三章 德國之經濟狀況

記得童稚不辨虛實不解難易之時。曾閱一野心青年潦倒之故事。此青年佗儻之極。致售其影於魔王。以易若干利益。其利益名單。今尙彷彿憶之。

後日思此故事。意味似極深長。其原撰人或不知之。不觀乎諸事變、諸人物、諸典則、諸帝國、亦皆有影。而爲其真正勢力之所寄歟。

此影支配歷史。曾在若干世紀中統治羅馬者。非其軍團。實爲羅馬可畏之影。其統治羅馬至於被更強之影推倒之日。所有諸大文化。亦皆受影之制馭。

今日諸影。咸與經濟需要之牆壁相抵觸。但其力仍巨。由德國經濟狀況之一瞥。可以知之。戰爭之未預料的結果之中。有德國之貨幣喪失一事。

余從未讀諸教授所撰大部的經濟學之書。余頗疑其所言之貨幣現象。有能與現在所見之現象共比較者也。

已往之貨幣危機。時常見之。國家破產。亦復不少。但此現象爲一時的。當落價貨幣已完全喪失其購買力之日。如法國革命末年之土地債券之例。即不流通。而以別一貨幣易之。諸特收息爲生之人。固因之而貧。但已貧收息之人。呼籲從未有人動於衷也。社會之新階級。取得其地位。社會仍繼續其進行。

今日事物之複雜。與曩昔不同。喪失其習用的貨幣之民族。如德國者。仍無礙於其生計。且見興盛。其他諸國。如美國者。雖見其金貨大有過剩。然其在商業中之被桎梏。至使人民之全階級瀕於窮苦。

此種外表極異之現象。若不混解。實際之富。與富之影。即易明瞭。立見金銀貨幣乃爲可用他種貨物替代之貨物。此意余言之屢矣。

吾人前此研究富之真源之時。已見金銀鐵毛棉等物。概可互相替代。若一國能以別一交易的貨幣。如煤或麥。以爲代替。雖失其金幣。固無礙也。

金銀貨幣之惟一優點。即因其在一切國家之中。爲可供交易之物。而非金幣之貨物。惟需要此貨

之民族始能受之。

有若干國家。因種種人已盡知無須再述之理由。創立一種由銀行鈔票構成之人爲的貨幣。既不能隨意兌現。僅僅代表無期償還之債券而已。此種貨幣之影。惟提供一種擔保之影。即債權人對於借款人之信用是已。此類信用。當然隨年代而減削。漸近於零。如吾人今日所見德國之例。至尙未抵於零者。蓋因鈔票之價值雖微。尙能代表一種希望之影耳。

所有前述種種貨幣真正性質之說。必須依據事實。始能影響人心。

顧此種事實明確。蓋其證明金貨充實之國。得極貧苦。而毫無貨幣之國。反極富裕。此意前已言之。積聚金貨如美國之例。證明金貨非爲真正財富。易詞言之。金貨須能流通。而成爲一種交易貨物者。始爲財富。

但因貧困之普遍。不少貨物已無購買之人。若兌換大長。使來自英美之物。價增三倍。而賣者亦難獲加價之利。則購者尤少。

美國人固能以其全數之金。購買外國貨物。但其積聚之金。不久必罄。人購其物者。既日見其稀。金

貨不能更新。不久必無金幣矣。

德國用其無限制的貨幣跌落。顯然將其一種可寶貴的交易方法拋棄。願其尚有他種交易方法。其一般狀況尙不失爲富裕。蓋其建築船舶工廠之多。從無逾於今日者。其未受戰爭損害之工廠。繁昌亦無有逾於今日者。其賤價製造之物品。充佈世界。德國海航重興甚速。行將超過吾人。一九二二年漢堡港之運輸。已高於戰前之運輸矣。

此種毫無可疑之興盛。一部分蓋爲確實違背經濟學者陳舊教訓的財政學理之結果。但其效力則在（一）富裕德國工業。（二）使之避免給付大部分戰事債務。

夫紙幣價值之跌落。即連帶其價值之完全喪失。此義一切經濟學者久已知之。特其所未知。而德國人所已覺者。此種貨幣價值跌落。雖使破產。但在一工業國家之中。得於一長久時間之內。構成一種虛富。而此虛富可以變爲絲毫不虛之實富也。

德國即賴有此發行無限紙幣之虛富。能在四年之間。建築鐵路工廠船舶。而購買其工業必需之原料。所有輸出之貨物。而其製造以紙幣給付工人者。售之外人。即可取得美國金元。或英國金鎊。

則其運用實以僅需印刷之紙張而易金銀。

此種人造運用當然不能持久。但當其運用之時。德國能使其航業工廠商務大為發展。

關於此種經濟狀況之議論極多。此處未便徧引。今祇附帶說明上述之說。亦屬近日視察德國諸人之見。布隆兌 (Bordet) 教授。即為特別研究此問題之一人。彼曾說明如何在正式破產的德國之外。有一經濟的德國之復興。

撰者在其研究之中。說明其化學工業、製糖工業、電氣工業等工業。分配紅利。超過百分之五十。又云。

然則德國人如何以其表面甚惡之兌換。取得其所缺之原料耶。製造品之元價既不甚高。故能在兌換漲高之國。於可操勝券的競爭之下。售其所製諸物。但不以其贏利兌歸德國。而投之於表面屬外人實為德人的企業之中。尤偏重於能助其取得所需原料之企業。此法可使其在賦稅方面。不守德國表決之新律。新律應徵稅之財產。大部分皆在外國。美國有德人十四兆。賴其援助。德國之德國人將其財產之一部分。為新世界之投資。地球上之諸要地。德人境遇極佳者。

嘗以千數計。德國政府亦自認監督其國人位置於安全處所的財產之無能。吾人在一九一八年時之大錯。卽不知立取抵當。立時監督工廠之製造。監督輸入輸出。德國人今示吾人庫空財盡。實已易馬克爲美國金元。英國金鎊。荷國弗洛林矣。

茲尙有可以附益前說者。德國現在經濟狀況之又一原因。卽在將法國北方之工業場所。用軍隊爲有組織的破壞。諸冶金廠。電氣廠。機械廠。諸鑛山之設備。一經德人奪取。卽消滅之。法國爲復興其一部份。已費八十秊之多。其破壞之巨可估計矣。

著名哲學家布特魯。曾在余之科學哲理叢書之中。撰有二書者也。余曾責其結論躊躇。據答云。事物大概並不包含結論。

其意猶言一種結論。代表一種極端。而事物之展舒。並不停止。確然斷言。常不可能。

則斷言前述諸章之時。尙未至也。民族繼續受諸影之指揮。於新勢力影響之下。始徐徐脫其羈束。而此新勢力者。殆爲社會之大整調器歟。

第四章 稅斂之心理成分

距今未遠之時。舊式心理學惟有理論之學說。毫無實用之興趣。諸政治家以舊慣遺傳之經驗爲指南。而其不足。屢屢見之。

戰爭與其後繼之諸事變。已將心理學位於諸有用科學之前列。苟不明操縱人類之感情。嗜好。試問其如何統治民族。指揮軍隊。抑一尋常工廠耶。

德人之敗。卽因其昧於心理學之若干根本規則。前已言之。一九一七年有一名將。知有這種規則。故能將延及數軍團並足以使戰爭失敗之革命運動打消。

美國人參戰之始。卽知應用心理學之功用。曾爲其軍官編一巨冊。所有在軍隊操縱中所能表現之事。若懲治暴動。興奮戰士已衰之毅力。鼓動威奮等等皆備焉。

吾國諸教授。對於心理學未常表示相等之尊重。政治學校課程雖多。無一研究及此者。卽因應用心理學書本之極稀。譯者購者頗不乏人。職是之故。二十五年前余所撰之一小冊子。

「民族進化之心理規則。」經外國語言翻譯者甚夥。譯者亦有政治名人。

此書雖舊。余仍引證其文。緣其包含若干常能應用之心理原則。不特可適用於人民之統治。與歷史之解說。且能適用於後文所述之日用技術問題。如賦稅設立之例。

本書未能將前書說明之一切原則概為轉錄。茲僅錄其數條而已。

具有長遠的歷史經過之民族。其心理性格之固定。如同其解剖性格。

其制度。其思想。其文學。與其藝術。皆本於此種性格。

其全部構成民族精神之心理的性格。視民族而異。各民族在相類情況之中。感覺、議論、與反動各殊。

制度、信仰、語言、與藝術之由此民族移轉於彼民族者。必受重大變化。下級民族中之個人。極其類似。至在高級民族之中。因文化之進步。其人日漸差別。由是觀之。文明未向平等方向進行。乃向日見其增之不平方向進行。平等為原始時代之共產主義。差別乃進步也。

民族在文化階梯上之平準線。大致由其所具之高等智慧之人數表現之。

此種根本定律。適用於政治生活與社會生活之一切成分。余敢一再言之。試取一具體之例以證之。如可以容納的所得稅設立之例是也。

無論何稅。皆足使人感覺不快。此意不待言而自明。設其與民族心理相衝突。即難實行。

若有有紀律守法令的民族之中。如英人德人之例。祇須各人陳報。而徵收人員之調查。亦可馴然執行。

至主張個人主義之民族。在其私人生活中。不願受任何檢查。惟願繳納依外貌（房租僕役之數等等）設定。而不包含調查私人生活之稅。

此種根本原則。今人完全不知。後此余別有說。

法國公債。當一九一四年度。為二十八秊。一九二二年度則增至三百二十八秊。而此時之稅收總數。不逾二十三秊。僅敷給付公債之利息而已。然則如何脫離此種境况耶。

法國歷來財政部長。皆已謀解決此不能解決之問題。夫既不能增加賦稅。乃試為增加稅收。

財政部長拉司泰利 (de Lasteyrie) 君。即為達此目的。曾據諸司處長之建議。在國會提出若干

苦惱辦法。苟其法實行。資本必將普遍遁避。

余欲以證明其提案危險無效之心理駁論。面告此部長。會延之赴週餐會。斯會乃由余與大司徒 (Duff) 教授所創。各界名人常蒞此討論其思想者也。

部長曾允赴餐。惜余有微恙。不能列席。會將余之駁論函致之。茲錄其中一段如左。

執事當然意欲增加所得稅之收入。第用一種極微的不可必得之增加。執事將以一種極苦惱極複雜之稅務調查。強迫激怒納稅諸人。而為制度樹立多敵。

一種根據外貌定立之所得稅。即其率較今為高。常較一種根據含有行政人員調查之私人陳報為善。

至少在多數場合中。不難預知應以何種係數。適用於財產之外形。如房租僕役等等。使所得稅毫無苦惱。而等於或優於現行之稅率。

所以余建議請執事為下述之調查。

任取各地納稅人百人之課額。檢定其現納之數若干。並調查其據其房租與其他外形應課之

稅若干。而止於一種等於或超於現在其所納之數。

此種成分既定。設立所得稅不難。既無須稅務檢查。而人皆無責難而容納矣。

部長復函云。「將以極沈重之注意。審查余之建議。」顯有下院社會黨之反抗當前。終惟採用一部份而已。

吾人之聚殮。既為一種討論之所。余已以前說付之評判。評判結果。不難表示余之建議無完全採用之僥倖。其理由有二。在心理方面為可憎。在政治方面為過激。

第一理由。則為社會黨之暴烈的敵對。

第二理由。雖不及前者。然較為激切。蓋一種稅類若依無庸討論的外形而自定。將使造作選舉。實際統治法國之委員會與知事。極端有效之活動方法。一概取消。社會黨所欲執行之稅務檢查。猶之一種不可抗的旋壓螺釘。對於其友。則大為寬鬆。對於其敵。則嚴為逼緊。

此種論斷之政治價值。未可非駁也。但吾人應勿忘者。政制之危亡。常因過遠民族心理的辦法之適用。此種心理。包含於指導人類的勢力之中。非制度與法律所能變也。

第五章 經濟學之根本原則

民族之命運。取決於心理勢力與社會須要。前者發生思想與信仰。而行爲屬之。後者確定人生之物質的約束。

經濟的與心理的大定律。既不可屈。違之者常受其害。

經濟學包含問題甚衆。如資本、勞動、所有權、貯蓄等等。徧述之。大致可成巨帙。

乃其撰述人受理論之統馭。而在理論之上之一致。又似不可能。分爲自由貿易派、保護貿易派、干涉派、等等派別。互相爭辯已久。從來未能使之互相歸依。

據吾人知識之現狀。並參以戰時教訓。竊以經濟學之根本原則。可節略如下文。

(一) 民族之財富。視其出產之強度。與此出產行銷之速率。

(二) 一種出品。須其賣價不逾外國競爭人之賣價。始能爲有益之輸出。由是製造之方法。勞動之分業。與企業資本之豐饒。在輸出上。具有強有力之作用。

(三) 在陸地與海上運輸中之活動。能單獨成爲一種富源。小國而無出產。如荷蘭者。昔日即因其運輸非彼所製之貨物而致富。

(四) 貨物惟能以別種貨物供給付。一國輸入大逾其輸出者。勢必依賴信貸。設輸入繼續超過其輸出。除非如戰前之法國。據有大宗證券。投資國外久已生息外。必致破產。

(五) 國家出產。質言之。代替私人企業之社會化與專利化。必有一種不變的結果。即使出產稀少。元價大增。心理學足以預測此種歷經試驗證明之現象也。

(六) 金幣除其本位之作用外。僅僅代表一種定量的貨物。可以之易取別種貨物。而此別種貨物於必要時。亦可用作貨幣。由是一種毫無金幣之民族。或得處於一種興盛狀況之中。

(七) 由鈔票構成之紙幣。惟須其在短期之中。可易金幣。或貨物。始可維持其價值。紙幣強制流通期限之久延。其購買力必迅然減少。

(八) 貨物之賣價。既由供求之關係自動定立。任何法律不能定其價值。定價之唯一可能的效果。則初使定價貨物稀少。繼使密賣之價超過定價。

(九)保護貿易與自由貿易。與一國工業活動之不同的時代相適應。活動力微之時。保護貿易耗費固多。固足使被保護的工業停滯。然亦不無裨益。

(十)工人寬裕不本於工資之提高。而本於此工資之購買力。在出產不敷消費的國家之中。每次工資之提高。即有消費物價提高之結果。而其比例較高於所增之工資。則在出產不足的民族之中。工人工資愈增。其寬裕愈減。

(十一)在一出產不敷需要的貧國之中。減少勞動時間之數。無異增加此國之貧困。而使生計愈昂。

(十二)若在大難影響之下。構成民族心理隄防之政治的宗教的與社會的信仰衰微。即為超過一切履行之可能的願望所代。

(十三)不知經濟須要之作用的民族。即為神祕的或感情的幻想所統馭。而此種幻想與實際無關。並為大亂之源。

此種單簡真理。或者不能教訓何人。但明言之。不得謂無益也。思想猶之任風飄揚之種子。亦得止

於硬巖而萌芽云。

第四篇 世界經濟之紛亂

二百四十一

第五篇 羣衆新勢權

第一章 羣衆新勢權上之神秘幻想

德迦爾特(Degertus 法國之哲學家兼科學家一五九六至一六五〇年人)在其「研究方法談話」一書之中。開篇會云「世界事物之分配最善者。莫若理性。緣各人各以其稟賦之多。卽在一切事物之上最難滿足者。亦無欲多於其現所具有者之習慣。」

此大哲學家又云。「此事證明判斷優良辨別真偽之勢力。是卽世人所稱之理性。一切人類所具有者。當然相等。」

除非視德迦爾特之說純屬諷刺外。似難解說如是之樂觀。蓋理性不特非分配最善之世物。實爲極稀之世物。

各人固稟有執行技術必須之理性。是卽世人所稱之職業理性。但一般理性則非。是爲在人生種種境遇之中表示原因之聯絡。並決定行爲之理性。

羣衆理性較個人理性更爲確實歟。世人雖皆有此成見。但不免此理性之更稀。其例可舉者。無慮萬千。若戰前之公會。亦屬其中之例。可以證明羣衆理性之稀。卽在英傑羣衆之中亦然也。

右一真理。雖經試驗之證明。顧神祕信仰在羣衆智慧中印刻之深。至在戰爭之時。一如議和之時。諸政治家皆求最難問題解決之法於羣衆。

羣衆未決一題。戰後所聚之十餘公會。祇能證明羣衆價值之微而已。

對於民族博愛與和平福利所發表之演說。已受熱烈的鼓掌之歡迎。第未見其發表一種有效辦法。

上述之種種無效公會。切勿以止於和約之公會包括在內。和約雖爲諸編訂人合作之事業。然在實際上。並非羣衆之作物。羣衆惟在其不詳其源的利益與幻想的原則之編訂中。潤飾以曖昧不明之語句而已。

其中包含之原則。且有互相矛盾者。威耳遜總統之原則。基於人道夢想。而用以創造人類之幸福者也。

至和約之真正創意人魯意佐治部長之原則。適與相反。其主要目的。乃在英國領土之擴張。不列顛霸權之建設。勿使過弱的德國之側。有一過強的法國之妨制方法之尋求。由後一事之注意。阻止德國之分解。致有礙平和之延長。

如是之例。可見公會之惟一實際作用。大致爲用人數之權力。補助強健的個人決定而已。則羣衆之用。惟在助長個人之勢。

余在他書詳說之事。茲處無暇贅言。學者欲其所撰之心理學書。不似舊式教育之空泛。祇須取戰爭開始以還經過之事研究之。提供於觀測者材料之豐富。從無有逾於此者矣。

此種未來撰述之一要章。若專述所謂羣衆判斷的優長上之幻想之固存。頗有益也。

所有政治家。尤以英國諸政治家。仍深信羣衆討論之有效。而用以解決個人不能解決之難題。雖使吾人幾遭敗績。仍篤信之。當戰爭四年之中。招集之公會與評議會。爲數無窮。而其結果徒費無

益之爭戰。迨至公會諸會員身臨懸崖之時。始暫時拋棄其對於羣衆智識權力之幻想。乃以個人指揮。代替羣衆指揮。遂轉敗爲勝。

相類之試驗。繼續見諸俄國者已有數年。指導俄國至於衰微之理想家。亦深信其所謂蘇維埃之羣衆。將變其國爲天堂。殊不知其已使之成爲地獄矣。

羣衆討論之一重要特徵。乃在重要問題概爲演說人所拋棄。此事業爲平和時多數公會所證明。而在華盛頓與洛桑二公會中尤爲顯著。

華盛頓公會中衆人所慮之問題。卽爲日本要求其國人居留美國權問題。乃未經一議。至在洛桑公會之中。列席之人無一人有一語涉及其思想中所充佈之真正專心積慮之問題者。尤以土耳其與英吉利之代表爲甚。

此義雖明。現代仍不免見羣衆意志之指導日甚。一有難題在前。諸當局卽任命委員會而解決之。不久委員會復又分爲若干分會。先將問題樹切粉碎。旋草成種種可爲相反之解釋之折衷之解決方法。

近代諸政治家將決定權放棄於羣衆者。乃服從今日指導社會之一種大傾向。

羣衆指導與個人指導。代表兩種相爭的原則。因其不能獨存。故彼此不能制勝。

近代進化。顯然漸向羣衆勞動方向進行。如工廠、鑛山、鐵路、軍隊、甚至外交、皆屬羣衆事業。但須受能力充足之人之指導。方可隆盛。

此種個人指導之必要。乃基於不可抗的心理原則。此種原則。余在他書已詳言之。茲處無暇備引。惟應知者。不論公會抑國家企業。或軍隊。祇須其在羣衆勢力之下。即不免於失敗。

此種心理學的概說。社會主義。激進主義。以及多數政黨。概未注意及之。惟有將來可以昭示之曰。人性爲長遠的經過之遺傳。不因吾人之願而變也。

第二章 基諾公會視若羣衆可能收效之例

吾人前已說明公會或其他一切相類的羣衆。概不能解決提出之問題。茲將說明其所得之結果。往往完全違背本來之所期。

此種現象。在和議開始以後。歐洲諸都會中所招集之多數公會之內。時常見之。大多數公會之創。意人。尤以基諾 (Genoa) 公會爲著。概爲主持英國國運之部長魯意佐治君。

基諾公會可以告人之目的。則在歐洲之經濟復興。與持久的平和之成立二事。

被招集諸國。對於此會未曾表示好感。諸國皆知英國之利。祇見輸出。祇知創設新銷場。用以重振其商業。但無人能知一種複雜類似昇天塔 (Tour de Babel) 之建造團體的羣衆。能發現諸專門能手所難尋之復興方法。

就事實言。聚會於基諾之代表所應解說之歐洲經濟紛亂原因。已甚明瞭。實無需乎重新說明。其情況可節略如下。

大戰以前。工業技術之進步。與運輸方法之便利。已使各民族於若干出品製造之中。具有專長。而恃此種出品之交易以自存。諸民族構成一種均勢尙佳的經濟總體。

今日不特此種均勢破裂。而積壓世界之怨恨疑猜的空氣。復使諸民族藉口保護本國工業。而設關稅藩籬以自保。其自保之切。致使不少國家出產過剩。幾乎不能售出。法國之鐵。乃其例已。

此事既明。諸代表祇能重將各人久知之事再述一次而已。公會能發現一種補救方法。抑能使各國兌換時價高低一錢歟。

基諾公會既不能解決諸大問題。且亦不能解決諸特別問題。俄國共產黨所攫取之俄國煤油鑛問題。卽其一例。

世人以爲發動基諾公會者。乃爲英國首重之煤油問題。特其對於俄國煤油勢權。未免張大其詞耳。戰前美國出產。已達三十九兆噸。俄國出產。僅僅超過九兆。附近諸國。若波蘭羅馬尼亞等國之出產。比較甚微。

每年世界所採煤油。雖逾一百兆噸。乃煤炭之出產。則有一千三百兆噸之巨。

此種液體。在不少用途之中。極其寶貴。則英國努力欲染指於世界之諸主要鑛源。亦屬易解。故其二十年來。已成爲世界煤油鑛脈之主人。惟將美除外而已。美國之偉大的美孚公司 (Standard Oil)。其預算超過不少國家之預算者也。今日英國敢與抗衡。其他公司。概屬英荷公司。今已聯合爲一企業大同盟。將荷蘭王家公司 (Royal Dutch)。墨西哥康公司 (Mexican Eagle)。希耳

Shell) 公司等公司包含在內。而逐漸隸屬於英國支配之下。

此種事實。固離本章標題甚遠。但應知之。用見一公會中隱伏的與宣布的目的之大有殊別。英國首相固於數日之間曾爲公會之主宰。但怨恨與相背的利益之軋轢。未久卽使其努力不能終乃依政治羣衆之常例。公會之指導權。遂由英國人之手。移於俄國共產黨之手。日耐維日報曾云。

當俄國共產黨踴躍經行歐陸。慄然畏見其受害人。惶然憂其所期之接待之時。始願未及此也。基諾公會之失敗。尤勝於前此諸會。蓋於此種羣衆習慣的無能之外。又輔以大能影響羣衆之神祕勢力。此爲本會創意人魯意佐治君從來不解其作用者也。余前曾言及英國因攻擊可畏的神祕勢力之回教。於數月之間。喪失埃及、波斯、米瑣波達米亞諸地。而現在又見其印度帝國之極大動搖。

此君又在基諾與別一神祕勢力相抵觸。此神祕勢力。卽其能影響信徒心理之新教。名共產主義者是已。

俄國代表爲取得其切需之資本計。必不惜放棄其不能取利之煤油鑛產。並簽名於一切契約之上。蓋對於非本教人之許諾。不足拘束信徒也。願欲其公然放棄其信仰之根本原理。而承認私人所有權。其事決不可能。此種放棄。必立爲其同教之人所否認。

英國人對於俄國共產黨之拒絕。亦易自慰。祇須一思俄人之最完全的退讓。亦不足挽救其所患之經濟危機。蓋在戰爭之前。英國與俄國之國外貿易。不及百分之三也。

魯意佐治君永遠信任羣衆之勢權。曾提出一種「不侵犯條約」。視其爲一種可以賄囑其同盟諸國之貨幣。而欲使列強代表簽名於上。今日余尙未解此草案原著人之思想何在。彼誠能臆想世界之中。有一樸實政治家。而信此類契約有效歟。此類契約從不妨礙一種強暴侵犯也。蓋侵犯者常得以其土地受飛機之彈擊。而以自解。一九一四年德國對吾人宣戰之藉詞。卽謂呂倫貝爾(Nuremberg)城已受飛機之彈擊也。

則俄人決不簽名於此約可知。故此猶太人爲威脅基諾公會諸代表起見。一手持刀。一手執猶太共產黨福音。指揮赤軍之掠殺。而在基諾傲然宣告。其軍隊行將侵入歐洲也。俄國代表深信畏懼

與脅迫之可能影響羣衆。乃將其演說不用矯飾而歸納入此雙關論法曰。「貨幣或侵入。」俄國共產黨徒倨傲拙劣。始免英國政治家之受恥。即魯意佐治本人亦望而卻步。此次公會一如以前諸會之結局。表示羣衆完全不能解決一種問題。尤以此羣衆代表不同利益者爲甚。

第二章 議會大羣衆

近代諸政府之巔。皆有一名稱國會之羣衆。其制固不成爲最良可能的政體。但大致爲唯一可能容納之政體。制勝的民主政治。常變遷於獨裁與多數統治之間。

國會具有羣衆之性格。亦有其動性。有其寡斷。有其暴烈。並服從此種影響羣衆常巨之神祕標語。現代國會之一特徵。爲極端黨如社會主義、共產主義、等等之發展。吾國之國會在此點上與其他歐洲國會無殊。亦有若干保守黨。與少數極端黨。如社會黨、革命黨、國際黨、等黨也。

顧此種極端黨。漸與視爲前進之舊黨如激進黨者。相結合。今昔皆然也。其政綱日漸趨入革命。其黨員某會節縮爲如下之標語曰。「沒收個人之財產。而奪其所執諸生產方法。使之社會化。」

至對於所得稅。同一議員又云。「稅之煩人愈甚。而愈專橫者。愈足供共產主義到達目的之用。」此種自白。表意甚明。夫破壞工商階級。即不免連帶破壞其他階級。社會黨知之甚審。而仍爲之者。卽用以達革命之目的。而臆以爲能收漁人之利耳。

此種新教傳道門徒。於其談吐中。放言革命。然其思想實不盡然。此輩未嘗制馭其語言。然有可畏之導師。能強之制馭其行動。其階級分別甚嚴。其容納深知使人服從的法國或莫斯科之首領抑委員會之政綱。維畏維敬。

此種新傳教門徒之出身不同。有若干人出於革命社會主義。因其以之爲一種大有後望之職業。但亦有若干人篤信其教之價值。此輩類皆神祕之徒。而其政治思想。常被有宗教信仰之形式。其視字句標語。有如魔力。並知若干專橫命令。卽可福佑此世。

觀其全體。似皆爲暴動之徒。其實柔順無倫。其羣衆心理。易爲領導人所操縱。其柔弱的個性。爲極強健的羣衆勢力所被覆。

革命社會黨人之能爲害者。乃因其使人感想之畏懼。怯者常消滅於強者之前。吾國諸大革命會

議之歷史。業已屢次證明此定律也。大革命時之山嶽黨。人數雖少於平原黨三倍。而能制服之。羅貝別爾 (Robespierre) 授首之前數小時。曾受送彼赴斷頭臺之諸同僚之歡迎擁戴。

社會黨漸漸吸收舊激進黨者。即因此種極單簡的心理原因。後者之信仰不定。故其勢甚弱。而其追隨社會黨人之後。亦如昔日平原黨之畏刀斧。追隨羅貝別爾。而仍不免於誅戮也。

數年以來。畏懼在吾國議會中之作用。日見其大。諸部長之舉動。不由其意思。而由他人壓迫違行之錯誤。至其個人意見。久已無存矣。

近代當局所常缺之者。非智慧。而為性格。應指導監督輿論者。乃反受其導引。其所奉之輿論。不外若干黨員或黑暗委員會取其表面的勢力於暴行之中者之意見。

社會黨人之無性格。固亦與其對方無殊。但服從專制的領導人之習慣。賦與彼等以一種紀律隊伍所常有之權力。

一種議會。無極良極慮之可言。惟視領導人之作為。所以一種廣續強壯的意志。可使易為羣衆之主人。

每個新議會之問題。即在知其會員浮動羣衆之中。能否有若干意志堅強能繼續努力。並能特別可能與幻想之人。

設有其人。懷疑的意見不久即團結於其四圍。自有人類以來。而在歷史之中。人類暴動爲時甚暫。其私願常在受統治也。

能明言其所欲之當局。即可迅然取得威望。威望者。權力延續之必要的基礎也。有之。則不難集合一種服從若干根本觀念之多數。凡議會皆有羣衆之易變的心理。並自然整列追隨於其明白指引路途的首領之後。

國會中應解決之諸大問題。惟須用堅結於一可能指導的政治家四圍之多數解決之。而非同一星期中時生時滅之偶然結合的多數。所能解決者也。

其他一切方法。即若訂立新憲法一法。皆屬辭費。英國自安尼（Anne 一六六五至一七一四年）王后以來。從未變更憲法。質言之。從無文字確定之憲法。

拉丁民族深信標語之神力。屢屢變更憲法。乃其變更更常無效果。制度毫無功能。要知改造心理者

非制度也。民族不能有一優於民族本身之政府。不定之政府。常常適應不定之人民。

拉丁人種最危險的錯誤。並不幸為最難免除的錯誤。即在深信社會可用法律改造。此種錯誤之普通。致予社會主義以主要勢力。

無論政客之野心與夢想何若。社會進行於政客之外。且日漸無需乎政客矣。學者、藝術家、工業家、農民等。總而言之。使國民躋於富強之人。惟求政治對於彼等不加桎梏。革命理想家絲毫未能建設。惟能破壞。社會常受其謬舉之害。上起古之希臘。下迄今日。因受其害而致衰亡之國。未可以數計也。

第四章 羣衆之向種種專制方式之進化

最後之比國鐵路罷工。與夫英法等國之相類運動。皆為民衆新願望之表徵。

其間有數種罷工。不因工資之爭執。而因工界之政治妄想。新式標語若礦山屬鐵工、鐵路屬路工、無產界之獨裁等語。皆明白表示無產界之新說。

今日諸民族與其政府。羣向獨裁新式進行。已甚明瞭。獨裁表面雖屬羣衆。實常屬個人。卽在最前進的社會黨。如俄國共產黨者。一種羣衆政府僅僅代表若干領導人之獨裁。

此種獨裁。羣衆終樂受之。蓋其在事實上從未解有其他政體。例如工會首領。咸若暴君。其受服從。與昔日亞洲之暴君無別。惟此近代暴君之臣僕。有爲主人之幻想。祇此幻想足矣。

由是觀之。今日工人之所欲者。不僅在工資之時常增高。而尤在所謂資本家社會之推倒。而以一種有利於己之獨裁代之。

工界且信接近一切國家之勞動者。可能成立一種宇宙平和。但其在夢想中。未能憶及平民政府之好戰。常較甚於君主政府。按據歷史教訓。常如是也。

乃工界之表面的國際主義。不免與各國中之國民主義之新發展相衝突。諸民族既爲其怨恨與其利益所隔離。所建之關稅與軍事藩籬。日見其高。吾人牆壁所勒之題辭。若博愛一語。固常見之。然其不存於心。爲時久矣。

民衆新願望之原因複雜。此處無暇遍述。今祇附帶聲明。因當局之完全無能。既不能阻止一種不

幸戰爭。復不能獲得一種避免新爭之平和。適足以增長其勢耳。

無論何種政府。須用由勝利產生之聲望。始能維持。聲望消滅。即亦隨之消滅。

聲望消滅之原因不同。戰敗即其一例。其覆滅立可見之。是即謝當 (Sedan) 敗後帝國傾覆之原因。亦戰敗以後俄國帝政與德國一切君政傾覆之原因。

如斯現象。尙屬自然。夫當局不能預防民族之受害者。民族自應反對之。其事亦頗易解。

反之。制勝的政府。祇須其勝利屬實。聲望立增。

吾人之勝利極實。其結果則未見佳。勝利的法國。較之未嘗破壞之德國。更爲貧困。未曾取得絲毫賠款。勢須自任修理損害。而其費用現已達八十秊矣。

明瞭情勢之德人。亦自認其國財政狀況較法國爲優。據德人巴爾孚司 (Barfuss) 云。

就財政方面言。吾人之狀況未見更惡。且優於戰勝諸國。諸國強課莫大賠款於吾人。但亦強課莫大武裝於自身。賠款之數有限。乃武裝之費無窮。此外吾人每年至少節省五十萬人。既不用之於軍營。而用之於工業。每年創造之新價值。至少當有金馬克二秊。

法國既爲美國捨棄於先。復爲英國捨棄於後。日見孤立。與其連帶的重新侵入之害。其對於諸舊協約國之情況。亦不見佳。英國著作家堪耐司 (Keynes) 非友視吾人者也。亦持如下之說云。

法國雖勝。其應給付於其協約諸國之賠款。較之一八七零年敗時給付於德國者。超過四倍之多。畢司馬克之掌。較之諸協約國之掌。尙爲輕也。

由是觀之。一般的不滿。不無理由。並足以協助工界之獨裁的願望。但須注意者。大聲要求之工界。絲毫未受戰後財政之窘苦。

其地位反極改良。乃舊日市民則大形衰落。姑舉若干數字。已足以資證明。

工人與僱夥之得資。超過戰前者四五倍。而自由職業之收入。所增高者。尙不及三分之一。有若干優等工人。若校印工人。每日工資且逾四十弗郎以上。

至若食利於公債商業或農業之人。其狀況已極不安。假定有某食利人。於勞心勞力之後。年齡已近六十之時。得有年金六千弗郎而退休。此處姑指生計寬裕者而言。其人盼來日之安全。乃以其

資本購取國家債券或鐵路債券。

其人繼續取利於此種所謂「安全」債券之中。顧紙幣已喪失其購買力三分之二。是無異其收入已失三分之二。則其六千弗郎之年金。在事實上已跌爲兩千弗郎矣。

工人不知有此減削也。一旦貨幣之購買力低減。其工資卽自動的提高。

前茲所述。離題較遠。蓋本章之標題。爲羣衆之向種種專制方式之進化也。

平民階級之進化。前已言之。茲惟說明擔負國民統治的政治階級之進化。

此種進化。先有諸舊政黨之完全解體。諸黨皆具表示萬物告終之朽廢狀態。

激進黨、統一社會黨、王黨、共產黨、與其他諸黨。皆操一種陳腐語言。不能重再影響人心。

舊日可以感人諸問題。而諸黨欲其復蘇者。處現時實際之前。已不足引起何人注意。例如反對教侶之鬭爭。醫院與學校之俗家化。宗教結社之驅逐。教會與國家之分離。等問題。今尙有注意者歟。其他民族之舊政黨。亦感有相類之退化。例如英國舊政策。今已漸成不可能。「光榮孤立」政策。統治海洋。支配東方之志願。今何在耶。

第觀念與神道不亡於一旦。當其就木之前。爭鬪之時尙久也。

職是之故。吾人今見一切國家之中。試欲挽回聲望之舊黨。將簇新思想重疊於其舊有主義之上。尤以極端黨爲甚。

當政黨討論之時。政府勢須動作也。各國首相因羣衆之遲緩無能。已漸成爲真正暴君。其他部長。昔日爲其同僚者。茲一變而爲執行主人命令之屬吏。

此種專制權力。發源於戰爭之時。其與昔日獨裁君制異者。惟有一點。古之獨裁君主。惟因革命而推翻。今之獨裁君主。則因表決而退位。例如魯意佐治。獨裁統治英國與歐洲。已有數年。迨至東方政策失敗之後。卽爲一種尋常表決所推倒是已。

今日以前。諸首相皆服從國會倒閣之表決。然有一種新變化。已在義大利開始表現。出身於國民結合主義的勝利之首相。輕視國會之表決。似今日內閣之推倒。將不若昨日之易。

民族利益交錯之甚。致使膨漲於國內之專制。對外反漸減削。關於共同利益之問題。不得不採用羣衆政府之芻形。若公會、委員會、國民協會等等。其數日見其多。而其成績未見頗有效也。

此種羣衆權力之最著名者。卽爲國民協會。後此將詳言之。其現在勢力極微。然若將來有一實權質言之。有一使人遵守其決定之方法。世界將有一種最上專制政府矣。

此意歐洲諸政治家未能知之。美國則見解極明。所以毅然拒絕加入國民協會。似以爲一大民族不能強迫服從一外國羣衆之決定也。

脅迫世界的種種專制之中。最難忍受者。當然爲制勝的社會主義。國家一旦受制於其下。必墮於一種絕望的貧苦之中。

俄國因之而衰。德匈受其害者已有數月。義大利之社會生活亦受其壓迫。賴有國民結合主義之暴烈的反抗運動。始免其禍。

法國賴有其構成居民之固定部份的農業階級。幸爲受社會主義實行之害最少之國。

法國農民已成真正財富之主要佔有人。弗郎雖喪失其購買力三分之二。抑或更甚。不能損其毫末。其農業出產。若麥、糖、牲畜等物。構成一種交易貨幣。而價值不減。並不受紙幣跌落之影響也。

農界當戰爭之時。已大增財富。惟求保存其既得的土地。農界不需何人。而人皆賴之。

當戰爭與平和之時。社會爲貪婪的野心家。與謬妄的幻想家。所擾亂之際。此農業階級仍不失爲社會之堤防。構成一種反抗加害歐洲已甚的民衆獨裁之中心。

第五章 對於國民協會之幻想

紀述使已亡民族受害的幻想之歷史。可成巨帙。紀述支配近代之幻想。爲帙尤巨。

世界受神祕幻想與其所產標語之影響。從無有逾於今日者。雖篤於信仰之十字軍時代。亦莫能及焉。

大戰有一要因。爲人所不能否認者。卽有一民族自信天意與其種族之優殊。命其統治宇宙。戰爭終了。和議成立。又見有其他爲害相等的幻想之發生。現正擾亂歐洲。並能引起破壞更劇之大戰。

近代科學隔離諸大陸。傳達思想如光之速。然其力不能消散迷惑人類之幻想。用作國民協會根據之幻想。卽其一也。

若一人之意思。連同諸民族之同意。可以成立常久建設。國民協會似不難確定存在。

蓋其創設人。爲一由時勢之關係賦有專制權力之元首。其計畫仍不失爲舊有之相類計畫。曾大受希望永久和平的國民之歡迎。世界諸國之中。惟有美國拒受由其國人獻於世界之贈品。歐洲已大爲驚異。然其信仰仍存。及至其抵觸試驗牆壁之日。始見動搖。

當國民協會建設之日。其根基似極堅固。乃今日失望之巨。無異從前屬望之殷。其在一切問題之上。莫不表現無能。

除關於上西烈西亞(Hauts-Silésie)劃界之決定外。其意見無一爲人所遵從者。

上西烈西亞事件。蓋爲例外事件。緣兩方事前咸承認其解決之方法。至若其他一切決定。皆爲在場之當事人所駁回。

第一爭議提交國民協會解決者。爲波里維亞(Bolivie)反對智利事件。

智利代表即不承認國民協會有此職權。並譏諷之。謂若其妄想改造地圖。則建以鞏固和平之機關。將必釀成宇宙之爭戰。同一代表且不承認國民協會有干涉美洲事件之權。

國民協會謙沖受此教訓。旋爲保存顏面計。乃任命一委員會。命之確定其職權。

波蘭人之態度亦明。關於分配維耳那 (Vilna) 土地一案。波蘭國會亦發爲優易之言曰。國民協會所採之解決方法。波蘭永遠不能給與同意。

國民協會欲使無人尊重之協定略具勢力。乃建議自賦設立經濟封鎖之權。用以制裁不用命之國。此種恫喝。頗無益也。蓋欲封鎖之能成。必須有代表的國家四十國難與同意之同意。強如拿破崙者。尙不能維持英國封鎖。何況其他。

義國代表謂此種封鎖方法。因尊重各國獨立之必要。礙難實行。其說頗有理由。除非國家放棄其獨立外。決無有服從一種外國最高政府決定之理。

國民協會之完全無能者。卽因其無法使人尊重其決定。所有宗教法典。或社會法典。皆依據於此種根本成分。曰賞罰。曰天堂地獄者之上。不容其有例外也。

國民協會之決定。代表一種無制裁之典章。則無實力矣。然則使其設備一種使人遵守其決定之軍隊歟。夫欲如是軍隊之有效。其數必多。則其費必重。加之假用軍人於一切國家。勢難團結。未見

其足畏也。

斷言無制裁之法典從不爲人所遵守。猶言無法典即無實力。

此項真理。略事研討之法學家。皆承認之。

比國大法學家皮迦爾(Edmont Picard)在其近撰之「法之常例」一書之中。對於此事言之甚詳。而謂「強制成分爲法之基礎。」又云。「實力不能創造法權之說。祇成爲不明法理之聲。」不論其力有形無形。惟須其力可以制裁。結果皆同也。昔日教皇格烈郭爾(Gregoire)七世(一〇七三至一〇八五年之教皇)能強使德國皇帝長跪呼籲於迦諾薩(Canosas)大教堂之門者。即因皇帝視此教皇處分天堂地獄諸力。教皇具有斯權。當然無敵於天下。

由是觀之。聲望得成一種優於諸有形力之無形力。若國民協會將於一種尙難預料之時代。取得一種充足的聲望。其勢力將不可侮。但在今日。實完全無之。

討論國民協會未來之作用。無濟於事也。今日民族間之怨恨過劇。隔離之利益亦極背馳。未見有一國際法庭可能息其爭端。

脫埃及土耳其印度等國勢強。能以兵力要求獨立。能以其決定阻之歟。決不能也。日本人口過剩。要求自由移居美國。能有法庭禁止歟。決無有也。

今日無有一人能信國民協會可以解決國際日增之難題。并消滅衝突之原因者也。國民協會之舊有辯護人。亦已迅然喪其信任。茲惟轉錄時報 (Le Temps) 之一段以證之。此報亦曾一時爲熱烈之皈依者也。

國民協會能妨礙或制止戰爭歟。試驗已予答復矣。

一九二零年時。俄國共產黨幾將瓦瓊維 (Varsovie) 城奪取。國民協會不敢干涉。

一九二一年時。希臘人向土耳其人作戰。國民協會未敢過問。

就事實言。國民協會曾試行調解維耳那事件。但李陶宛尼亞 (Lituanie) 政府毅然拒之。國民協會具有妨礙或制止流血之權力。如斯而已。

國民協會會員欲稍增其薄弱的聲望。並切信其職務之多能。而以王公之俸祿自昇。並給之於其庇蔭之人。據諾布勒邁爾 (Noblemairé) 君之報告。秘書年俸二十五萬佛郎。副秘書年俸二十

萬佛郎。處長年俸三十萬佛郎。內有極著名之社會黨一人。尋常屬員之工薪。可抵一法國大將軍之全俸。

此種受王公俸給之人員。視推薦之重量。來源不一。有中學之微末教員一人。有報界之尋常通信員一人。他可類推矣。

願以厚資自給者。不僅國民協會會員惟然也。今日法國與歐洲。已爲無數寄生委員所充塞。自清算存貨之吏。迄於監察賠款之官。莫不因王公巨俸而致富。例如維也那（Vienna）賠款委員會中人員。居於華麗宮殿。享以亞洲奢侈。他可知矣。

在德國亦然。據朝報之調查。賠款委員會中人員之俸給。自三萬至四十萬佛郎不等。

吾人紀述此種數字者。用以證明近代戰爭中敗者所處之難境。彼惟恃和平協會用以保障和平。防制侵入之理想家。可以鑑已。

其幻想帳幕之後。又有六十兆人口種族之積怨焉。一旦信法國爲內爭所衰弱之時。必起而報復。未來之戰。更較昔日不知憐憫。並足證明二千年前郭廬人布郎諾司（Brannan）「不幸屬於敗

者」之成語也。是爲統治萬物迄於吾人行星完全寒冷之日之一真理。

現在國民協會雖完全無能。然可留以平息始而無關緊要。後因自負心釀成大事之衝突。處此包圍歐洲之無定與恫喝的空氣之中。有一法庭能具有神道制度帝王日見喪失之權力與聲望。分量雖微。不能謂其無益也。

第六章 聲望之政治的作用

聲望在民族生活中之作用。前已言之。申言其理。不爲無益也。

經濟學者以爲戰爭已成無用。因其足使勝者敗者共破產也。但不應忘懷者。勝利爲民族興盛必要的聲望之母。

今日一如歷史之一切時代。人類皆爲聲望所統治。日本之昇爲大國。由與俄國之戰有以致之。昔德國之歐洲霸權移轉於英國。亦因戰爭有以致之。

洛桑公會與盧爾之佔領。構成聲望給予民族勢力之明證。茲二事在政治與心理兩方面。可以代

表和約以後最重大的事跡。

在法國一方面。雖有英國之毅然反抗。盧爾之佔領。可以表示一種日見其大的英國縛束之解除。與吾人聲望重振之開始。

在土耳其國一方面。皆基馬耳 (Kemal) 突然戰勝希臘人之前。正列強研求確定驅逐土耳其人於歐洲外之時。且不屑於接待其派使。

土國勝利之後。忽將態度根本變更。傲慢的英國外交部長。親赴洛桑。與土國代表共會議者三月。土國代表由戰勝取得之聲望。要求與譏諷併呈。強迫英國拋棄其一切要求。

法國已參加討論之列。不免感受協約國意見紛歧之結果。土耳其人利用此事。而提出在其敵人意見一致當前時所不敢提之要求。

盧爾之佔領。英國政府之想像爲之全亂。時英國尙信法國馴受英國意思之指揮也。

當其援助德國反對吾人之時。英國乃在服從勢力未可忽視的政治利益。敵人行動之可解。須在用其觀念努力思考之後。

然則試以議和開始以來英國外交家之心理。易吾人之心理。並尋究其政策之動因可也。

英國於攫取其可能取諸德國的諸物之後。若屬地、戰艦、商船、等等。皆據爲己有。必謀德國經濟復興。而以貨物售之。如同往昔。勢所必然也。所以阻止進向英國商人囊中之德國金錢。爲賠償法國被害諸州損失之用。

英國援助德人。除取得商業利益之外。並遵守其習用之政策。卽不欲德國過弱。法國同時過強也。此種英國政策之大略。經本書別部詳述者。可以使人了解其反抗之理。法國若未用一種單獨行動恢復其聲望。則將在歐洲一蹶而不復振。英國霸權由是在歐洲確定代替德國霸權矣。

不少明見的英國人。現亦承認英國政策之輕率。諾吞貝蘭 (Northumberland) 公爵。曾在講演中謂英國政府努力之目的。卽在「使德國避免其戰敗結果。魯易佐治且以與法國斷絕關係。與德國締結同盟。爲要挾。」

同一講演家之結論。繼續此種政策。「歐洲不久將有新戰。其事與明晨日之東升並確也。」聲望之主要作用。吾輩當局時常忘之。當其佔領盧爾之時。完全忘之。蓋應大張旗鼓。並以機關槍

共同警衛。莊嚴佔領也。

不幸派遣隊司令全忘聲望起源之若干根本成分。其尤甚者。聲望之服人。惟在運用之初。頗難收效於其後。

法國派遣隊即昧於斯理。當用軍式的佔領。而乃爲怯懦的進入。惟恐苦惱一人。

德國人從來不爲此種心理錯誤。據其適用於吾人被侵諸州屢見之辦法。凡有破壞。或使火車出軌者。即行槍斃。榜樣極少。收效已足。

吾人不明心理。則有普遍暴動之結果。旨哉德國前首相米萊爾(Hermann Müller)之言曰。盧爾民氣之能鎮壓。惟須民衆共感抵抗爲事實之不可能。

不知何故吾輩當局疏忽羣衆心理極單簡之原則。而不知稍用毅力。使居民了解一切抵抗之不可能。

諸民族主人在事實上常用以統治者。非實力。而爲聲望。此種統治術之根本規則。不能有其變例。羣衆不能預感未來之事變。亦不能了解現在之實際。聲望將永爲支配羣衆之大成分。具有聲望

之政治家。知感格羣衆意見。由是以多數之勢力。輔助個人之決斷。今日之統治術。大致在此運用之中。

就事實言。自戰爭開始以來。歐洲即爲具有聲望之少數專制首領所統治。惟於賦與其個人決斷以必要勢力時。始乃利用羣衆。

威爾遜總統之作用。卽如是也。既視其人爲補助完結戰爭的民族之代表。其無限的聲望。使之擾亂一切歷史建設。並改造歐洲最舊之君主國。爲無可能的經濟生活之諸小邦。

英國首相魯易佐治。於數年之間。能在歐洲執行一種真正獨裁者。亦賴聲望有以致之。此君藉其聲望。於和約編訂之時。阻止法國重取其安全必須之萊茵(Rhine)舊界。又藉此同一聲望。後來援助德國。拒絕給付所負法國之賠款。

議會既受制服。此種無監督之權力。得以釀成禍亂。觀後此所述威爾遜總統之舉動。可以知之。又觀前此所述英國首相不明若干心理勢力。致失愛爾蘭、波斯、埃及、米鎮波塔米亞諸地。與東方之勢權。亦可鑑已。

夫決定行爲動因之關鍵。固尙包含不少未探索之處。但吾人之知識尙廣。可能利用也。政治家所不應忘者。民族之物質生活。固受經濟定律之制限。而其意見與行爲。則爲心理定律所管領云。

第六篇 民族心理之改造

第一章 美國人之教育觀念

當一九零五年五月二十七日俄羅斯帝國大艦隊於數小時之間在對島爲日本裝甲艦破滅之時。世人驟然驚愕。徵末日本爲世人所識不及五十年者。忽然出人意想之外。一躍而成爲一大強國。當俄日戰爭之時。無論何戰。俄軍人數皆多於日軍。乃屢戰屢北。余曾以此種優勢之原因。詢之日本駐在巴黎大使本野君。據答云。

日本現在之發展。大致本於脫離封建革新之時所知選擇之教育。此種選擇最精之教育。宗旨有定。務使之能發揮吾輩祖先遺傳之性格。

同一時代。不滿五十年間。德國亦在科學與工業方面。位置於諸民族之上。此種優勢之所以能取

得者。亦賴其與吾人大不相同的教授方法。並據其部長某氏之言。兼賴其軍制所培植之秩序與紀律。

前此諸章。業已說明戰爭之擾亂民族生活已至何種程度。

此亂在在見之。若政治紛亂。經濟紛亂。財政紛亂。思想紛亂是已。

已破壞之世界。勢須重加建設。然重建之方法不多。

依賴政治制設。完全適成幻想。此種制設。特爲結果。而非原因。祇能隨順民族之心理狀態。而不能佔先也。

可能變更民族心理之勢力。其尤要者。變更思想未定的青年之心理。除宗教勢力惟在信仰時代爲可能外。概括約有兩種。曰教育。曰軍制。

余在別一撰述中撰有下一題詞。久於茲矣。其詞曰。「民族選擇一種教育制度。更較重於選擇政府。」

教育錯誤爲害甚大。

營工業尙未產生。經濟學之勢力尙未出現。人類自出生以來生涯已定。而教育僅爲不重要的奢侈品之時。其勢不重。

今也則不然。個人之價值。大部份懸於所受之教育。則余在本書重述。已在他書詳述之問題。亦無足異矣。

羅斯福 (Theodore Roosevelt) 美國之一著名總統也。余頗惜其已死。

余不僅惜其爲法國之一良友。且曾盼其援助。而爲吾國謀教育之改革。

吾輩神交已久。此大政治家早已識余於余之撰述之中。大戰前二月。方獲把握。時在余友前外交部長阿諾脫 (Hanotaux) 之宴會中。席上所宴諸賓。皆經羅斯福君指定。

羅斯福君在席上剖釋縱橫。意味深遠。論理正確。言必中的。

及暢談觀念在民族諸大領導人方向中之作用以後。彼注目於余沈重言曰。「有一小冊子。從未與余相離。旅行之時。輒在手中。總統任內。常在案上。此書卽君所撰之民族進化之心理定律是已。」

此君詳述此書之內容。種種教訓者久之。

余聆此語。愉快可知。不圖一尋常哲學家之意見。傳布如是之遠。夫思想家固爲鼓勵行爲者之人。然後者承認前者之影響者極少。

當時余有一種計劃。羅斯福君已允贊助。但因其死。事遂中輟。至余在本章中言及者。冀其同國之人。負有重望者。見此提倡其實行耳。

吾人舊式教育制度之惡劣。指摘之文。不知其數。其爲時亦久於茲矣。

一切改革之嘗試。皆已完全失敗。教授方法。乃與曩昔無殊。全恃書本。專尙記憶。所以譚 (Taine) 氏謂如是取得之知識。考試之後六月卽忘。

吾人之古制。在需要法律家演說家之時代。可以敷用。而在現代進化的社會之中。則有害而無益。今日世界諸國保存此制者。惟吾人與西班牙人俄羅斯人而已。

吾人自變吾人之教授方法。似不可能。緣一切改革之嘗試。皆已失敗也。

其理乃在無一人知應改革者。爲教授方法。而非教授課程。要知任何教授課程皆善。惟視所用之

方法辨其價值耳。

閱吾輩大學諸教授之宣言。不能了解之原因顯而易見。其指摘教育之劣。意皆一致。然觀其見解。足證明其從未了解真正原因。

任在何級教育之中。不解之心理皆同。

諸教授一致承認者。惟在吾人教授方法之可惜。余所撰之教育心理一書。今已刊行二十七版。俄國科學研究院院長昔曾譯之以供俄國教育之指南。其中一部份專載調查委員會所徵集學校人員之批評。其間贊成吾人舊式教育者幾無一人。

吾人不能自變教授方法。更有新證。茲不妨引證前書所述之一事以資借鑑。

當前書刊行之後。著名學者拉別 (Léon Labbé) 君即來過訪。曾語余云。

余既爲上院議員。科學研究院員。醫學研究院員。大學教授。據有講座不少。可以發揮吾說。竊以吾人教育改革。非常緊急。君能供給余將在上院演說之材料歟。

余立將材料搜集。此著名學者過訪數次。但於諮詢諸教授。經其告以一切改革之不可能以後。乃

悵然承認欲變更吾人之教育制度。勢必預先變更教授之心理。復次變更家屬之心理。終須變更學生之心理。其事之難。雖古代神話中之力士亦恐望而卻步。

軍事之戰。大致終了。經濟之戰。勢必繼之。

戰前超過吾人的民族之勝利。大致歸功於一種與吾人完全不同的教育方法。

此種差別。尤以美國爲顯。若美國人行政糾紛之輕視。若決斷與執行之迅速。若設計。若方法。總而言之。戰時在法國服務中所表現之一切品性。皆爲其教育之功。

美國教育尤重於創造心理習慣。若其思考、其觀察、其判斷、與其決心、可能發展。不問其所學也。

當吾人之舊式教育惟重於教示。而未見成效之時。美國教育則偏重薰陶。若心理薰陶。性格薰陶。是已。

吾人教育之根據。在記憶書本。美國教育家早已發明記憶之所獲。僅敷考試必須時間之用。

職是之故。美國課室大致已將書本排除。而以現象之試驗的研究代之。

此種教育方法。比國畢斯 (Byss) 教授所撰之書言之已詳。可以參考也。

法國某著名學者云。用「如斯方法薰陶之民族。將成優於吾人之人類。」茲引畢斯撰述之一節如下。

美國教育中皆用試驗。極抽象之學科。亦以有形的具體的形式表示之。若欲領解。須手腕之靈敏。與思想之活潑并重。

吾人根據詞句記憶上之被動方法。美國人則對以利用努力決心伶俐之自動的與薰陶的方法。

美國人以爲歐洲學校不解重性人性。

吾人既不能謀改革於久將人心模爲化石之學校教授。其事業已屢經證明。勢須尋求他種改革方法也。欲在行將開始之經濟鬭爭中不受劣敗。尋求已成必要。

思慮久之。余以爲唯一可能變更吾輩教育制度之方法。惟在法國創設美國大學一所。純用美國教授指導。

將來獲得之成績。立可證明其教育方法之價值。而其榜樣之濡染。漸可強使吾輩學校之自變。

余與羅斯福君所商之計劃如此。羅斯福意以爲戰後或有若干美國青年留居法國。以供此美國大學之需。

此大政治家於容納此提案之後。曾詢余進行之方法。不幸其作古。遂使提案未能實行。今之實驗室設備最善者。常空無所有。報界曾爲之提倡贖金。竊以爲設立一美國式的學校之贖金。更有無窮之利。

第二章 法國之教育改革與德國大學

二十年前國會教育委員會委員長黎博 (Ribo) 君審查大學教育之結果。發表如下之判詞曰。吾人之教育制度。在一定限度中。負法國社會苦痛之責任。

雖有此種莊重的宣言。學校教育方法絲毫未變。自高級中學考試。迄於大學教員檢定試驗。應試者所應記誦之書本。日見其重。國家設置之大實驗室。日見其空。極少的獨立不羈之學者。日見其寡。官派的教育獨爲導師。且不自知遺害於國家之將來。

軍隊在戰時所表示之美德。大學或將以功歸教育。殊不知表示此種美德之極大多數人。不分軍官軍人。皆養成於大學勢力之外。

五十年來。教育部長屢試改革大學教育。每次嘗試。輒徒勞無功。其勢無異西西夫 (Cyclops) 故事中人。爲神所罰。命其負石登山而石常墮也。

最近有一新教育部長。承認吾國教育之劣。亦同前人。又提出一種改革方案。其意象則在加增希臘文與拉丁文課程。以其具有一種神祕效力。其與此君共有此類信仰者。頗不乏人。

提出此種新改革案之人。以爲教育之目的。應在精神之養成。其理甚是。前任諸人皆已言之。設能養成。任何教課皆可。雖梵文亦可用也。

一國在文化階級上所佔之地位。視其英傑之水平線。此種英傑之價值。大致以教育所知培養的。獨立不羈學者之品性度量之。

其任務極其明瞭也。夫教授之職務。固在教示業已實行之科學。但使科學完善之職責。則屬之獨

立不羈之學者。

此類學者勢力之奇偉。未可否認也。物理學之一切重要根本定律。如阿母 (Ohm) 定律、迦爾諾 (Carnot) 原則、力之保存等等。皆歸功於此等所有發明之變更文化面目者。若汽機、鐵路、照像、電報、電話、冷藏工業等等。幾盡屬之。

德國美國之強盛。即在知養成無數獨立不羈之學者。茲二國之工業進化與經濟進化。皆代表彼等之事業。

法國誤解的德國大學之優長。不因課程之差別。課程處處皆同也。而因心理的原因。就中教授之徵募。爲其一事。

法國爲教授者。須經過若干需要不少記憶之試驗。而無需何種個人尋究。吾人費長久之歲月。以觀察現象之時間。而爲熟記大部書本與注視方程式之用。乃同一時間之在德國。則由預備教員以供個人在實驗室中爲個人研求之用。復次教授得以自由。未來之教授。開授一種教課。由學生給費。一如其他教課。設學生獲益。師長之名以傳。終必被任爲德國二十五大學中之一官立講座。

教授。則有正式俸給矣。但其報酬之大部份。仍爲學生所供給。在比國亦復如是。余聞烈日大學物理學舊教授衛 (Heen) 君云。彼每年授課所獲不下六萬佛郎。

由是觀之。德國間接選擇教授者。實爲學生正式講座教授之大部份收入。既然出之學生。當然注重其學業。設教者不稱其識。學生即散。

德國大學教育方法之目的。乃在引起研究探討之興味。吾人之方法。則使人厭惡。其困苦獲得之書本科學。一旦領有取得位置必需之證書。教授即不再能有所發表。吾人諸大實驗室中常空。則無須乎增設矣。

英國美國德國之獨立教授。大見鼓勵。而在法國。則待遇極惡。其數日減。僅存者行將絕跡矣。學者既已補助德國創設經濟勢權。將來必能促其復興。此新德國利用過去之教訓。將必危險可畏。

前之所述。甚願敵視國家興隆必需的獨立學者之大學人員。一熟思之。願欲破除若干大學教授之幻想。勢所難能。惟所望者。尚未受大學之沈重的印刻之人。一思此語

而已。吾人之將來。懸於現在發育之人之教育。性格教育與智識教育皆當并重。常應申言之。吾輩大學之教授方法。不惟不能啓發智識。尤且不能養成性格。乃人類受性格之指導。尤勝於智識也。

至吾人之大學。不注重於性格之養成者。因此種養成不能在爲教育主要目的之考試中檢定之。則其多數學子未能取得性格。置身社會而不得其解。因之亦不得其用者。又何足重輕焉。

各民族特有之心理能力。代表祖先之遺傳。不能使之大受感化。但尙有若干可能感化。或至少可能指導此種個性根本成分之方法。

此種感化之可能。業由五十年來德意志與日本之進化證明之。賴有此種方法。種族複雜之德國。竟成爲世界之頭等工業國家。昔日毫無勢力聲望之日本小島。竟成強大帝國。

吾人之將來。不僅懸於工人之技術能力。尤重指揮工人的英傑之能力。願在戰時。此種英傑漸漸落在其外國競爭人之後。

其能力不充足之原因。在吾人活動之種種部份中皆同。

試取戰時經濟發展會所刊行關於吾人重要工業之書六十册一省覽之。不難證已。余曾在前一著作中（新時代之心理）節述其意。據諸書撰者之調查。根據統計。表示種種企業皆已瀕於衰微。無一書中言及首領智識之不足。惟逐頁皆言因在一切職業中所見性格缺乏所致之心理的無能。

吾人之大學制度。應當消除此種缺點。但在實際上從未一試。

現在吾人之大學。用其書本製造無數領有卒業證書之人。仍然不能養成英傑。純粹出身考試之主幹人員。常為極劣之英傑也。

余行將說明性格教育。並證明為德國勢力之紀律秩序方法。如何由其軍隊培植。英國與美國雖無此種軍隊。而以屋外運動代之。因其包含之品性。與本於軍制者同也。

雖然。反覆申言。殆未見其有益。吾人之大學教育。已臻無可救藥之衰老絕境。夫不知進化之制度。終歸於淪滅也。

第三章 學校之精神教育

本書讀者或有不知印度皇帝阿克巴爾（Akbar 一五四二至一六〇五年人）歷史之人。是爲蒙古王朝最雄武之君主。在位五十年。曾於印度營建不可思議的城市。與夢中懷想的宮殿者也。阿克巴爾不特爲大營建家。兼爲識鑑明敏的哲學家。其視宗教如同種種神祕之化身。擬將其融合爲一。曾爲此事集神學家數人議之。

其嘗試未能有成也。會議之人。惟知惡言相詆。奮拳相毆。

阿克巴爾始疑信仰與理信無涉。遂放棄其計畫。而對於帝國中之種種信仰。絕對寬容。其臣民得崇拜任何神道。抑不崇拜。任其自由。家長有權延佛教徒、婆羅門教徒、回教徒、或基督教徒、教育其子弟。

閱年甚久。歐洲諸國方知模擬。既在長久的宗教鬭爭之中。屠殺虐待之後。始亦了解強權不能反對信仰。今日諸文明種族。幾盡寬容宗教。惟有法國與土耳其國。久爲例外耳。

反對教侶主義。構成激進政策之要綱。爲時已久。其主要目的。則以耗費數百兆巨款之官立學校。代替需費無多之私立學校。

此種代替。雖未經宇宙任何文明種族所做法。然吾人之當局。頗自豪也。蓋事業之高貴。有重於保衛兒童使不受野蠻時代之迷信歟。此種事業。不本於極正確的科學原則歟。

世人信之已久。所以心理不定而視虐待爲必要者。頗不乏人。政客固無聲望。顧其所言者既本科學。祇能順受也。

乃至今日。攪奪法國垂三十年的思想之誤。因哲學心理學與其他科學之深究。遂以彰然大明。對於宗教的新思想之進化。吾固不能以數語概之。然得指示其要點也。

心理學首焉證明信仰不發源於恐懼惟適應精神之不可免的需要而已。

不論信仰爲宗教的。政治的。抑社會的。皆受同一論理之支配。卽與理信論理毫不相涉之神祕論理是已。

不少革命家在實際上仍爲信徒。特變更神道之名耳。若社會黨、若祕密黨、若共產黨、若偶像或用

以改善人類的標語之崇拜人。其感溺之深。乃由鼓動新信仰之諸傳道門徒的神秘心理之過度的發展。有以致之。

右說僅據本問題之理論目標而言。至其實用目標。已由一種新哲學供給之。即今日美國諸大學中風行一時之實用主義是也。

其說以爲時常可見的功利說。應列於不可接近的真理說之前。若依觀測之證明。信仰加增個人勢力。並使之超乎自己之上。則在教育中拋棄此種活動方法。可謂誕妄不經。

心理學者即爲自由思想家。亦承認信仰所賦人類之勢力。謂余不信。請引巴黎大學某教授之說以明之。此君不犯教侶主義之嫌疑。與余同也。據云。

宗教生活。假擬有使個人自超於本己之上的勢力之作用。信仰者較之無信仰者爲多能。此種勢力並非虛幻。其使人類生存者以此。

茲用別一途徑。亦可證明學校宗教課程之功用。著名數學家潘迦烈(Henri Poincaré)爲余主刊之叢書所撰之「科學與假定」一書。已證明一切科學。並連同數學在內。皆不能離去假定而

自存。例如光之波及與振動受信器的電波之波及。若無「以太」(Ether)假定。卽不可解。至此以太之本性。無人知之。世人不知其強度。爲無限大的。抑爲無限小的。且不能確知其存在與否。乃科學不能不有此以太也。若科學不恃假定以爲嚮導。勢必率偶然以爲導師。

宗教假定與科學假定可以比擬。後者既不可無。前者亦不可缺。吾人之一切知識。概憑藉於科學假定之上。吾人之一切文化。概建設於宗教假定之上。

由是觀之。今日無一理由。不論理由爲科學的、哲學的、抑實用的。皆不足以爲排斥宗教教育之辯解。

此種教育。不特不能爲害。且極有益。賴有此種薰陶。極易創造不自覺的習慣於兒童之中。當其後日喪失信仰之時。此種習慣猶可繼續存在。

然則應強使學校教師教授其不自信之假定如同真理歟。非然也。

教師告其學子。謂一切民族皆有其與其感情及需要相合之宗教。而法律風俗文化皆建設於此宗教之上。教師雖爲最懷疑的自由思想家。亦未見有如何妨礙其確信之點。復告學子。謂一切教

理。規定社會生活必需之禮義科條。然後簡單對學子說明其父祖之宗教。并附帶言及其價值。非在童年所能討論者。

前此主張之價值。余不信近代學者有能非難者也。惟惑溺神秘。畏懼羣衆。毫無判斷自由之立法者。或能非之。

此種近代傳道門徒（謂立法者）。未可謂其毫無哲理也。但其粗淺的哲理。即賴某著名小說家所傳。名何適（Homais）者之哲理。此心理單簡之人。君臨國會。爲時甚久。將慈悲看護病人。俾其臨危尙不絕望之修道女士。驅逐於醫院之外。卽其人也。將授與數十萬兒童的教侶學校。並創設一種無比的農業教育與職業教育之數千教員。逐之國外。亦其人也。

本章所述之心理概念。一旦爲人所熟解。卽可知排斥宗教。非徒有損。且有害也。將來輿論必有聲討其有害的傳道門徒之一日。未來之歷史家。既不爲現代之狂熱所惑。將不難說明排斥宗教價值之巨。與何種寶貴的教育成分。經其剝奪也。

第四章 軍隊之創造精神習慣

諸國元首莫不演說減縮武裝。但不免同時加增其軍事預算。蓋知平和之僥倖。存於軍隊勢力之中。處今欲謀久存。勢必大修武備也。

此種武裝。在財政方面爲不幸。蓋其強使半破產的民族愈貧也。但今日德國之榜樣。可以表示戰敗之代價。

軍隊代表一種不常用之器物。則維持耗費的師徒。負累尤形其重。

由是世人提出下一問題曰。此重價之器物。能否於戰爭之外。爲謀其他用途乎。此間不難答覆也。軍事教育除其戰爭目的外。尙得大有裨於民族。

著名化學家阿斯特瓦耳德 (Ostwald)。曾言德國據有工業優勢者。因其獨具組織之秘密。

此種優勢。卽阿斯特瓦耳德亦不自解其起源。本於取諸大學之智慧品性者寡。本於若干性格品性者多。如秩序、紀律、精確、連帶責任、義務知覺等等。皆非大學所授。

部長赫耳非利 (Helfrich) 之見解尤確。以爲其國人之優長。蓋因青年強迫服役於軍隊之所致。世界科學與工業新變化必需之性格。皆由此取得。

昔無軍隊之美國人。工業亦能大盛者。亦由其秩序、紀律、精確、連帶責任等品性。有以致之。此種品性皆於屋外運動得之。與英人同。運動時嚴守紀律。與在軍營無異。

然則軍隊如何培植此種品性歟。吾人在此處即見有一極大倫理問題當前。此問題得謂其已爲諸哲學家之難關。

此問題雖爲康德 (Kant) 諸人所未解。其實尙屬簡單。

據此著名哲學家之說。無制裁。質言之。無賞罰。即無倫理之可能。此世罪不常罰。善不常賞。康德遂推想有一來生。與一主持賞罰的上帝之必要。

洵如康德之說。無制裁之倫理。決不可能也。

此說在吾人之教育中已成故典。惟著名哲學家白爾松 (Berenson) 與余不取斯說。白爾松不取之理由。與余在他書所主張者各殊。可以節述如下。

康德一如純理派之諸哲學家。以爲人類在生活中。受智慧之領導。乃在實際上。大致爲感情所指揮。而其性格又本於感情也。

就事實言。使人尊重倫理義務者。不在盼賞而畏罰。此種尊重。惟在成爲習慣後始可有之。至是人類始馴然服從若干行爲規則。倫理之構成。卽在斯時。

諸教授之純粹理性的倫理。每事必須一種智識的討論。則祇成爲一種可憫的倫理也。缺乏其他行爲規則之人。能取信於人者鮮矣。

康德之錯誤。蓋因不明薰陶適當的不自覺之勢力。不知其勢之強。可以代替現在或未來之制裁爲必要。

然則如何創造此種確爲行爲嚮導之不自覺的倫理歟。易詞言之。如何將社會無此卽亂之倫理規則之遵守。變成習慣歟。

惟有一法。可以取得此種成績。

此種行爲。初爲一種苦痛。欲使學子實踐。必用強制。實言之。必用嚴峻的紀律。

如斯紀律。在家庭與學校之中極難有之。有不少人。惟以其所屬社會團體之倫理爲其倫理。此種嚴峻紀律。但以爲創造不自覺的品行所必需者。不難於軍隊中取得之。因其具有不能抵抗的強制方法也。第其痛苦。惟在開始時感覺有之。蓋強制的。外間紀律。不久卽爲構成習慣的內裏紀律所代。

如此養成之人。有類乘自行車而通行畏途者。其始極難。

取得內裏紀律之民族。養成一種堅定的倫理。僅恃此事已足高出未具倫理之民族萬萬。

用軍紀創造精神習慣。實本於「接近聯想」之極確實的心理原則。此原則可以說明如下。

若感觸同時發生。抑緊接發生。祇須一種感觸在心。卽可喚起其他感觸。

接近聯想。爲創造習慣所必要。此種習慣一旦成立。卽可無需聯想。

夫欲不自覺的教育之勢力易解。並證其如何能在自覺離解之後。尙能存在。惟舉莫狄威（

Maud'huy）將軍所見之一事可矣。

將軍昔爲營長之時。值班准尉張皇報告。有醉兵在室中酗酒鬧事。見物卽擊。見人卽以刺刀相向。

應如何禁阻耶。

在理論上似極單簡。命數人拘之。已足了事矣。顧又不免有人犯冒死傷。心理學不曾供給一較爲敏捷之方法歟。

未來之將軍。當即覺得此項方法。立時憶及不自覺的教育。長存於自覺的我錯亂之後。乃逕赴醉人之室。開門大聲發其號令曰。

立正

負槍

放下

少息

號令立見執行。拘之甚易。此兵之自覺心雖因酒醉而錯亂。然其不自覺的習慣。尙未受侵害也。接近聯想原則。極其豐富。茲亦無暇遍引其例。惟須知者。此原則可用爲種種教育之基礎。最巧的訓練動物之人。亦惟知有此原則而已。同一原則。包含解決表面似難解決的問題之方法。例如阻止閉置瓶中之竹籤魚。餓食他魚之事。其一證已。此種試驗。世人知之甚審。勿庸細述也。

用聯想方法創造精神習慣。賴有下一心理定律之適用。更爲便利。卽微弱感觸次數雖多。不及次數少而極強之感觸一例是已。

昔日余曾用此原則。馴練劣馬。懲戒不守紀律之罰甚嚴。懲罰之數可少。衣吞 (Eton) 中學。英國上級貴族肄習之所也。學生有僞言者。校長當衆鞭之。亦同此理。此罰固足辱人。然其效甚著。青年畏懼僞言之甚。致執行懲罰之需要極稀。余敢不憚申言。軍紀優於學校家庭之紀律無限。軍紀無人敢抗。乃學校或家庭之紀律。祇有無勢力之譴責。無威望之講演而已。

軍事或倫理習慣之創造。須經若干時間。其期限常見討論。且有人主張將軍役減為數月者。

各國皆見有此問題。比王阿耳拜爾 (Albert) 對於此事已表示其心理知識之充足。茲記其與余之談話如下。

比王欲將軍役延長十月至十四月。曾云。「減縮軍役於一定期限之下。是無異墮於民兵制度之中。願據經驗之證明。民兵從來未能抵禦訓練精良的正式軍隊。世人以為可以強大武裝矯正之。然無紀律無團聚之隊伍。不知防衛此武裝也。」

軍制在民族性格與倫理構成上之功用。讀者至此或可了然矣。

軍官得為。並應為服役軍隊青年之真正教師。乃有人誤以有用之時間擲之虛耗。適足見其謬矣。

教導兵士演習。惟應屬長官之一部份的工作。操縱人員之習慣。已將不少軍官變化為心理學者。其數尚未見多。已有若干人久解此方之任務。例如數年前郭色 (Gaulher) 將軍為少校參謀之時。曾將余書若干章節。用為演講材料。刊行「軍隊與指揮之心理」一書是已。

就中關於倫理教育者。撰者已將個人品行與羣衆品行創造方法之差別。詳細說明。夫長官固能暫時在一部隊之中。引起若干極高品性。如克己、效忠、忘私、捨身等等。但此種頃刻品行。不能延存於創造的長官感化之後。乃個人品行一旦用上述之原則變化為習慣。即可久存。

若性格已受薰陶。連同智識。人類則有一極優於一切有形資本之心理資本。有形資本可因事變而消滅。然心理資本不能毀也。

一切近代民族。尤以拉丁民族為甚。皆需要一種具有堅固心理資本之倫理教育。惟有軍隊惟能使其有之。

由是觀之。吾人之將來。懸於青年所受之倫理教育也。

至若智慧。法國人皆有之。所以青年取得證書極易。不幸性格諸品性。常無相當之發展。惜哉。

顧處今日社會所進入的時代之中。確定民族之將來者。卽爲此種品性之占有也。

第七篇 同盟與戰爭

第一章 同盟之價值

政治家在現代事變中執有一種任務者。歷史當然記述戰時俄國駐法大使伊司孚耳司基 (Isvolsky) 君之名。

其爲駐法大使以前。曾任外交部長。並在歐洲各國都會。從事於重要外交職務者也。

此大政治家思敏學博。深悉領會與操縱人物之難術。偶而不免有誤。然歷史所載從來不誤之外交家。殆無其人。

耽讀吾書者。君爲其一人。當其駐在巴黎之日。猶將余所撰「現時箴言」一小冊子譯爲俄文。某日。余向其建議增加箴言一條。證明民族間之同盟。一旦此民族之利益分歧。卽見消滅。

大使微笑語余云。不必增加此條。是爲一種業經歷史確認之真理。安用追憶爲哉。大使鑒識明敏之言。業經戰爭與和議充分證實。

義大利及羅馬尼亞。初與德國聯盟者也。至其利益與德國分歧之日。卽反戈相向。

當吾人爲俄國所棄。戰爭末年與國試與德國分離之日。可證明同盟價值之微。

引起同盟破裂的利益之作用。並在其起源中表見之。美國卽爲一顯明之例。當其感覺德國脅迫日甚之時。雖不受若何條約之拘束。卽斷然放棄其中立。起助吾人了此大戰。

法國報紙愚駭不明事理。在戰時言之不已。而謂英美聯合法國。防衛法權公道。殊不知其防衛者。實爲本國之利益。故英國時報曾云。「吾人拔劍。乃爲自身。俾仍存爲海上與世界商業之主人耳。」德國打倒之後。應防法國佔有優勢。所以英國當局用鄰於暴烈之決心。阻止法國恢復其萊茵舊境。又以相等之毅力。阻止使德國不爲鄰國害的萊茵緩衝國之建設。

美國之態度亦然。當其參戰之時。曾告吾人之政治家與新聞記者。謂美國爲防衛法權與自由而戰。

一九二一年三月十一日美國駐英大使則誠實言曰。

有不少人深信美國派遣青年戰士渡海援救英法義等國。此非真相。吾人特爲援救美國而派遣耳。

上述之種種證明。皆表示同盟爲一種相類利益之暫時結合。利益分歧。同盟立即消滅。

當其野心與利益極濃之時。彼此毫無好感之民族。可以締結同盟。德皇威廉二世（Guillaume II）久思與其所憎之法國同盟。而以反對其尤憎之英國。觀比國外交部前祕書長愛耳司特（Van der Elst）所刊布之比王劉波耳（Leopold）之談話可以知之。

威廉告之云。余用種種方法。謀與法國接近。爲年久矣。每次欲與攜手。即受輕蔑之拒絕。所有余之計畫。皆與政府固執的反抗相抵觸。並爲法國報紙所暴擊。且故意變更性質。藉以侮謗。余曾臆想與法國和好。余欲爲一般之利益與之結成一種強健的大陸團體。用以防制謀將世界收爲已有的英國之野心。乃余反見法國宣傳怨恨報復。並預備戰爭。謀將吾人消滅。

德國日臻強盛。英國昔深畏之。極願與之談判。願其調解手段成效不佳。德國且於戰爭開始時。確

信英國守其中立也。

世人常言。若英國在一九一四年徑言其意。德國或不敢發動戰事。此種延誤。殆爲英國習用政策之必有的結果之一。彼與法國結合之利益。惟至德國一反英國政治家之所期。而侵犯比國中立。並脅迫盎維司港之時。始見存在。

觀前引諸例。可以明瞭同盟之心理的根據。可以推想此字之真義也。

按以世界現在之進化。與夫經濟利益之變幻。民族間之同盟。惟能代表相類利益之一時結合。此利益之共同不存。同盟卽隨之而解。

且不應忘者。當世人言及同盟之時。除在商業交際中必須廉直。否則不能繼續營業外。毫無國際政治道德之跡可尋。則法權與公道等語。構成完全無效並不足影響行爲之名詞也。

史書所誌。大致爲強國侵略弱國之事。從未言及法權。編年史家惟對於侵略者表示其曠賞。未常注意法權公道等說。普魯士王飛烈德利二世 (Frederic II) 卽因其剝奪其無權剝奪之隣省。而得大王之徽號。

在其他諸國亦如是已。潘迦烈 (Poincaré) 君前在丹克爾克 (Dunkerque) 演說。曾追憶此城昔爲英國商業之有害的競爭城市。英國曾欲暗襲焚燬之。一六九四年與一六九五年兩年中。兩次曾派戰艦火舟來襲。幸爲讓巴爾 (Jean Bart) 所防阻。但後來英人終將此城諸要塞夷平。海港破毀。

則支配民族交際之唯一道德定律。祇有強者之定律。今日如是。明日亦如是。將來莫不如是。盟約時常無益。有時且能有害。夫奧大利與塞爾維亞之爭。與吾人毫無關係也。惟吾人與俄國之盟約牽連吾人加入一種可畏的戰爭之內。估計法俄同盟之代價。有一百五十萬人之死亡。數州之破壞。與億秭之耗費。

若民族之利益鮮明。無需盟約。即可使之參戰。在戰爭中援助吾人最力之國。質而言之。英美二國。卽爲無一盟約拘束之國。

如前所述。吾人不因以斷言同盟永遠無用也。爲預防強國攻擊弱國計。同盟且有一種可實的無形效力。例如德國若逆知英國與法國相結合必不發動戰事。由是觀之。與其用一種空泛的預約。

無寧用一種英法切實的盟約。或可免除大戰。

和平之時。法英美三國之間如有盟約。亦可妨礙德國之報復計畫。

無一現在民族之勢。能離精神的同盟而存在。是爲今日唯一有效之同盟。其他概無效力。前已言之。然則法國應與何國同盟歟。

此問題與希臘神話中之古神 (Sphinx) 所提出之問題相類。解之則存。不解則亡。吾人之將來。懸於此也。

與美國聯盟。或爲最適願之同盟。然爲美國上院所拒。戰後美國之利益既殊。觀念亦變。

一種明白排歐之民情。奉載哈丁 (Harding) 爲總統。而親德運動。致使美國要求初未思及之。共同作戰時貸於諸協約國之借款。

美國報紙現在且暗示曰。美國之負擔重稅者。蓋因其爲債務人之協約國。不願償還。若諸國不以全款用於軍備。償還極易。

美國民族漸信妨礙一般軍備之減縮者。卽爲法國軍備。現正預想華盛頓政府對於歐洲諸國可

能爲的政治壓迫方法。

美國意欲強迫若干歐洲國家減縮軍備。自爲意中必有之舉。尤爲德國之所切盼。

美國此種新傾向。更可證明今日同盟之脆弱。尤可證明與美國同盟之無望。

與二三等國家。若捷克波蘭等國之同盟。所與者寡。前此與波蘭之半同盟。幾與俄國蘇維埃開戰。可以鑑矣。

與義大利同盟。更爲未定之局。義國各報已斷然要求戈爾司 (Corse) 尼司 (Nice) 突尼西 (Tunisie) 諸地。義大利日報 (Giornale d'Italia) 曾言。義大利得如戰前。與德國修好結援矣。同盟既不可望。依賴國民協會。依賴社會黨之國際主義。或平和派諸癡物之演說。尤爲輕率。昔日之幻想。已使吾人幾墮深淵。今日不能更有之也。

孤立於歐洲。既不能遠望美洲之助。吾人之勢。必定甚弱。

現在惟一國民而法國獨有若干利益與之訂結同盟。以謀其無形效力者。厥爲英國。夫欲尋求此種同盟之可能的根據。首應注重英國之習用政策。次應注重其現在狀況。

指揮經過長遠時期堅定的民族之政治家。雖經種種變遷。仍保有少數遺傳原則。而以自制。此中有若干原則極其堅定。諸當局雖出身於不同的政黨。一旦當權。即適用之。

英國爲今日極其堅定之民族。所以其政策歷久而不變。自「常勝艦隊 (Invincible Armada) 一五八八年西班牙伐英之艦隊其大部份爲風浪所沈沒者」時代。迄於拿破崙時代。英國始終反對歐洲勢力強盛之大國。一八七零年之法國。勢似過強。英國則贊成德國之勝利。一九一四年德國又見過強。英國乃與吾人連橫以權之。

吾人之當局。前此惟恐喪失一種不可少的同盟。自和議開始以來。對於英國之種種要求。莫不退讓。由是便利其歐洲霸權之成立。

苟英國無求於法國。法國雖求之。必徒勞而無效。其當局之心理。惟於受不可抗的須要壓迫之下。始許給與若干事物。

今日英國自由取攜。牽制其舊日之與國。似不掛慮於一種新盟約之締結。設其態度不變。其結果應如何耶。

假定頑強的德國。在惟有司命能知而不可免之時代。自信其勢已強。可以報復。而攻擊孤立之法國。設吾人敗紐。英國將成何種境象耶。

其數無可疑也。安維司 (Antwerp) 與迦萊 (Calais) 二港。落於德人之手。英國立即喪失其海上勢權。侵入既易。不久即淪為德國之一種尋常屬地。

魯意佐治屢次用以挾制吾人之英德同盟。不能挽回如此劫運也。德國一旦戰勝法國。必即加兵於其同盟之國。雖為恢復其屬地計。亦勢必出此。

由是觀之。無須更言其他利害關係。英國為使德國不再鬧覺起見。亦應不免與法締結一種明確無含蓄的同盟。

與英國之同盟。絕非代表一種切願之庇護。而為一種論價之營業。吾國之外交家。用交易貨價的商人之手腕。操奇計贏。必有所獲。應以有禮貌的剛毅。代替和會以來之畏懼的隱忍。當時不幸有萬能的威耳遜總統之曖昧的理想主義。與英國首相擴張大不列顛帝國領土衰弱法國之毫不曖昧的實際主義。今日則不然也。

與英國之同盟。當然不應過於縛束吾人之將來。而使吾人加入未來之戰。若其與日本締結盟約。若日本與美國開戰。吾人勢必加入一種更較有害之戰爭。吾人尤不應忘者。因有法俄同盟。致使吾人參加破壞世界之大戰。復不應忘者。吾人現與英國之半同盟。幾使吾人與土耳其互相構兵。由是觀之。法英盟約。應特別明訂其目的。與互相協定之界限。其主要目的則在防制必使吾人文化抵於末日之歐洲大亂。

此種現代實際。重於外交之無用的機敏。與夫平和派之多言。統治即爲預賭將來。於今尤甚。不知預賭。致費四年之戰爭。富庶區域之損毀。此種冒險事業。重見不免有害也。

第二章 爲霸權與爲生存之鬭爭

一 英國爲霸權之鬭爭

歷史中諸大民族。莫不覬覦霸權。

今日此種需要之濃。更勝於凱撒及沙爾勒五世之時。特不明言耳。主持民族國運之政治家。妄以

爲已免此禍。

主張帝國主義最力的英國部長。在一演說中。希望「用以防制野心與貪心之民族聯會之創設。可使宇宙不再沈淪於所謂戰爭之苦難之中。」

夫字義固不難爲外交家所改變。但自議和開始以來。英國領土之不斷的擴張。吾不信此部長於其所批評之理由外。質言之。於野心與貪心之外。能有其他理由。

政治家之言行完全不符。乃因所本之心理各殊。演說關係個人尙未實行的理想。而行為惟反映當局指導的民族之遺傳的志願。政治家之有勢權。必須爲其種族之鑒鏡。固能宣傳博愛互助。然指導其政策者。仍爲完全不同原則也。

英國既爲永遠希圖擴張領土之國民。無可假定其羣衆的遺傳心理業已變更者在也。

前此所述。本於個人自覺心的演說。與本於種族不自覺心的行為之判別。支配民族之政治生活。最近戰爭自起源以後。受其支配更甚。

則其在戰時演說中喋喋不已。謂其爲反對軍閥主義與霸權需要而奮鬥。英國政治家於議和後。

即以英國霸權代替德國霸權。完全違背其莊嚴宣告之原則。亦無足異矣。

民族表示其暴烈的侵略者。無有逾於英國者也。既攘有德國之艦隊與屬地。復降埃及米瑣波達米亞波斯爲其附庸。並利用希臘人之間接。而謀奪孔士坦丁堡與土耳其疆域之一部。

既將米瑣波達米亞。巴勒斯坦 (Palestine) 埃及。德屬非洲。迦美倫 (Cameroun) 脫葛 (Togo) 巽他 (Sonde) 羣島等地先後併入。大不列顛世界帝國。自埃及達於迦卜 (Cap) 印度。包括亞非二洲之大部份。並佔全球面積四分之一以上。

其地位可以寇爾孫 (Curzon) 貴爵在下議院演說中之一語概之。「英國在此戰爭之中全享其利。並超過其所期之外。」

蓋英國從未夢想如此之非常權勢也。數星期中。已足將世界大戰之一切利益劃歸己有。歷史家費萊洛 (Ferrero) 云。

英國於德國野心之後。亦染有世界權勢之瘋狂。行將重再牽連宇宙。與之同歸於盡。英國重墮於拿破崙失敗於前。德意志失敗於後的錯誤之中。英國自信僅一民族之利益。可爲宇宙之法

則。欲在亞洲半部荒基。試爲拿破崙帝國或德國人嘗試之妄舉。特其准備較爲堅實耳。

英國建設世界霸權之意思。不惟用土地之侵略表示之。且用其對待諸協約國之不可抗的方法。當俄國共產黨兵臨波蘭都門之時。不恤遮斷當紀港之唯一通道。阻止法國供給擔任妨制侵入的波蘭人之軍火。又唆使吾人邊境之英國保護人。敵對吾人。而強使吾人在敘利亞耗費不少軍人巨款。又於四年之間。不斷的對抗吾人賠款之要求。

由是觀之。英國霸權之成立。雖爲世人所未預料。而不失爲世界戰爭之一要果也。

英國對於此種霸權。所費代價甚微。其財政狀況之佳。致使其現在預算。收入超過支出。則歐洲反對德國霸權戰鬪四年者。非爲墮於英國霸權之下歟。後一霸權之殘酷。不能謂輕於前一霸權也。

昔人責備德人。謂其以受有開化世界之天命。而爲謀執霸權之藉詞。魯意佐治在一演說之中亦云。天命英國種族開化宇宙之一部份也。

惜此著名部長。未曾洩瀉上帝用何種神祕啟示。將前此賦與德國之使命賦與英國。

現在諸民族之進行。絕對違背和會表示之觀念。蓋吾人今見世界各處產生二三霸權中心。其構成與其進化。似爲下一心理定律所支配。

凡國民發展者。必希圖霸權。及其勢力較強時。則希圖消滅其敵國。

末次戰爭之要因。實爲德英侵略歐洲霸權之鬭爭。德皇夢想與之作戰者。乃英國。非法國也。

希圖稱霸宇宙之民族。不久即見有其他希圖霸權的民族之樹立。此事現在日見有之。與英國帝國主義平行者。又有膨漲甚速之美國帝國主義。美國雖有英國與日本之對抗。已夢想執掌亞洲霸權矣。

日本在中國佔領滿洲以後。亦希圖擴張其勢權於西伯利亞東部、中國北部、蒙古、菲律賓等處。所以美國緊急設置戰爭艦隊。準備與之抗衡。

二 在遠東爲生存之鬭爭

在歐洲爲霸權之鬭爭。蓋因野心所致。嚴格言之。可以免也。吾人行將見在遠東發生之鬭爭。則爲不然。日本人口日見其增。是爲其生存必要之鬭爭。任何公會之演說。不能阻止之。此種景象。構成

所謂太平洋問題要素之一。此問題關係美國之將來。所以美國邑然憂之。

顧其信仰公會。一如宇宙諸國。曾招集一華盛頓公會。以謀解決此問題。其藉詞則爲軍備問題。但在實際上所配心者。不在此項附帶問題。

太平洋問題。雖經諸演說家用種種比喻。語法掩飾其真相。實在尋求抵制日本稱霸亞洲。與遣派移民赴美之方法。日人不與別種混雜。繁殖甚速。工價甚廉。非白人所能與之競爭者也。

顧移民美國固爲美國之不利。而爲日本所必須。日本每年居民生殖過剩。本國無地可容。中國人口亦密。未能容納。勢非侵入美國與英國諸屬不可。

諸地之移民苛律。已使今茲以前之侵入甚難。日本昔日勢未甚強。曾忍受之。今則不能如是。

昔日與日本同盟之英國。與之距離甚遠。不畏侵寇。故未見黃種膨脹之害。惟英屬諸自治國家。若加拿大、澳洲、新西蘭、南非洲等地。則絕對與美國表示同情。而不願有黃種之移民。

其代表在此點上已有明白表示。澳洲總理曾云。「吾人所代表諸國之權利中。有選擇其國人之權。由是並有排斥不適宜的外人之權。」

現在日本久能受此辱國之禁令歟。惟有實力惟能強制之也。

願昔日之弱小日本。已成強國。並與最可畏的列強折衝樽俎。現有一種海軍。與英國海軍並重。而在戰時巡邏太平洋。有裨於諸協約國不小。其駐巴黎之代表。且列席主持和議之最高會議。

昔日之小日本。今在政治上已成重要。既在中國爲經濟之侵略。復將滿洲佔領。不久必將佔領西伯利亞。西起貝加爾(Baikal)湖。東至海參威(Vladivostok)。富於煤炭煤油之地。今之日本。已成亞洲之真正主人矣。

余前在一大部著作之中。久已預言白種與黃種之不可避免的衝突。

此時似已屆矣。至美國今有抵禦日本侵寇之可能者。蓋因其於援助諸協約國時。設備一種海陸軍也。

賴有此種軍備。與英屬諸國之精神援助。美國始能抵抗日本之壓迫。但此壓迫日見其大。乃欲尋求免除空前殺人大戰之方法。是爲種族之大戰。印度埃及中國。爲不再忍受白人之壓迫起見。必與日本合縱同仇。

旨哉澳洲總理之言曰。「世界大事之舞臺。將由歐洲大陸移於太平洋上。」

華盛頓公會將美亞大戰之期限延展。

此種到期。勢不可免。美國當局將來勢必取下述之兩途。

或容納黃種之侵入。黃種繁殖甚速。終必變美國爲日本屬地。抑以戰爭對抗侵入。

此種戰爭極大。而其脅迫日增。非復昔之源於野心。源於朝代競爭。與源於怨恨之戰矣。此戰可與極大的謀生存之鬪爭相擬。其在地質時代之中。業已主持種類之滅亡與變化。

華盛頓公會之政治效力雖劣。但可用以證明雖有平和之夢想。民族生活仍受天然定律之支配。任何文化之進步。未能使之消滅云。

第三章 安寧問題

現在最重要的問題。顯爲安寧問題。諸協約國既漸離棄法國。則獨當不忘報復之敵者。惟有法國而已。然則如何保障其安寧歟。

其法不多。且在實際上惟有一法有效。即佔領沿萊茵河諸城一法是已。放棄諸城。嘗試報復之日。即迫。諸大軍事首領在此點上。意見皆一致也。

將來已隱伏於現在之中。所以不應忘德人重再侵入法國土地之事。

一九二三年二月十四日紐約演壇 (New York Tribune) 報。追憶德人在法比二國之舉動有云。

首先剝奪其居民。繼而強之工作。並流之德國有如奴婢。盜竊機械什物圖書。焚燬房屋書庫教堂。破壞土地。而屠殺人羣。魯凡 (Louvain) 馬林 (Malines) 二城之掠奪。比辛在比國所派之竊盜專家。當兵退與登堡 (Hindenburg) 戰線之時。善於變法國北部為荒原之工程師與技術家。當時目睹之人。今日尙能追憶者。量必不少。

德國一旦報復。此種舉動必定再演。毫無妄想之可能。一種德國之新侵入。必使法國完全破壞。德國之計畫。永遠可以普魯士陸軍部長施能架爾夫 (Schellendorf) 之語概之。其語云。
德法之間。惟能有一死鬪。

圖者一人滅亡。問題方可解決。吾人將丹麥、荷蘭、瑞士、里風尼亞(Livonie)、特利斯特(Trieste)、維尼司(Venise)、法國北部、自松麥(Somme)河迄洛哇爾(Loire)河諸地一概併入。

此種久經德國歷史家與教授所辯護之野心。至法國放棄其現有的平和保障之日。實言之。至放棄萊因佔領之日。必定再發。在此點上。亦勿庸抱有妄想也。

布隆克教授關於此事。曾引證柏林大學著名教授邁耶爾(Edouard Meyer)之言曰。「吾人應使青年知之者。戰爭雖未予吾人前此之期。將來必有一日繼續有若干戰爭。使此宿命注定的德國民族。在世界之中到達其應有之地位。」

此意。多數大學教授多具有之。數月之前。柏林大學法科學長曾語布隆克教授曰。「新戰決不可免。明日吾人將重再取得昨日所有之地位。」

此種思想。應常憶之。因其所包含之將來。與過去相等也。但人常忘之。有若干部之司科。頗見平和主義之風行。而提倡忘懷過去。殆冀以平息德人之奮怒。似可無疑矣。

此種不可解的乖謬之舉。可引「設若德人戰勝」一書之撰述人所經之事。以例之。撰者據德國

諸名著。述其設計。本書已取得諸名人之贊同。李約泰 (Lytton) 大將軍。其一人也。

撰者不明余前述之心理。曾以其書三百冊。贈之教育部之該管科。冀其分贈諸自治區之圖書館。此書之功用甚明。乃不免受斷然之拒絕。其拒絕函中有云。「本書雖有理由。但語氣強硬。」理由蓋如是已。

吾人之宣傳防禦事業。所得結果如此。微賤官僚竟敢反抗宣傳。其愚誠不可及。

當法國與歐洲之前途命運。在盧爾區中動搖之日。適爲國民協會之淳厚的法家發表人道演說之時。此種演說。不惟聆者不信。即言者亦不自信。

加之此種演說。又爲厭倦濃霧所包圍。所以有時讀之倦極。偃息而入夢境。

余一夢偶至名鬼所居之幽界。

始見之幽靈。卽爲手創德國統一之畢斯馬克郡王。彼按劍厲聲詬予曰。

可厭的種族之惡子。勿矜言汝之勝利太過。幸而汝國之社會黨。共產黨。與愚昧的博愛家。爲數尚多。可使吾人之報復確定。是日也。余之繼承人決不再蹈一八七五年之覆轍。當時余見法國

之重興。欲殲滅之。取其膏腴。強使承受百年不能恢復之衰弱之條件。乃不應從諸君主之忠告。而鑄此大錯。設余欲爲之。諸君主決不致執武器以衛法國。然則何以余有此失耶。

余聞此無禮之言。含怒捨之他去。遠望似見拉奉丹 (La Fontaine 法國著名物語家) 一六二一
至一六九五(年人) 在一鬼羣之中。

近逼之。確爲此君之靈。彼適向聽衆說「虎與獵人」之物語云。

有虎以殘猛名。在一林中。適與手執騎槍之獵人相值。當獵者擬槍將欲射虎之時。此虎以爪撫心。疾聲呼曰。

獵人且止。博愛家比已宣言萬物皆屬兄弟。虎爲人友。爲時已久。虎爲人保護草地。而不使惡羊施其饕餮。惟有資本家養人害虎。請兄一遵解除武裝的傳道門徒之宣言。彼此聯合。同享宇宙之幸福。請投武器。余亦將剪除爪牙。

獵人受此語之感化。乃下其槍。但未離手。虎見目的已達其半。復繼續進其甜蜜之言。終使獵人信而不疑。遠擲其槍。此虎遽中止其博愛之言。猛撲獵人食之。旋蔑視獵人之殘骸而笑語曰。

恣物。

感動過易的獵人之諫詞。祇此一語。第其能當別一諫詞歟。

夢覺之後。取數種英國日報閱之。皆對法國作其慈善的勸告。勸其退出盧爾。拋棄有礙英國商業的賠款要求。是亦魯意佐治君對於其俯首帖耳的協約國常爲之勸告也。

佔領敵國土地之一部。顯屬一種耗費的而不愉快的事業。祇須取德人計畫報復諸文讀之。卽知此事爲必要。

法比二國。距有其他抵制重再侵入方法之日尙遠。在繼續統治民族之野蠻思想尙未全變之日以前。不能有其他解決方法也。

第四章 未來之戰爭與軍備解除之幻想

德國與列國之惱人的軍備解除問題。吸引一切政府之注意。

德國尙能爲平和之大患。故無一國家敢滅縮其軍備。預算負擔雖重。亦莫可奈何也。

是以當一切民族希望平和之時。而有一不可抗的須要。強之加增軍備。

法國尤不能思及解除武裝。必須英美應許吾輩當局屢請不應之請求於德國重再侵犯時。起而援助方可。祇恃此種同盟之無形效力已足矣。

此種計畫既已失敗。法國勢必獨當不諱其報復切望之數百年的敵國。

歐洲受戰爭之脅迫。從無有逾於今日者也。譯將奧大利土耳其二國分爲若干仇視之小邦。尤爲永久爭鬪之禍源。

捷克人、羅馬尼亞人、波蘭人、匈加利人、塞爾維亞人、土耳其人、希臘人等。或已在爭鬪。或將起而角逐。

繼承德國軍治君國之民國。其好戰能不及以前諸君國歟。心理學與歷史。不許有此望也。美國新總統之顧問白特萊(Britter)博士。曾謂古代希臘人民表決和戰時。時常贊成戰爭。是爲支配羣衆心理的定律之一結果。博士又云。

箴言有云。「違背民意強使作戰者。乃爲政府。」此語絕對不合事實。吾人敢言。在一九一四年

七月之末一星期中。德奧二國若用人民表決辦法。決定和戰。其主戰者必爲絕大多數。

諸協約國固執要求解除德國軍備。質言之。將其所餘的機關槍與大炮銷燬。必以爲銷燬其軍器。德國必再不能爲患。

此種信仰。極爲荒謬。

據任何軍人之說。德國現在有無槍炮。立時不能再起作戰。

數年之後。則不然矣。雖無一炮。亦能克敵。

此種結論。蓋本於軍備中日見之進步。觀其趨勢。將來民族之爭。大致爲空中之戰。其中境界。軍隊。與炮火之作用。殆甚微也。

今日爆烈物製造所抵之結果。致使其破壞勢力極端可畏。祇須利用商業飛機運載裝有此項爆烈物之水雷。擲擊城市。每具魚雷可將對徑已過一百公尺的面積中諸物。完全消滅。則足毀一街之房屋居民矣。

新戰爭之目的。將不在攻擊軍隊。而在消滅城市與其居民。此種新戰爭之期限。較之往昔爲短。但

爲害極大。

未來軍器所費甚廉。蓋僅以運輸貨物之商用飛機。裝載爆裂物與發火炸彈也。

茲爲對於讀者證明前說並非想像起見。不能不在此處插敘數言。

前此余已聲明十五年前曾與巴黎大學教授大司特。共同創設一種週餐會。各界名人咸蒞此討論時局問題。

習慣聚餐之人。有名將。有大政治家。曾銷磨其奪人心目之時間。以聆茫善 (Marsia) 莫狄威 (Maudhuy) 兩將軍之敘戰事。富爾尼耶 (Fournier) 將軍之談海軍。大政治家如白里揚 (Briand) 巴爾徒 (Barthou) 之言諸大社會問題。來巴黎參加和會諸要人。若維尼質羅司 (Venizelos) 大格岳尼司科 (Take Jonsco) 伯奈司 (Benès) 布拉江諾 (Bratiano) 諸人。亦皆蒞此。發揮意見。

余爲聚餐會之主席。曾選擇討論之問題。

當吾人討論德國軍備解除。與未來戰爭之日。軍事航空某大司令曾來過訪。言及未來戰爭中航

空之要用。據云。代價甚巨之軍隊。已成無用。可以指揮飛機隊之一萬專門人員代之。是日聚餐諸客。適有將軍三人在座。余以此事諮之。

諸人皆承認航空之重要。然對於其作用。不無反駁之說。第一軍團砲兵司令伽司管 (Gasconin) 將軍。以爲現在都城面積甚廣。飛機不能確定拋射之點。祇能毀滅受攻城市之一部。茫善將軍與莫狄威將軍。以爲飛機不能大爲軍隊之害。蓋因士卒之移動。與散布。常能派遣軍隊向敵城執行報復。貝爾特羅 (Daniel Berthelot) 君亦謂如是之損害。有其無形反響。其效果尙難逆睹。彼意以爲未來戰爭之中。攻擊大優於防禦。至少在戰爭之初。應如此也。

據德國之出版物。可以知其對於未來戰爭之觀念。其計畫得綜合如下文。

一千九百幾十幾年時。弗朗克福 (Frankfort) 某咖啡店座中。有一人正在臆想德國之前途。店門忽開。有一賣報人呼曰。「請閱弗朗克福新聞。」取報閱之。上載有如下消息。

引領已久的報復之期。已至矣。倫敦巴黎現已消滅。建物居宅皆毀。居民或已壓斃。或已焚死。僅存少數居民。號咷喪膽。逃避鄉野。德人聞此消息。莫不驩欣鼓舞。

至此役預備之詳細情形大致如左。

遣赴倫敦巴黎裝載爆裂物與發火炸彈之兩千飛機。乃在各國訂造。俄國其一國也。訂造時。惟言作商業飛機之用。吾國之化學家。已發明預備爆裂物之方法。分離其元素。則不足為害。故世人鮮有注意者。

前為免除反攻起見。故對於倫敦巴黎消滅之計畫。嚴守秘密。賴有間諜處之報告。所有航空中心。吾人皆已知之。所以於消滅兩大城市之時。同時將敵人飛機庫焚燬。

為避免敵軍之侵入本國。德國軍隊已與破壞飛機同時開至邊界。

午後四時出版之弗朗克福新聞又云。

吾人之飛機已回本庫。重載爆裂物。再赴倫敦巴黎。將其完全消毀。並用無線電報通知法英二國一切電臺。謂如不承認吾人之極其嚴酷的議和條件。每日毀一大城。英法政府當然祇能屈服。吾人得謂歷史中殺人最多的與毀壞最大的戰爭。已於二十四小時之中終了矣。

將來科學供給何種未明的武器。尚難言之。惟更較兇殘。則無可疑。德國人之報復。顯欲如是。德國

固已喪失其有形資本。然其心理資本。質言之。爲其經濟權力的基礎之技術能力。尙無礙也。自有史之初以來。德國永與其隣共爭戰。能謂六十兆人之國家。於四十年間。每年向其勝者繳納貢賦歟。

著名的福士大將軍。在一新聞記者訪問中曾言。製造大炮飛機。永遠不見其難。「馬淪(Marne)之戰。爲不再見之大業。墨質(Meuse)爲不能防禦之河流。停戰以後。吾人一日不在萊因河上。余卽一夜寢息不安。」

若英國政府用其在和會討論中所表示之堅決的意思。仍阻止吾人存留於此。吾人之地位極其可危。顧現在已甚危矣。

百年前法國人。與現在法國人心理之差別。討論之說甚多。其根本不同之點。則在百年前吾人脫離史乘最光榮的英雄時代以後。一敗塗地。但將來未曾脅迫吾人也。今日法國人於新戰之後。克敵奏凱。但將來脅迫之大。致使吾人寢饋不安。此種心理狀態。影響前途甚重。

諸政治家解決賠款問題。既爲其力之所不能爲。應集全力而謀解決安寧問題。欲其成功。行動較

演說爲有效。

近代科學雖賦與人類以無上權勢。然未以聰明界之聰明缺乏。則此新權勢惟能破壞。所以本於科學之文化。恐將爲科學所消滅。

吾人之文化。外受報復戰爭之脅迫。內受社會鬭爭之挾制。能否免於消滅。今尙未能知之。

若欲免此禍患。須使民族與其主人。以本書反覆申言之若干原則。供其行爲之指南。諸原則可以節略如下文。

一、現在世界之進化。使民族互屬之切。致使其中一民族所受之損害。不久即累及其他一切民族。則民族利在互助。至少亦應互忍。

二、在表面混亂之下。指揮民族生活之經濟。須要與心理須要。具有物理定律之嚴酷。所有幻想家。暴烈改造社會之嘗試。惟能施其破壞而已。

此種純粹理性的真理。將來抵於釀成行爲的感情範圍之日。一種持久的平和。必能成立。須至斯時。世界始免爲殘害淒慘之地獄。

現時既然迷離不定。久言黑暗的將來。終亦未見其益。

吾人今日不知來日之事。然敢斷言。觀念在將來世界之進化中。必仍有其要用。脫吾人能識將來人類之觀念。其命運可能逆陪。第出於大戰之新觀念。現在尚在構成之中也。

大戰殘存之人。尙未取得一種明確的心理。其人現在專重實際。無暇發現哲學家尋求不得之人生真義。

已往人類所注意之政治理論。與宗教理論。似與今日之理論略有不同。但所有專制。不論出於神道帝王。抑出於羣衆。皆爲其所不能忍受也。

不論新代之人。繼有之實際爲何。其命運仍懸於指導的觀念。其人受其印刻。有時且不自覺。

人類自從脫離原始的動物性以來。卽永受觀念作用之支配。歷史卽爲其結果。夫名稱不同。受人崇拜。而民族不能須臾離之神道。蓋爲觀念之創物。

諸大文化。暨其制度信仰藝術。亦皆建設於觀念之上。選擇指導民族之意象。關係民族之盛衰。用以統治將來民族之意象。吾人不知。所以其將來。今尙不能逆陪。民族變更其觀念。與爲觀念化。

世界之紛亂

身之神道。常爲可畏之事業。羅馬不知解決此大問題。終不免於衰亡云。

二百三十

578
27377



765

